


詩之爲教存乎性情苟無得於  
斯則其道謂之幾絕可也皇元  
近時作者迭起庶幾風雅之遺  
無愧騷選然而  
朝廷之制作或不盡傳於民間  
山林之高風必不俯諧於流俗  
以詠歌爲樂者固嘗病其不備



見也清江傳說卿行四方得時  
賢詩甚多卷帙繁浩廬陵孫存  
吾略為詮次凡數百篇而求予  
為之題辭予觀其編以靜脩劉  
夢吉先生為之首自我  
朝觀之若劉公之高識遠志人  
品英邁卓然不可企及冠冕斯

文固為得之前後能賦之賢未  
易枚舉偶有未及非逸之也若  
乃僕區區曹鄴之陋則在所不  
足錄云至元二年歲在丙子八  
月辛巳邵菴道人虞集伯生題  
辭

皇元風雅姓氏

卷之一

劉靜軒

伯顏丞相

盧疎齋

張仲疇

張野夫

趙子昂

卷之二

交趾王

郝天挺

貫酸齋

李道復

元明善

程雪樓

徐參政

史紫微

許魯齋

虞伯生

鮮于伯機

閻靜軒

劉御史

國家圖書館, NATIONAL CENTRAL LIBRARY, TAIWAN, R.O.C.

梁宣慰  
何理問  
張天師  
吳宗師  
滕玉霄  
馮海粟  
吳草廬  
李伯宗  
柳道傳  
陳濟淵  
馬伯庸  
龍麟洲  
杜竹處

卷之三

安竹齋  
明普彥  
文子方  
歐陽圭齋  
袁伯長  
杜清碧  
楊仲弘  
李竹所  
何吾山

卷之四

劉時中  
吳敬庭  
李長源  
楊鵬翼  
陳自堂  
劉頊溪  
劉立雪  
劉養吾  
揭曼石  
羅礪谷  
孫伯善  
黃南卿  
湯子文  
劉雲山  
申屠致遠  
趙半閑  
羅滄洲  
張周卿  
周石原  
王性存  
趙心遠  
趙李文  
胡尊生

連伯正  
黃河清

宋本  
胡古愚

孫用復  
劉明叟

卷之五

高若鳳  
趙蒙齋  
范德機  
甘東溪  
李源道  
陳中山

張叔賜  
倪中豈  
孫存吾  
薩天錫  
夏果齋  
宋梅洞

許獻臣  
倪若水  
張息堂  
林彥稟  
胡斗南  
龔子敬

卷之六

梁隆吉  
彭容庵  
何願貞  
趙茂原  
鄧彧之  
陸文圭  
張嗣良  
甘虛庭

李古淡  
仇仁近  
黃子肅  
楊達可  
陳敬翁  
陳魚村  
何太虛  
凌虛谷

李誠泉  
吳漢儀  
張希孟  
吳仁傑  
蕭南軒  
易炎正  
陳晉齋  
高孤雲



應居仁  
姓氏畢



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之一

前集

盱江梅谷 傅習 說卿 采集

儒學學正 孫存吾 如山 編類

奎章學士 虞集 伯生 校選

劉靜脩 先生名因字夢吉保定人

裕宗皇帝在青宮聞其賢以贊善大夫召至京師未幾以親老求歸養居數歲

朝廷尊仰德義拜集賢學士又以疾辭踰年遂不起年纔四十有五縉紳惜之

NATIONAL CENTRAL LIBRARY, TAIWAN, R.O.C.

黃金臺

燕山不改色易水無新聲誰知數尺臺中有萬古情  
區區後世人猶愛黃金名黃金亦何物能爲賢重輕  
德輝照九仞鳳鳥繞一鳴伊誰腐鼠棄坐見饑鳶爭  
周道日東漸二老皆西行養民以致賢王業自此成  
黃金與山平不救兵縱橫落日下荒臺山水有餘清

翟節婦

兵塵浩无际烈士難自全婦人无九首志欲不二天  
燕山翟氏女既嫁夫防邊一朝聞死事健婦增慨然

生有如此夫早寡非所憐求尸白刃中負土家山前  
事去哀益深義盡身可捐無兒欲何爲所依惟黃泉  
鄉鄰救引訣烈日丹衷懸誰辨節孝翁重賦睢陽賢  
我昨過其鄉山水猶清妍聞風髮如竹飄蕭動踈煙  
千年吟詩臺峩峩大寧巔爲招馮大師和我節婦篇  
有大如天地

有大如天地日夜長乾乾有小如蝼蟻營營誰使然  
我亦形蹟中豈得獨安閒萬物相爲用錯綜盈兩間  
如身百骸具少一爲不完有形無虛生豈予獨贅偏



森然氣分內既有不可鑿蝮蛇誰宥之生生亦能延  
安有人道尊堙滅獨不傳乾乾以爲師餘者一听天

### 燕平學仙臺

碣石來海際西南奄全燕中有學仙臺燕平欲昇天  
燕平骨已朽遺臺猶相傳雖復生青松歲久推爲煙  
極目望海波不見三山巔三山巨鰲簪山人蟻蝨然  
使无不足論信有亦可憐大塊如洪鑪金石能久堅  
天地會有盡何物爲神仙空山无笙鶴落日下饑鳶  
今古非一臺浩歎秋風前

### 登武陽

朝遊樊子館晚上武陽城潮接滄溟近山從碣石生  
斷虹雲淡白返照雨踈明日暮悲吟發樵歌已慘情

### 易臺

望中孤鳥入銷沉雲帶離愁結暮陰萬國河山有夔  
趙百年風氣尚遼金物華暗與秋光老杯酒不隨人  
意深無限霜松動巖壑天教搖落助秋吟

### 山家

馬蹄踏水乳明霞醉袖迎風受落花怪見溪童出門

望鵲聲先發到山家

伯顏丞相

度梅關

馬首經從度嶺歸  
王師到處悉平夷  
擔頭不帶江南物  
只插梅花一兩枝

鞭

一節高弓一節低  
幾回敲磬月中歸  
雖然三尺無鋒刃  
百萬雄師屬指揮

郝天挺

麻姑山

路入尋幽景便嘉  
石田瑤草帶煙霞  
注經洞古亡遺檢  
養藥爐存失舊砂  
青鳥空傳王母信  
綵鸞應到玉皇家  
巖扉不掩春長在  
老却碧桃無數花

史紫微

江南曲

風淒露冷江南岸  
瑟瑟寒波秋練練  
採蓮歌斷紅雲空  
蘋葉蘆花結新怨  
鴛鴦鷺鶩鸕俱可  
伶相呼相倚沙觜  
眠白頭漁子搖蒼  
烟一雙飛上枯樹  
巔

荒塚謠

荒岡斷壠誰家墳經年无主蒿草繁土崩棺蝕漆灯  
滅狐狸作巢生子孫牧童燒火山藥赤花磚迸裂松  
行根牯牛作群來礪角折碑盡是淚土痕夕陽未下  
燐火出陰風刺刺雲昏昏精靈見下相徃來嚶嚶書  
歛如人言君不言昨日城中車馬客又來尋地為真  
宅

盧疎齋

題太白墓

太雅清風久不聞一盃聊為洗荒墳  
朱絃三嘆無今古說與江東日暮雲

婺源縣齋書事

竹樹映清曉坐聞山鳥鳴  
瓶花香病骨簷雨挾詩聲  
客亦非餘子春無負此生  
明朝予問俗吟罷却須晴

書梓山堂經室

問俗來山郭携春到竹溪  
花香破禪寂林樾受鶯啼  
欲和觀音偈聊來醉墨題  
閑雲若留客不肯為余西

題子陵釣臺

雲山蒼蒼兮煙木稠石灘潺潺兮江水流故人兮冕  
旒先生兮羊裘使人皆先生兮誰其伊周使人不先  
生兮誰其巢由可任止久速兮舍聖人將焉求清風  
一絲兮豈為名釣焦黃荔丹兮香火千秋岸下幾篙  
分榮辱之舟先生一笑兮白雲收

貫酸齋

白兆山桃花巖

美人一別三十年思美人兮在我前桃花染雨入白  
兆信知塵世逃神仙空山亭亭伴朝暮老樹悲啼發

紅霧為誰化作神仙區十丈風烟隔淮浦暖翠流香  
春自活手撚殘霞皆細末幾回雲外落清嘯美人天  
上騎丹鶴神遊八極栖此山流水杳然心自閑解劍  
長歌一壺外知有洞府無人間酒酣仰天呼太白眼  
空四海无纖物明月滿山招斷魂春風何處求顏色

美人篇

任風彫雪玲瓏温吳姬剪月纖纖昏行雲補髻翠光  
滑鳳凰叫落空山月手摘閑愁八字分青山恨重畫  
不伸肌膿汗膩朱粉勻背人揮淚粧无痕霜刀自製

石榴裙閉門不識諸王孫綠烟薰煖藍田玉羅帶隨風  
換粧束飛鳥啣怨過長門芳菲不忍韶華屋連環步  
窄玉佩響霓裳袖闊東風長釧鬆腕瘦覺多情舉指  
搔天天亦癢枕香帳冷蘭灯沉落花不入芙蓉衾三  
山路杳銀河深彩鸞高訴愁人心天與美人傾國色  
不知更與美人節夢裏梅花夢我身萬古千年一明  
月

君山行

北溟魚背幾千里負我大夢遊弱水蓬萊隔眼不盈

拳碧落香銷吹不起茜裙女兒懷遠遊遠人不歸明月  
羞寶釵縮髻翠欲流風鬟十二照暮秋女媧鍊石補  
天手手拙石開露天醜瓊樓玉宇亦人間直指示君  
君見否斯須魚去夢亦還白雲與我遊君山

畫龍歌

老墨糊天霹靂死手擘明珠換眸子一潛淵澤久不  
躍泥污風鬚色深紫虬髯老子家燕城怒吹九龍无  
餘灯手提百尺陰山水連雲塗作蒼龍形槎牙爪角  
隨風升逆鱗射月干戈聲人間仰視翫且听參辰散

落天人驚瀟湘浮黛娥眉輕太行不讓蓬萊青烈風  
倒雪銀河傾珊瑚盞閣斟不平吸來噴出東風迎春  
色萬國生龍庭七年旱絕堯生靈九年滂漲舜不耕  
爾來化作霖福爲吾

大元山海足

觀日行

丁巳春三月余之所謂寶陀山顛有石  
曰盤陀可觀之初疑其大不可量既歸  
宿作方夜半之餘詩僧魯山同賦

六龍受鞭海水熱夜半金烏變顏色天河蘸電斷鰲  
膊刁擊珊瑚碎流雪朔方野客隨雲閑乘風來遊海  
上山飛屨拖空渡香水地避中原雜聖凡壯鰲九尺  
解霜鼓瘦紋巨犬自掀舞驚看月下墨花鮮欲作新  
詩受龍女人生行此丈夫國天吳立濤欺地窄乾坤  
空際落春帆身在東南憶西北

采石歌

采石山頭日顏色采石山下江流雪行客不過水無  
跡難以斷魂招太白我亦不留白玉堂京華酒淺湘

雲長新亭風雨夜來夢千載相思各斷腸

別離情

吁別離之苦兮蒼梧之野春草青黃陵廟前春水生  
日暮湘君動輕翠脩竹亭亭染紅淚又聞垓下虞姬  
泣斗帳初驚楚歌畢佳人閣淚棄英雄劍血不銷原  
草碧何物謂之別離情肝腸剝剝如銅聲不如斫其  
竹剪其草免使人生爲情老

題廬山太平宮

山上清風山下塵碧沙流水淺如春不知松外誰敲

月驚動南華夢裏人

蘆花被

僕過梁山泊有漁父以蘆花爲被僕尚  
其清欲易之以紬者漁父曰君尚其清  
願以詩輸之

採得蘆花不浣塵綠莎聊復藉爲裯西風刮夢秋無  
際夜月生香雪滿身毛骨已隨天地老聲名不讓古  
今貧青綾莫爲鴛鴦妬歎乃聲中別有春

題陳此山扇五首

雅前一

九

秋鳴無數醉秦娥却把輕風惹扇羅明月碧澄天似  
水此山雲氣動纖波

紅旭如鉛海上來蒼蒼煙霧小蓬萊東風昨夜醇如  
酒吹得桃花滿樹開

翠幙低垂護午陰碧瓶裏面水痕深東風截斷人間  
熱勾引清涼養道心

一簾明月倚闌干宇宙尤宜就夜看飛上仙槎河漢  
近手招沆瀣海銅盤

功成不用服丹砂笑指雲霞摠是家清曉山中三尺

雪道人神氣似梅花

許魯齋

趙氏南莊

曉起北窓涼清談戢羽觴入簾花氣重落紙燕泥香  
夢裏青山好吟邊白日長秋風載書籍相對築茅堂

和先生姚公

去去迷途莫問津問來還恐不知真因時用舍固有  
命與道卷舒還在人百尺竿頭愁據險一庵林下樂  
爲鄰孰輕孰重何須問夢想故園桑柘春



贈實先生行二首

西山山下覓幽村水竹隣居擬卜君豈意天書下白  
屋便收行李入青雲功名准自英雄立得失防因去  
就分萬里風沙渺南北請歸消息幾時聞  
莫謝風沙老不禁斯民久已渴商霖願推往古明倫  
學用沃吾君濟世心甫治看將變長治呻吟爾復化  
謳吟千年際會真難得好要先生著意深

偶成

萬物備吾身身貧道未貧觀時見物理主敬得天真

心爽星辰夜情新草木春自憐斲喪後能作太平民

病起

花透香風入短檣草抽新綠倚柴荆正憂多病作身  
累且喜幽居見物情花爲可觀遭天折草因無用得  
欣榮世間巧拙都相半不許區區智力爭

謝梁安撫惠田

晚來幽興入幽居擬即君侯置一區令德久思親慷  
慨佳田今許乞膏腴太行西對千峰玉淇水東窺萬  
斛珠幸着此身於此老願從樂正五人俱

張仲疇

送許魯齋歸山

諸相累累入省闈先生何事獨西歸  
心隨道隱貧非病老得身閑古亦稀  
行色一杯燕市酒春風二月楚山薇  
到家已及蚕生日布谷催耕隴麥肥

李道復

偶成

日午山中道停驂進步難  
薰侵苔徑滑風入毳袍寒  
在國終無補全身尚未安  
一樽茅店酒強飲不成歡

喜雨

誰調元氣入淋漓枯槁回生只片時  
依舊野雲無着莫高天闊地任風吹

寄東宮二首

艱苦勤危從俯仰盡周旋小試屠龍技  
翻成抱虎眠脫鈎魚從壑漏網鳥冲天  
萬事從今始灰心未死前十年陪顧問  
一旦決安危自合成功去應慙識事遲  
長城徒自壞孤注莫相疑辟穀求仙者  
高名百世師

初科知貢舉

百年場屋事初行一夕文星聚帝京  
豹管敢窺天下士龍顏誰占日邊名  
寬容極口論時事衣被終身荷  
聖情願得真儒佐明主白頭應不負平生

金陵懷古

西風聒耳過黃蘆萬水東流草樹枯  
蟾窟一年秋色近鵲橋萬里客心孤  
青山故國新豐樹芳草王孫舊  
酒壚壯志未磨天地闊劍光夜夜照江湖

虞伯生

和李平章秋谷小車詩

雪餘宮草隱晴沙相國朝春試帝車  
班馬晝移温室樹鳴鸞晨度掖垣花  
塞帷每命賢俱載趣駕頻煩使  
至家此日龍門誰執御擁經正履侍金華

和周待制朝回即事

三十六竿吹鳳凰九重春色絢天光  
卿雲微動旌旗煖湛露初晞草木香  
貝葉神師東渡嶺金輿馴象北  
浮洋小臣職在歌功德拜手陳詩對日長

岡子原呈王學士

岡子原頭春色濃小車晨出看西風  
雨餘林潤人鳥

好日煖沙平我馬同西引峯巒來座上東觀樓觀起  
天中詠歸莫作匆匆晚倘解相逢擊壤翁

奎章閣讀進中卷

玉堂策士詔儒臣

御筆親題墨色新省樹坐移簷底日宮壺馳賜殿頭  
春虞廷制作夔龍盛漢代文章賈董醇書閣暮年偏  
感遇但歌天寶播  
皇仁

與趙子期趨閣雜賦

日出風生太液波畫橋影裏彩船過橋頭柳色深如  
許應是偏承雨露多

雨浥輕塵道未乾朝回隨處借花看牆東千樹垂楊  
柳飛絮來時近馬鞍

春雲冉冉度宮城樓雪初融水未生行過御溝成久  
立起頭枝上有啼鶯

屏風韋坐鬢毵毵絳蠟搖光照暮酣京國多年情盡  
改忽听春雨憶江南

待漏宮門听鑰開袖中進卷摠賢才奏名殿裏千花

合傳詔堦前好雨來

千花拂檻柳垂絲畫刻傳呼淑景遲

聖主自看新進策侍臣簪筆立多時

文章光燄過長虹來者無窮往者空頭白眼昏心力

盡高堂深夜燭搖紅

送伯長待制扈駕之上都

日色蒼涼映赭袍時巡無乃

聖躬勞天連閣道晨留輦星散周廬夜屬橐白馬錦  
韉來駸裏紫駝銀甕出蒲萄從官車騎多如雨只有

揚雄賦最高

寄池州司直同知

使過池陽聞上日好懷浩蕩爲君開江干維楫車馬  
集亭上持盃風雨來中夜魚龍听語競明年鴛鴦候  
朝回九華山色翠可食爲問謫仙安在哉

寄張伯雨

隱居聞道無人識麋鹿來依積海深每從雲氣得芝  
朮莫怪丹光穿樹林茅君自騎一虎下木客或與群  
猿吟知予此時正相憶遲余躡屩度千岑

送朱仁卿歸盱江

羨子南歸盱水上過從爲我問臨川  
幾家橘柚霜垂屋何處蒹葭月滿船  
應有交游怜遠道好從父老說  
豐年寒機早晚成春服一一平安報日邊

興聖宮朝退次韻袁伯長見貽

尊號於是日加上禮成告謝宗廟余東出赴齋宮  
翠蓋重重寶扇斜從官穿柳散慈鴉過宮路遠紆天  
步上壽杯深閣雨花玉貫兩虹通象錦衣成五綵鍊  
雲霞奉祠東出蓬萊道春水鳧鷖踏漢槎

別成都

我到成都纔九日駟馬橋下春水生  
渡江相送謝主意過鄉不留非我情  
鷓鴣輕筏下溪足鸚鵡小窻知  
客名幸得郾筒酒易醉夜深衝雨漢州城

廿五日即事呈閣老諸學士

松陰鵠立候宮車風送宮花着白鬚  
水影漸移簾側畔鶯聲只在殿東隅  
近床擬進新琴操載筆難題古  
畫圖太液雨餘波浪動龍舟初試散魚鳧

贈星上人

潭北湘南無影樹一花吹渡海門潮  
天香滿室定初起雲氣上衣身  
欲飄寶月夜寒龍在鉢銀河秋近鵲  
來橋豈無一箇邛州竹與爾孤松伴寂寥

送可無上人

吾公昔講時听者不起座虛空悉銷殞  
何由見人我名字誰與安說義話已隨尚  
自無亦無更問可不可不見天雨華誰能拾餘朶

賦凝雲石

海石不盈握隕然如委雲危岑集遠思  
虛竇栖微薰

天高大華斷日落香爐分几硯永清潤  
文章互氤氳潛雷起神谷震驚天上聞  
並視恐無及化爲九龍文

送兄德脩南還

老兄五月來作客八年不見頭  
搥白五人兄弟四人在忽憶中郎淚  
沾臆我家蜀西忠孝門無田無宅惟  
書存兄雖筦庫實父蔭弟竊餘澤承

君思文章不如仲氏好叔氏最少  
今亦老五郎十歲未知學嗟我胡爲  
長遠道諸兒讀書俱不多又不力  
耕知奈何憂來每得二三友看花把  
酒臨風哦蜀山

嵯峨歸未得盤盤仙壠臨川側碧梧翠竹手所移應  
與青松各千尺南風吹雪河始冰只歸烏帽何熒熒  
明年乞身向天子共讀文書歌太平

澧州謝家通濟橋

澧有蘭兮沅有芷相望涓涓隔秋水蛟龍迴夜隱波  
深虹霓乘晨駕空起十年石尉何西東天下有道津  
梁通朝祠東皇蒼雲中行人無忘懷謝公

題南野亭

門外輕塵接市廛坐中春色自幽亭雲橫北極知天

近日轉東華覺地靈前澗魚游留客釣上林鶯轉把  
杯傾莫誇韋曲花無賴獨擅東南雨後青

題九歌圖

太乙神君號東皇玉質要妙含和陽生生炁始通微  
茫綿綿蒸空神中央浮英上羅文天章覆冒下滿谷  
與阮旁塞無間靈無方靈來乘柔往乘剛湘君夫人  
鎮相望清溫靜好非淫傷司命元老元氣昌手執藜  
杖色老蒼歷劫壽命不可量少君之壽同其長離無  
異體合有常出入萬化終不望晶明發晨上搏桑海



天赫赫真金芒質鍊不滅長垂光河源混混流湯湯  
伯也坐視無迎將千古萬古何堂堂被幽爲厲爲強  
梁朝狸暮豹方鴟張精魂熠燿志意荒招之不反巫  
無良屈生作歌沉九湘世人傳聲罕尋詳祝融仙子  
調玄黃九神出圖百怪藏不信請視虞公章

題趙子昂馬圖

憶昔從公侍書殿天閑過目如飛電池邊儘有吮豪  
人神駿誰能誇獨善今公騎鯨隘九州人間空復看  
驂騑惟應御氣何相逐黃竹雪深千萬秋

張野夫

壽李秋谷

璿階曾共近清輝一旦雲鵬九萬飛再入中書今亦  
有兩封上國古全稀霜侵吟袖趨朝去香惹宮袍侍  
講歸同使斯文躋壽域且休回首北山薇

元明善

寄翰苑諸公

蒼烟綠樹滿汀沙負手行吟日又斜江水有時窮地  
脉海雲何處是天涯生前幾醉樽中酒夢裏曾來海

上槎惆悵懷人重回首晚風吹盡紫薇花

送湖南李直夫憲使

君去湖南我上京思君欲見又蕪城滄波留月能歸  
海江鴈拖雲不到衡一代豪華誰遠識百年驚畏護  
靈名好來不作男兒事有水可漁山可耕

送董慎齋左丞討賊

負劔先驅意氣閑也勝跼躅着儒官古來每說從軍  
樂此去不辭行路難使節再臨民志定兵鋒一舉賊  
心寒書生奮力効馳逐要寫功名久遠看

題天冠山

仙翁昔往天冠山夜呵鬼神衛爐丹丹成飛去杳不  
還藥池丹井猶山間翩翩學子風佩環華榭鉅櫪青  
雲端思玄尋躅果安訪鶴歸月落前溪灣

跋南嶽壽寧觀碑後

朱陵靈臺天柱巍太虛寶洞綠煙扉上館赤帝朱鳥  
飛祝融宅南參為旗羲娥兩曜愁蔽虧象緯冷逼嗟  
佂迷四觀燕吳與秦齊恒嵩泰華孰崇卑五氣順布  
百志熙流祥阜物宣后祇雨風露雷豈其私惠爾下

土尸者誰中有異人餐赤芝夜眠秋霞晝天倪衣以  
青雲裳白霓風車八極驂兩螭七十二峰足幽棲琳  
宮貝闕輝陸离潛光煉魄如嬰兒大丹入咽無渴饑  
誰其思之吳宗師神變倏忽方張施冷然御風渺何  
之太君歲晏嘉予期千秋萬歲受鴻釐  
皇圖景運永以丕手持芙蓉朝紫薇旋飈天闔此來  
歸彰靈峇貺達爾垂磨崖鐫我瑤華辭

鮮于伯機

望嶧山

東方巨鎮宗岱宗群仙列侍臣妾同西南崛起一萬  
仞却立不屈如爭雄何年妖星下天宮墜地化作青  
芙蓉外如刻削中空洞闔風玄圃遙相通我昔東遊  
訪青童群仙招我遊中峰悔不絕粒巢雲松失身誤  
落塵網中如今可望不可到艤舟空羨冥飛鴻神仙  
可學事亦晚安用屑屑悲秋蓬吾聞嶧陽有孤桐鳳  
凰鳴處朝陽紅安得斲爲寶琴獻  
天子爲民解愠歌南風

趙子昂

送吳汀洲

七閩南去路崎嶇五馬承恩出帝都地氣喜聞今有  
雪民生寧似昔無襦山城酒美傾鸚鵡旅館春深听  
鷓鴣他日相思應恨恨離筵不思賦驪駒

采石

天門日湧大江來牛渚風生萬壑哀青眼故人携酒  
共雙眉今日爲君開蒼崖直下蛟龍吼白浪橫空鶴  
鵲回南眺青山懷李白沙頭官渡苦相催

過岳武穆王墓

鄂王墳上草離離秋色荒涼石獸危南渡君臣輕社  
稷中原父老望旌旗英雄已死嗟何及天下中分遂  
不支莫向西湖歌此曲水光山色不勝悲

即興

春陰柳絮不能飛雨足蒲牙綠更肥政恐前呵驚白  
鷺獨騎款段遶湖歸

絕句三首

庭槐風靜綠陰多睡起茶餘日影過自笑老來無復  
夢閑看行蟻上南柯

橘子花開香四隣  
綠陰如染淨無塵  
幽齋獨坐鳥聲  
樂萬景不干心地春

自有天地有此溪泓澄  
百折淨無泥  
我家溪上無人  
到只疑身在青玻璃

漫興四首

竹色雨餘碧  
蟬聲風際清  
方池貪綠水  
中有纖鱗行  
浮沉各異態  
亦足悅吾情  
坐久不成起  
待得月華明  
露生夜將半  
澹然無所爲  
草根虫鳴歇  
松梢螢度遲  
城市多塵雜  
令人心不治  
茲止亦可老  
已與白雲期

春晴浩無端  
野望快有曠  
山花眩桃李  
澗影瀉松竹  
鳴鶴聞九臯  
白駒在空谷  
好鳥何處來  
啼破林烟綠  
揚舲清河流  
開蓬素秋曉  
爛斑被巖花  
委蛇順流藻  
天晴元鴈高  
野闊行人小  
故園歸有期  
客愁淨如掃

和子俊感秋

秋至忽十日  
天宇豁然清  
涼飈旦夕至  
林木發商聲  
良夜不我與  
慨然心自驚  
古人久已逝  
念之動中情  
苦心嬰世患  
只博身後名  
今我將無同  
聊復得此生

東郊

晨興理孤榜，薄言東郊遊。  
清風吹我衣，入袂涼颼颼。  
幽花媚時節，弱藻依寒流。  
山高碧雲斂，日出白煙收。  
曠野得我懷，欣然消我憂。  
中流望城郭，忽忽佳氣浮。  
人生亦已繁，惠養要須周。  
約身不願餘，尚恐乏所求。  
且當置勿念，變化終歸休。

奉隆福召命赴都過德清別業

驟暄氣候變，幽園卉物淒。  
山雲石上起，春鳥雨中啼。  
牽衣憐穉子，舉案愧山妻。  
苦被虛名累，未得遂高栖。  
雪石同子俊，遊何山次韻。

同是清閑客，俱為放浪遊。  
晴山依雪壯，野水帶冰流。  
風急松杉亂，年登薺麥收。  
生涯須未老，吾欲覓菟裘。  
送郭律伯強得請歸東平侍父

麟鳳出瑞世，不受虞衡拘。  
郊藪亦可遊，豈必在軒除。  
明時靡遺民，治世容隱居。  
振衣齊魯間，脫屣風露衢。  
衆進我獨退，卓然君子儒。  
西漢有芳躅，東門祖兩踈。  
路人亦嗟惜，哀哉二大夫。  
伊余獨何幸，乃得尾送車。  
恨不生羽翰，與子東南俱。  
臨分無以贈，善保千金軀。

贈別夾谷公二首

雅前一

驅馬原隰間經時不遑休昔來日在半今去麥已秋  
王氏有裨益宴安非所求翩翩晨風翼一舉逝莫留  
誰令匏瓜繫自懷离别憂

青青蕙蘭花含英在中林春風一披拂胡能見幽心  
相去千餘里會合大江潯促席談今古知我亦何深  
此別雖非遠离思渺難任公其愛體素尚无金玉音

春陰

日出晨景淡散髮步中庭仰見濯濯柳春風暢人情  
兹晨豈不佳誰能念陰晴人生亦良晚疲勞竟何營

萬事可撥置舍道馬求成

出都

都邑何雄麗車馬日夕喧鷄鳴趨蘭省日夕不遑眠  
兹晨奉明詔馳驛東西奔雪積原野白路脩烟塵昏  
馬鳴朔風起吏士慘無聲還顧望帝鄉更覺勞心冤  
我今無家客斷蓬离本根願爲雙飛鶴奮飛入青雲

張詹事遂初亭

青山遶神京佳氣溢芳間林亭去天尺萬狀爭自獻  
年多嘉谷合春晚花自殿雕闌留戲蝶畫梁語嬌燕

退食鳴玉珂友于此終宴鐘鼓樂清時衣冠集群彥  
朝市塵易侵圖書味方遠紛華雖在眼道勝安用戰  
初心良已遂雅志由此見何事江湖人山林未成願

送夾谷分省陝西

憶昔長揚獵于時始識公堂堂九尺幹落落萬夫雄  
補袞彌縫密能書點畫工勞謙延士類豈弟到兒童  
黃閣歸人望青雲有父風驅馳常扈從奏對每留中  
暫輟尚書履榮分陝右弓秦山依畫錦燕雪感飛蓬  
粉署趨承旧瀛洲忝竊同因公動鄉思飛夢到江東

題商得府所畫桃源春曉畜

宿雲初散青山濕落紅繽紛溪水急桃花原裏得春  
多洞口輕烟搖綠蘿綠蘿搖烟掛絕壁飛流直下三  
千尺瑶草离离滿澗阿長松落落陵空碧鷄鳴犬吠  
自成村居人至老不相識瀛洲仙客知仙路點染丹  
青寄輕素何處有山如此圖移家欲向山中住

題二喬圖

長江東去水滔滔誰謂河廣不容刀中有喬家女兒  
淚何意師昏隨二豪龍虎相爭欲相啖鸞鳳鍛翮將



安進不見當時老諸葛獨聘醜婦何其高

書事四首贈孫思順

溪上東風吹柳花溪頭春色淨無沙白鷗有信忘機  
事元鳥猶知有歲華錦纜牙樯非昨夢鳳笙龍管是  
誰家令人長憶東陵子擬問田園學種瓜

天涯相遇兩相知對榻清談玉屑霏芳草謾隨愁共  
長青春不與客同歸薰風池館蛙聲老落日簾櫳燕  
子飛南浦它年重到日湖山應識謝玄暉  
露下碧梧秋滿天砧聲不斷思綿綿北來風俗猶存

古南渡衣冠不及前肯綮總肥宛駸裊枇杷曾泣漢  
嬋娟人間俛仰成今古何待他年始惘然  
層巔官閣幾時脩檻外長江空自流白露已零秋草綠  
斜陽雖好莫雲稠平南籌策張華得治內人才葛亮  
優景物未窮登覽興角聲孤起甕城秋

感興

三月江南鶯乳啼百花爛熳柳依依殘紅無數迷歌  
扇嫩綠多情妬舞衣寶鴨焚香川上暝畫船過鼓月  
中歸只今零落秋風裏把酒無言對落暉

題山堂

手種青松一萬栽，山堂留得翠屏隈。  
推窓綠樹排檐入，臨水紅桃對鏡開。  
山雉唯迎朝日去，瞑禽啼傍夕陽來。  
山妻亦有幽棲志，數日遲留不肯回。

過故廢苑

一片中原地，紛紛幾戰爭。  
至今將不去，留與後人耕。

題秋胡戲妻圖

相逢桑下說黃金，料得秋胡用計深。  
不是別來渾未識，黃金聊試別來心。

丙吉問牛

博陽陰德澤堂廊，民物周流鬢髮蒼。  
尚爲吳犍駐車問，諸公但飽大官羊。

題陶母待賓手卷

范逵誠孝廉，陶侃固英特。  
英特未可知，門有孝廉客。  
傷哉陶母貧，剪髮易酒食。  
此意固自佳，此髮足可惜。  
此髮足可惜，兒心將奈何。  
丈夫淡相與，豈以酒食多。  
平生郭林宗，何如茅季偉。

寄牧庵參政

黃雀山頭楚觀鐘  
喚醒塵夢久  
從容歸來坐  
听春林  
雨  
還憶簾前翠萬重

閻靜軒

梅杖

揀遍西湖萬玉珂  
春風入手重摩娑  
閑青章竹能香  
不較品鳩藤奈俗  
何聲破夢寒  
霜滿戶影隨詩瘦  
月  
橫波只知功到調羹  
盡不道扶持力更多

皇元風雅卷之一

皇元風雅卷之二

交趾王

大明殿侍宴

班陪玉筍侍紅雲日表熙熙瑞氣溫萬派朝宗滄海  
闊衆星環拱紫宸尊雍容湛露歌詩什彷彿鈞天入  
夢魂孤孽秋毫皆

帝力願彈忠赤報深恩

送駕至上都過關口而回

控轡追隨寶馬群古長城外送金根仙蹤縹緲鸞聲

雅前二

一

前集

遠客路崎嶇燕尾分喜見重瞳開日表何勞八翼夢  
天門梅巖有約人知不幾處朱欄看白雲

送元明善赴京

江流脉脉草離離黃鶴磯頭酒一卮報國忠心憐我  
老論文半面識君遲正當舉鼎調梅日又是長亭折  
柳時收拾琴書歸路穩鳳城依約更相期

送李龍川平章赴闕

雪洒長亭酒滿斟楚山千疊水千尋梅清半識平生  
面桐老相知太古心鴈影南樓孤月冷馬頭北闕五  
雲深二毛越叟情无限獨向南窓袖手吟

挽卜憐吉互河南王

哲人萎矣棟梁傾回首西風涕暗零三世功名今古  
史百年過客短長亭手扶紅日名猶在身就黃糧夢  
不醒記取汾陽勲舊業紫薇留種繼芳馨

萬歲山侍宴

碧漢鳴鸞隔世塵玉京開宴會星辰舞迴鰲背千山  
雪酒上

龍顏萬國春物被仁風榮

御苑水流

聖澤溢天津越南羈旅陪賓列咫尺光瞻日月新

駐馬渡頭

大別山頭漢口前吳王磯下沔城邊立殘秋水隔灘  
鷺噪落夕陽何處蟬赤壁冷煙銷魏卒黃州淡月照  
坡仙英雄瀟洒名俱在我愛吟狂不媿天

鄂館書懷

蕭然孤館起淒風半壁青燈照病容滴碎秋心窗外  
雨敲殘曉夢枕邊鍾衡陽鴈斷三千路巫峽猿啼十

二峰不盡闕山回首處暮雲疊疊水重重

秋晚睡覺

海水盈盈漏轉籌霜風吹角出譙樓夢殘淡月五更  
曉心遠孤雲萬里秋玉帛幾年賓上國詩書半世老  
中州平生事業渾如昨無奈青燈照白頭

徐參政

題吳城山石砮

砮砮砮砮中應雙一在陳庭一此鄉楛苟已隨毛血  
化石稜尤作劔鋒剛知音士適逢坡老得寶神陰相

豫章廟令收藏要如法試看垂矢在東房

劉侍史

九日按上都過陵丘

匹馬行吟萬壑中浮平身世幾西東  
山空雨洗千崖翠酒溥顏添半面紅  
滿徑荒叢摧夕露一庭黃葉走秋風  
陵丘又過重陽節流落天涯愧老翁

過陸丘縣

白露擁蒼石紅葉浸寒水騎馬下山來  
啼鳥忽驚起

梁宣慰

過湖登樓

樓前秋水健帆開樓外秋風舞袖回  
萬里梯航通鳥道四時風雨護龍堆  
江山如此不一醉歲月幾何能再來  
欲問老髯求鐵笛夜深吹上紫荊臺

何理問

題宜春臺

山外青山樓外樓楚雲迢遞暮天秋  
千年綵鳳鳴高阜一道長虹鎖碧流  
舉目但知天地闊凭闌不管古今愁  
二仙縹緲成陳迹我亦飄然賦遠遊

張天師

四景

初日暉暉照翠苔庭前昨夜碧桃開一簾香霧微風  
動知是仙人騎鶴來  
深院棋聲日正長博山添火試沉香道人鞭起龍行  
雨帶得東潭水氣涼  
天際涼風似水流山中瑤草不知秋黃庭讀罷無餘  
事鉄笛一聲閑倚樓  
養就還丹不怕寒獨騎黃鵠上雲端笑談借得天家

雪散作琪花滿石壇

吳宗師

獲玉印

三茅山道童遇白兔入穴掘之得一玉  
印乃九老仙都君印宋宣和時物也

篆刻鎮華陽猶帶宣和雨露香玉兔有靈開地  
藏道童无意得天章九重臺上增春色萬里書中耿  
夜光喜遇明時薦神瑞三君珍重互宏綱

六月十六日早



朝偶成八句寄山中諸友

五年四覩六龍飛又領群仙覲紫薇  
金殿煙雲浮黼几玉階日月麗旌旗  
群臣奉

重勤三讓

國母臨朝重萬機  
選食蟠桃知幾次  
客星還照釣魚磯

滕玉霄

合星移次福江西  
萬馬攢蹄夜不嘶  
鼓角聲隨山月上  
旌旗影拂海雲低  
心惟一正千官肅  
事不多言萬

法齊帶得天邊新雨露  
曉看春意滿鋤犁

謫會昌二首

莫道文章不直錢  
布衣親到玉皇前  
好詩未足三千首  
又爲梅花入瘴煙  
錦衣來作夜郎客  
紈扇忽逢春夢婆  
太平宰相知我者  
誰使醉後狂言多

舟中

拍拍有懷天可語  
落落不過吾何歸  
廬山蒼蒼江水急  
明日鶴背西風飛

贈弓秋蟾

瓊花十里小樓紅，醉吞牛斗眠長虹。十年四海分萍蓬，一笑邂逅滕王洪。床頭回首黃金空，但覺耿耿盤心胃。問蟾何不歸蟾宮，自有老月留身中。誰受一粒金丹紅，學得紙上畫墨龍。白晝呼吸風雲從，頃刻霧暗天濛濛。妙處巧奪造化工，不復知有陳所翁。君不見金陵壁上不點瞳，霹靂驚江東。我欲煩君具毫楮，畫一小龍回顧母。普令天下生孝心，不向江湖長驗雨。

感寓六首

宇宙忽空闊，飲馬萬里流。平生負兩眼，及此行寓州。天青健鶻運，木脫饑鴈投。長風吹海雨，濯我紫綺裘。相逢半遊俠，把酒髯如虬。慷慨說史記，歷歷山川秋。向來衣帶水，目短何爨舟。

吾愛東方朔，高揖金馬門。向非玩六合，安肯來崑崙。昂昂九天身，談辨黃河翻。誰知上書意，蛾眉非自婚。不見馬相如，俛首狗監恩。人生非桃李，何故不自言。吾愛李太白，玩世如游龍。自知天上謫，何必人間容。

海風吹綠髮蕭蕭卧雲松我昔夢見之遺以金芙蓉  
清輝恍在眼月落蛾眉峰

西風桂花落我上天台山仙子扶我手冷然蒼水環  
乘鸞者誰子飛烟渺難攀三生此遊戲弄影銀河灣  
空山忽風瀑四顧鳴潺湲長揖馬紫微此豈非人間  
春風如綠波淡蕩洛陽柳高樓語錦瑟落花泛綠酒  
何人白鼻騮蒙茸紫貂袖一字或未識銀兔懸兩肘  
煌煌貝宮珠迺落緯蕭手爰居偶鍾鼓犧牛竟文繡  
終然同一盡豈復論好醜誰知草玄者窮巷閉白首

船頭書十乘船尾酒百壺酒盡書在眼落月如明珠  
忽悟八陣法縱橫始河圖惜哉經世士未有窺唐虞  
季子相六國所見惟陰符

元日對雨

冷雲卷雨宿巖阿又見東風長薜蘿宇宙千年光霽  
少闕河百戰亂離多鉄心不入利名路綠鬢堪供歲  
月梭試筆尋詩詩未穩梅花樹下少婆婆

湖西小樓

不如載酒此凭闌水色山光蔚可餐紫翠挾春排坐

濕玻璃湧月入窓寒蒼茫白鳥明幽巖掩染飛花漾  
碧湍但領風光入吟嘯畫船綺袖不須看

所見

何時結屋亦雲根隔水人家可輞川萬仞雲山凝曉  
碧一弓風日弄秋妍虛名豈用傳身後俠氣猶能累  
眼前料理寒香微雨外已拚蕭散待流年

吟到

吟到西風黃葉枯新愁幾點落寒蘆乾坤萬象俱吾  
有烟雨一闌何處無流水悠悠吾道在浮雲擾擾世

情踈午牕喚醒華胥夢古木巖頭聞鷓鴣

訪隱

西風短褐飛黃埃何不從我遊蓬萊狂歌醉舞下山  
去後夜月明騎鶴來

吟人

吟人瘦倚曲闌干酒醒香銷午夢殘燕子不來春社  
去一簾踈雨杏花寒

夜雨

未到黃昏緊閉門怒雷挾雨過前村老夫熟睡渾不

覺風捲濤聲入夢魂

半生

半生獨受春風淺萬感相隨秋夜長  
隱几無眠听落葉松梢搖雨濺山房

僧舍

一枕松風入夢清空庭夜雨暗禪燈  
山中酷愛僧居好得似山中不着僧

馮海粟

題黃鶴樓

鶴樓千尺倚晴闌大別山青舞峻鸞  
昨日英雄無問處依然江漢湧波瀾

題揚州瓊花

錦帆隱隱到天涯古道殘陽泣暮鴉  
莫爲龍舟更惆悵廣陵依舊看瓊花

題墨時魚

平生骨氣占南風玉色鬚鱗海汐通  
莫與粉紅參石首天機袞袞水流東

旌表申孝子門

竹屐輕輿到處安  
水溫半菽盡情歡  
寸心不暫三暉  
置萬頃何如一畝寬  
高蓋門閣華黼黻  
斑衣歲月老  
中冠遙憐續漢書  
申孝千古申屠又有蟠

吳草廬

自驚二首

前丙寅十八歲作

氣昏嗜臥愛非輕  
才到更初困倦生  
必有事焉常恐  
恐直教心要強  
惺惺縱當意思沉  
如醉打起精神坐  
到明著此一鞭能  
勇猛做何事業不能成  
元來一片虛靈府  
埋沒經年滓穢場  
不特通時多走

逸覺於靜處亦飛揚  
晝間常被事牽引  
夜後猶隨夢  
擾攘喚起主人翁  
驚省自家三徑不容荒

題閻皂山

漢吳仙跡兩峰齊  
欲拾瑤花路恐迷  
寶殿青紅凝地  
湧林巒蒼翠接天低  
九重香案分雲篆  
八景琅函記  
玉題仙鶴翔空清  
似水步虛聲在朶梅西

題蘇李泣別圖

節旄盡矣自須存  
此日生還侍主恩  
右杖謾循椎結  
泣平陵有子廣无孫

畫李伯時九歌圖後

李家畫手入神品楚賢流風清凜凜誰遣巫陽叫帝  
閭爲招江上歸來魂音紛紛音紛紛柱高辰遠聰不  
聞扶葉初瞰海橫雲司命播物泥在釣洪纖厚薄无  
齊雲公無渡公無渡衡風起螭鼉怒夜猿啾啾天欲  
雨天欲雨迷歸路歲晏山中採蘭杜靈脩顧顧復去  
莫怨瑤臺神女姤坎坎鼓進芳醕耻作蠻巫小腰舞  
千年往事今如新摩挲舊畫空愴神騰身輕舉一回  
首楚天萬里江湖春

送陳小庭之廬山

匡廬幾千仞崔嵬上有天仙相往來我欲遊之未遐  
遠君今往矣何時回我遊我意亦無他君遊君意還  
如何豈爲昔人詩句好豈爲其間僧舍多天地升在  
最高頂谷簾界天直下懸銀河我觀此水注湖注東  
注入海復隨海日騰湧上天偏飛洒飛洒浩浩蕩蕩  
無塵界萬生活動增姿態流轉無窮萬萬載更萬萬  
載匡廬山不改

晦庵畫像贊

義理密微蚕絲牛尾心曾恢廓海闊天高豪杰之才  
聖賢之學景星慶雲泰山喬岳

寧可無頃

風吹枯木不搖水激方輪不動畢竟有木有輪惹起  
風號水湧雖如泡影露電也被眼根覩見諸有都歸  
變壞萬劫一空長在

李伯宗

送邵天常歸山

搏風徑擬九霄飛志業誰知與願違虎豹關深書未

達鷄豚社遠夢先歸香侵客路花方盛綠滿家山蕨  
正肥去後且從閑處樂徵書有日到柴扉

柳道傳

八月二日大駕北巡將校獵于散不刺詔  
免漢官扈從南旋有期喜而成詠

天子龍飛啓聖時乾坤闔闢載清夷幸從在鎬承周  
宴重喜臨邊舉漢儀

御宿常時嚴虎衛吉行惟日望鸞旗

詔恩許免陪駟乘却愧長揚賦未奇



還次桓州

塞雨初乾草未霜窮廬秋色滿沙場割鮮俎上薦黃  
鼠獻獲鞍間縣白狼別部烏桓知幾驛他時稽落是  
何方長雲西北天如水想見旌旗翰海光

過長城

道德藩墉億萬年長城謾與朔雲連秦人骨肉皆為  
土漢地封疆已罷邊飲馬窟深泉動脉牧羝沙晚草  
生煙神京近在玄溟北九域開荒際幅員

京城偶成

毳幕承空柱綉楣綵繩亘地掣文霓辰祈忽動祠光  
下甲帳徐開殿影齊芍藥名花園簇坐蒲萄法酒折  
新泥御前賜脯千官醉坐覺中天雨露低

同楊仲弘應舉和袁集賢上都雜詩九首

出塞行瞻日趨朝喜近天禹宮來苑囿馳道絕風煙  
遙水巡非遠峒山歷更綿甘泉多法從獻賦憶當年

又

雨水漸衣黑雲沙際日黃煙開終黯淡日出已蒼涼  
狗俗高簷帽清心小篆香端居萬里念蕙草惜微芳

又  
謠俗隨方異溝途隔舍迷  
醺人唯馬蹕勸客有駝蹄  
殿角孤光淨城隅雜樹低  
天涯中夜舞如意昔曾携

又  
天潢猶白白雲幕故青青  
積潦摧車軸高風墜箭翎  
宮塗丹楮聖殿戶紫金釘  
女樂蓬萊秘哀蕭動杳冥

又  
帷殿曾雲陣轅門積雪岑  
竒鷹皆戴角御馬盡飛龍  
瀚海將臨幸云亭望涉封  
青丘大羽獵有事待玄冬

又  
曹務惟章句官曹自法程  
齋扉侵雨潤宴兒得風清  
歷歷三刀夢行行萬里城  
明年遂耕隱深仗酒爲名

又  
經遊遠絕塞際遇復清朝  
天暑無蒙綵輕寒已禦貂  
盤空壑屢薦觴至酒頻澆  
貧病諳爲客何慚帶減腰

又  
公子青絲轡王孫綠轆車  
宴酣風小定舞破日西斜  
手擲宮中果神行海上槎  
築郿母自厚儉德不期夸

又

水草方方善弓瓠戶戶便合圍同婦女從戍到曾玄  
雪耗千家帳冰瓢百眼泉浚稽山更北長望斗光縣  
送臨川謝有源赴閩醫提領

一路青山荔子叢華山西望粵臺東家風蘭玉庭階  
上官事參苓藥籠中鷓首去乘潮浪白蠟房催薦酒  
醅紅福州自是炎蒸少臈雪飛花落半空

題有源圖書卷後

官章文學範精同摹印書魚篆刻工猶是古人傳信

息雕虫元不在揚雄

贈黃伯中從臨川吳先生卒業因之奉簡

夫子祠垣舊巴山闕里門具瞻誰可並友愛亦宜尊  
往卒諸生業行穿百谷村亂流黃濁湧迎宿綠陰繁  
想到趨函丈承聞服緒言心將經義治理並聖詮存  
藻績終迷質條枚實自根須無導近軌會有企前轅  
伊闕如堪攬河汾欲併吞道初由已致舌豈要人捫  
正要薰陶學全稀色笑溫歸裝當相載館饋且盤飧  
羨爾方朝旭慙予未夕昏仰懷駒皎皎深感兔爰爰

搖席今承間緘辭莫憚煩庶幾薦鳳甯兼得嗜熊蟠  
鯁饍何勞祝因茲寄不謖

陳濟淵

龍額山

巔崖突出衆峯前隱約潛龍枕爪眠怪水秋凋頭露  
角寒泉春湧鎮龍涎身橫雲外三千尺眼看人間幾  
百年莫待始皇驅入海早升雷雨上青天

海青

怒挾孤風海外來脩翎如劍斫雲開潛身陡縮千尋  
起得意雄攀一點回萬里老拳無脫腦滿鞬英氣不  
凡材山後野雉休回首神物無心到草萊

萬壽山

萬壽山頭尺五天空同直下小如拳五更霧冷乾坤  
濕六月風酸甲子偏細草已肥燕地馬竒兵先鎖漢  
江船行人莫問征南事墮看蘇杭在眼前

馬伯庸

寄邵允文

故友經年別如今髮白无清秋江鷺浴長夏野猿呼

客舍栖書冊齋厨具筍蒲知賢不能薦羞澁望東吳

南征

積雨關河濕今朝日始晴浮船下夜瀨覓酒近春城  
鵝鴨將雛出牛羊傍母眠獨憐无侶客萬里又南征

寄題杜隱居忠學齋

徵君家住武夷山白鶴玄猿夜叩關船泛清冷凡九  
曲屋分丹壁只三間世人往往知名姓仙子時時定  
品班孔壁秦灰天未喪幾多魚豕待重刪

桃花馬

白毛紅點巧安排勾引春風背上來莫解雕鞍橋下  
洗恐隨流水泛天台

琉璃簾

吳儂巧製玉玲瓏翡翠鰓鬚迥不同萬縷橫陳銀色  
界一塵不入水晶宮月華遠射離離白燭影斜穿細  
細紅相隔神仙終咫尺靈犀一點若爲通

聶古栢

題韓文公祠

嶽竒海怪早相知何事中朝未可歸佛縱有靈那在

骨僧如得道又无衣符分臺峽天終定福近宮墻意  
更微俎豆荒涼誰繼廩摩挲石刻重歔歛

過采石

采石江頭秋月白蛾眉亭下灘聲咽繡衣三斧曉霜  
寒同是天涯苦行客酒仙一去海生塵青山玉尺埋  
衣中青江白鳥自今古岸草汀花空復春我欲御風  
遊八表醉裏高情覓三島閭闔雲深不可攀回首江  
南數峰小

九華山

一名蓮花峯在貴溪

江上青芙蓉遙遙隔秋浦九莖風露寒萬壑煙霞古  
瑤草含芳春青松立亭午安得一把茅移家白雲塢

鄱陽道中

江上秋風吹斷鴻江頭開遍木芙蓉幾家籬落依紅  
樹萬壑煙霞鎖翠峯南國風光一盃酒故園魂夢五  
更鍾舉頭日近長安遠閭闔雲深第幾重

九日鄱江里同行諸公

滄江水落塞鴻飛佳節芝山酒一卮黃菊且陪今日  
醉鉄冠不受晚風吹滕王閣上雨雲黑戲馬臺前草

蔚衰何似淵明千古意一篇清絕去來辭

琵琶洲

昌國寺前楓樹秋琵琶洲畔暮雲愁沙頭潮落灘聲  
急疑是潯陽淚未收

鄱陽和程世民巡警官

年少將軍意氣雄迺翁憲府舊乘驄魯中詩禮有庭  
訓江右衣冠多士風玉樹青蔥秋色裏明珠炫爛月  
華中滕王閣上重回首後夜相思寄別鴻

望玉筍山弗克登覽晉詩萬年宮

西南山水窟玉筍號竒絕群岫來坡陀孤峰立撐嶮  
邃洞煙蘿青危澗幽泉咽正是南昌尉於茲悟仙訣  
一覽快心目洗滌中腸熱嗟予敢告勞馳驅待環轍  
五月登武夷溪流清且冽扁舟九曲中兩崖千尺鉄  
歲暮復何之清江夜飛雪山靈似笑我身世苦羈紲  
願言解塵纓林泉養吾拙

春遊

挑葉渡頭春水生長安橋上草長青百年深向花時  
歎羸得城南幾醉醒

清遠縣尹楊觀政有奇蹟復能詩文明僚  
服其化士大夫過者靡不稱頌故贈此加  
勉焉

玉節星輅下嶺南萬山空翠雜煙嵐傳聞清遠多佳  
政花滿春城月滿潭

風流文采揚忠肅南北雄奇古峽山怪底蠻江無語  
鳥絃歌終日水雲間

梅嶺題知事手卷

黃金臺上客大廈嶺頭春如是无詩句梅花也笑人

題碧澗堂

在瑞州鳳凰山傅季八百女弟明香真  
人故居舊有迷仙洞上刻仙容

聞說明香早學仙華堂突兀故山顛四圍亭檻青雲  
上兩岸樓臺綠水邊龍虎丹成知九轉鳳凰飛去已  
千年旌旗八百俱塵迹惟有坡翁麗句傳

萬安縣邂逅一樓偏高明舊有公畧張憲  
僉和劉素庵一詩用題于左

五雲閣上北風寒十八灘頭疊亂山廈嶺一枝春信



早龍泉三尺土花斑  
蠻天瘴雨霜天曉  
畫戟清香晝日寒  
倚遍闌干動高興  
一聲道唱水雲間

次韻宗道御史過峽

蒼崖嶮巖奔東流  
玉節招搖漾彩舟  
雲鎖千山蕭寺古  
霜清百尺瘴江秋  
白猿一去空長笑  
驄馬南來得壯遊  
聞道遐荒歌帝力  
家家麥飯老林丘

番禺道中

玉斧飛霜大庾南  
萬松蒼翠洗煙嵐  
雲迷梧野山羅月  
滿韶江水潑藍  
椰子漿寒殊似蜜  
荔枝香煖絕

勝戟中朝耆舊如  
相問鳥語啾啾正  
未堪

和元師月魯胡突公子強橫竟以贓敗同  
憲岳公齊高王馬二憲掾實共事云

好雨崇朝洗瘴淫  
越王臺上一登臨  
鰐魚已逝白波靜  
遊鯤變化滄溟深  
六祖泉靈千歲水  
百蠻航貢五天金  
九重貝闕雲深處  
萬里孤雲寸草心

題叅政高公荒政碑

廬山插天千仞青  
明公高節逾稜層  
西江月冷秋無際  
明公此心清徹底  
厭渠道上豺虎多  
手搏不待弓

與戈前年魁雲徧南國飢者以充僵者立洪州父老  
遮道傍上書乞留涕泗滂豐碑大字記荒政要使遺  
愛如甘棠我來觀風聞此語未見儀容心已許願公  
從此召赴中堂書早為四海蒼生作霖雨

龍麟洲

陳平章席上題琵琶亭

老大嫦娥負所天忍將離恨寄哀絃江心正好看秋  
月却抱琵琶過別船

春日即興四首

一夜東風到海棠千桃萬杏不成粧老夫無分穿紅  
海目拂銅瓶浸錦香

二月桃花煖欲然牆南美錦正芊綿底須更覓逝秦  
叟遠屋春紅即洞仙

病來桑扈老嬾姍瘦策東風興未闌野菜黃雲山薺  
雪風光何處不堪看

枯藤處處領春華遮莫東風顫帽紗點破蕪菁黃世  
界一株香雪小梨花

赤壁

陪呂推袁虎視耽阿瞞氣勢捲江南磯頭一霎東風  
轉天下江山自此三

葉友竹

名晉字景南著聖德延壽錄為萬世師法

資治通鑑

君鑒君兮臣鑒臣世間何有敗亡人若還鑒古猶爲  
遠夏后何嘗可鑒殷

讀古史治亂

睿智聰明允執中萬機四海一家同奈何生長承平  
後聞見無非只後宮

杜竹處

惠山寺行殿

渡江五馬竟忘歸愁見年年雁北飛千里版圖非故  
國六朝基緒幾危機煙藏經葉閑僧錫風落松花上  
客衣前代衣冠已塵土空留碑碣枕前暉

題鄉僧智安石山磊砢亭

磊落如癡也似頑精神半在嵌岩間鬼工驅得平泉  
石吟客來逢飯顆山虎伏不驚飛將怒羊蹲誰識牧  
仙閑詩成个个頭應點師亦拈花為解顏

皇元風雅卷之二



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之三

安竹齋

送白雲平章

舟人停棹酒停斟  
試听筵前送客吟  
離恨早知如此  
苦交情不合恁爲深  
白雲境界三更夢  
紅葉園林兩地心  
從此卓茅亭上客  
抱琴何處遇知音

明普彥

題商山四皓圖

劉氏何如呂氏安  
尺書便尔闢重關  
空將鬢眉雪驚隆

雅前三

一

前集

國家圖書館, NATIONAL CENTRAL LIBRARY, TAIWAN, R.O.C.

隼不道啼紅慘玉顏  
鴻鵠聲寒悲曉殿  
紫芝香冷怨秋山  
千年猶昧深根術  
又落巴童橘樹間

文子方

次元復初韵送虞伯生代祀江瀆二首

成均十載宛遺經  
未識沙墩長短亭  
旌旆曉霞穿化日  
文章秋月映華星  
鳥鳴春晝岷江白  
鵲沒天低壠樹青  
四海車書今混一  
摩挲劔閣重鐫銘  
出宿春城宿霧低  
閱人老眼似層梯  
功名愧我蠅鑽紙  
文彩憐君玉在泥  
蜀道連雲春繫馬  
巴山踏月夜

聞雞贈言却笑瀛洲客  
吟落梅花日又西

贈別任毅夫御史行臺陝西

金天行秋河漢涼  
星韜夜起尚書郎  
隴山晴樹熙化日  
燉煌楚道霑飛霜  
天邊鸞鵠意自遠  
草間狐兔无苦傷  
丈夫樹業方如此  
探別不用愁中腸

和甯致陶幽懷

時雨息氛翳  
高林嘒風蟬  
端居愜孤尚  
圖書靜當軒  
涼颼薄樵戶  
微爽生簡編  
客來聊與樂  
客去自復眠  
徜徉永今夕  
庶以全吾天

送馬伯庸御史奉使闕隴

聖朝啓文運同軌來無方夫君起天關崛起千仞翔  
脩辭陋史漢高步追黃堂迺祖尚書君樹立何堂堂  
昔在帝世祖榮身事戎行風雲一朝會奕世傳芬芳  
矧君擢高科有業未易量斯文繫政教治忽慎弛張  
世豈無勇者舍君吾何望勿爲守鉛槧局束徒苦傷  
僦屋京城居去君百舉趾聞君起冠豸僮走亦欣喜  
况當遠于征无言詎能已朝風號空素衆草日披靡  
河關尚瘡痍聖度乃弘偉繫彼涵大休能不懷愧耻

艱危見臣節維持賴風紀温言表遺忠生氣凜不死  
乃知烈丈夫豈獨魯連子

題楚山春晚圖

荆門雲霽江樹芳巫峽冉冉愁雲長山猿杜鵑叫落  
月風灑露沐何蒼涼六龍從東來曉氣開扶桑天高  
雨絕人事變解環結珮空相望渚宮西溼連三湘畫  
中隱隱听鳴榔安得置我棲其傍爲君一曲歌滄浪

袁伯長

送華山隱者

黑髻祠官佩水蒼萬松深處響琳琅黃柑有法能爲  
酒紫朮无飢可當糧招鶴舞空山月冷檄龍吹雨海  
風涼瑶池欲問長生訣碧澗研朱寫綠章

次韻呈周儀之虞伯生

英英雲中君含思歌太乙迴鸞舞天葩流粲曉莫述  
報之不成章玉雪耿素質臨風發長謠庸以永今日

又

昔學空巖居之人怒且急哀猿雜山狎驚笑欲我  
隱神所藏別之空悵慨桃源閻深竇亦復知晋代

又

道逢學仙人御氣不飲酒我笑初无言彼已嗔我否  
哀哉守其愚繫石猶在肘冥化隨悲風淪淪骨不朽

又

羲娥挾雙輶冉冉君見迫丹臺嗽靈霞瓊蕊生尺宅  
控搏无須史詭幻已千百慎此陰陽機迓虛脫其厄

又

竒樹生南薰清坐彈五絃涼風邈永古白雲赴蒼煙  
世故日已偷俛仰隨歲年折腰倘為酒猶足青簡傳



又

少年恣青雲歡至无復戀一爲關河行常恐不得見  
新鴈雲中來飛飛落南遠歸心耿无寐寒更促浮箭  
次韻送友教授閩中

鬱鬱大古樹叢生散珠玕明時炳陽德寥落歛歲寒  
天風西北來東海繁層瀾芳朽各有性盛衰詎无端  
貿貿氷上屨黯黯塵中冠宿志不得耐奮飛戢其翰  
伊南蹇一士羈鴻河之干手持大雅篇八音佐王官  
墻陰臥朝日薄飯不滿盤邂逅喜我同金石生肺肝

出處非故意低徊耿相看閩山渺雲海東望通三韓  
居夷聖有在取琴爲君彈

送邵元道

仲連匡世姿揮手却秦軍掩袂停白日登車抗浮雲  
射書誠草草孤城死生分辭榮敦厚俗矯抗離其群  
又

虞卿舌轉九揣事精微芒事危見交態窮愁名益光  
黃金散逝水白壁凝飛霜丈夫有定志得失非豫防  
又

梅生一尉微喋喋正天紀洗心洞玄化削跡无妻子  
龍變孰爲馴蟬蛻乃真止松迴風冷冷水落石齒齒

又

襄陽孟浩然拂衣歸故山放浪岩壑深流泳遺人間  
舞袖林花落擊楫江鷗還羊公何墮淚水聲日潺潺

送世茂許省掾歸武昌

岷江下奔流日夜東南趨艱虞六十載蜀客无完居  
織修掛晴練五老爲之廬招彼素人心蒼翠垂流珠  
峩峩銀臺公懷寶耿不攄青桐濯孫枝下此佳鳳雛

絢爛五色翼披霞表亨衢清者冥鴻遠逸興蒼鷹俱  
食竹戀苦志餐風養真腴誓將八極周覽得爲真符  
歲月諒有晝雲端復躊躇躊躇固吾事荏苒悲征途  
蒼莽鸚鵡洲日沒楓葉赤昂昂處士恨蔓草化爲碧  
之士輕且儼之人何急窄至今千處下投筆五鋒鏑  
銀城大古雪俛仰一消釋雍容詩書卽浩氣烈金石  
徘徊登臨意寒波淨如席相逢各萬里末契淪夙昔  
咿嘵語未罄征鴈起暝色淒涼衣冠聚山海窮畢弋  
翳翳桑榆老人物渺可識停驂望前坡去馬記初驛

歐陽元功

延祐二年二月十七日侍宴北省

臣本江南一布衣恩榮今日及寒微台躔列漢光相  
射湛露迎陽晝未晞仙醞飲來生羽翼宮衣留得奉  
庭闈酒闌車馬如流水回望紅雲遠闕飛

題孫氏壽慶堂

孫母歐陽九表登外家譜諜自廬陵高年備養人俱  
羨同姓升堂我未能好客郎君深巷輟讀書稚子小  
窓灯朝廷屢賜尚方帛更待迴鸞織誥綾

題澧州謝家建通濟橋

慶雲籠日護雲根玉樹薰鄉接澧沅太傅功番召伯  
埭相君心競謝公墩已誇蟠螭綿今古猶羨封胡偉  
弟昆珍重盧溝溝上月時隨車駟勞于門

過洞庭二首

白沙隱隱見金鰲殿閣憑虛結構宇天水渾融浮太  
極神人幽顯隔秋豪龍堂深閤靈栖冷象緯低垂客  
枕高欲作廟堂迎送曲杜紅蘅碧盡離騷  
媧星搏玉擲虛空屹立君山面勢雄一畫犧圖天地

骨九江鯨觀鬼神功裾飄帝子蒼茫外樂奏鈞天頌  
洞中頗恨當年鄒魯客觀瀾未到楚諸熊

夜宿寺前農家

漢南旅店已星稀倦宿田家帶落暉蕭寺依山聊復  
爾鄴侯送酒是耶非風餐并覺涼生飯露坐俄驚月  
在衣老子漫遊吾漫送登山臨水澹忘歸

西明道人每一相見去必求詩余亦不能

卻

武昌堤上水雲身三十年来識道人只為漫遊相見

少故知臨別贈言頻幢幢車馬紅塵老靡靡江山白  
髮新邂逅一回詩一首錦囊千首未為貧

寄諸弟七絕

長樂鐘聲拆號時三台八座列參差自憐手把天瓢  
水一滴鄉關不得私

聖主宮中遊幸踈日臨秘閣看芸儲今朝蘭省初開  
試清曉玉音崔着書

省垣東畔至公堂十五年前戰藝場飽食大官無補  
報兩科來此校文章

御史承差鎖院門使臣傳語出天閣試官被命連鏡  
入同榜三人入謝恩

仁廟初科射策郎如今斑白殿朝行東風昨夜聞歸  
鴈夢遶江南烟水長

薊門城下過堦塔一一行人通竈間今朝送客又還  
入那忍更投名利關

別駕祠前雪水深弟兄沙上把離樽三年不洗來時  
褐要看淋漓別酒痕

早朝

扶搖九萬透雲霄鳳闕龍池步步瑤駝背負琛金絡  
索象身備駕玉逍遙衣冠俯伏傳呼岳干羽低回看  
舞韶湖海布衣瞻盛事他時田里夢天朝

杜清碧

與趙子昂集賢爲壽

東觀道家蓬萊山神人來往乎其間銀鈎勢壓蛟龍  
榜玉珮聲聞虎豹關秋露滿天濡綠髮晨光出海曜  
朱顏金函更注長生錄林下種菊已斑斑

送趙編修

往年初記抵京師正類機雲入洛時未識鰲頭分赤  
管先傳馬首控青絲瓊林舊醉家家酒金刹新題處  
處詩此日揚州歸去路錦衣光彩照城池

寄題周待制悠然閣

大江之東彭蠡南周家高閣與雲參秋風猿狖啼青  
嶂夜雨蛟龍起碧潭繞屋千叢生杞梓通簷百尺長  
梗柀何時共此登臨樂指點平川得縱談

真州賈生索賦孩兒茶

吾聞孩兒茶始來自殊方古人譯其名和以龍麝香

賈生得妙訣品製非尋常清晨持遺我今我試與嘗  
味腴甘且美頓洗葵藿腸惜无瑤瓊報裁詩謾誇張  
燦爛黃金芽錯落明月章波浪盤蛟螭雲霞迴鳳凰  
好將龍鳳餅裹以玉雪囊持之獻  
天子補益未可量能令齒頰生玉液却回麴蘖升明  
光

諸公以懷李白詩分韻送李茂遠後以酒  
字索賦遂綴五言一首

樟江水達達民俗多雜揉李君專檄來號令肅巡楸

遂令方家市安集日豐阜春風有歌姬夜月无吠狗  
築堤捍水災皆自將軍手至今此邦人稱謂常在口  
我來自京師始得一聚首經過日以數言論竟開剖  
有如濟世方乃爾困升斗孰云勞積多反使歲月久  
方今

天子聖賢知在左右銓曹每推擇往往雜瓊玖此行  
看薦進直入紆組綬莫負平生心要使斯民壽豈敢  
爲贈言裁詩侑盃酒

送李伯循歸山中

已聞盤谷最深幽便欲從君遂此遊春氣和柔朝採  
藥秋風清徹夜乘舟岩花冉冉難畱客汀草纖纖獨  
倚樓楊柳新條不堪折只須買酒喚離愁

和楊仲弘

老來自愛黃叔度少日空期魯仲連高卧獨无田二  
頃曳裾誰有客三千滄江渺渺浮鷗鷺白日翩翩換  
歲年只憶江東楊少尹劇談終夜不須眠

楊仲弘

送虞伯生赴召

幾年簪笔侍明光  
共取才華補衛郎  
記事必稽周典籍  
頌聲多假漢文章  
雲垂迥野鳴鞘遠  
月滿高城下漏長  
縱獵合祛誇盛美  
願言作賦繼班揚

送朱澤民之京師

懷山挾海奠京師  
氣勢紆餘盡北陲  
鴈度塞雲秋色遠  
鵲鳴宮樹曉光遲  
四方英俊皆來萃  
一代經綸屬有為  
君有長材希屈賈  
好將詞賦重當時

送彭萬里

平居鄉鄙係瞻听  
遠涉京畿迂寵靈  
席底波濤秋淼

冰林枕前星斗夜  
熒熒肯如龍劍重  
藏匣誰識牛刀始  
發硯將相與人殊  
勢分祇應雙眼為  
君青

擬辭京師

囊衣托載道傍車  
人事匆匆歲欲徂  
風雨五更雞亂叫  
關河千里鴈相呼  
蕪菁散漫根猶美  
桑柘蕭條葉半枯  
却上高丘重回首  
五雲繚繞帝王都

次韻陳子仁黃河

禹功䟽鑿適憂勤  
宇內山川自此分  
元氣渾淪通地脉  
孤光迢遞貫天文  
母金伏土秋當孕  
陰火潛淵夜



欲焚萬里窮源何日遂片帆西上破層雲

早朝

掖垣迢遞到城回魏闕峩峩此日開赤帟會延宵仗  
引朱輪爭道曉鐘催三象忽報藏金甲萬歲猶聞獻  
玉盃樂奏象筭從此畢小臣思見鳳凰來

錢塘懷古

斜界鉤陳通大道中分魏闕對層巒雲生殿上金爐  
暗露下庭前玉井寒江漢飛龍俄杳杳滄溟泛鷁竟  
漫漫中天會合寧非數坐見蒼生奠枕安

山回禁禦入雲長無復陳兵衛兩廂千古金鍾埋野  
草萬年珠樹落秋霜龍文不徙陽人聚烏篆終歸軹  
道傍九市塵埃來袞袞一江風浪去茫茫

西湖清濁自天開鴻鴈鳧鷖日往來黃道星辰環太  
乙紫雲宮殿擁蓬萊能文競奏王褒頌獻壽深傾阿  
母盃九域輿圖今混一百年耆舊自興哀  
化人宮殿被層阿棟宇高低日擁波翠石文章題日  
月寶珠光燄燭山河空桑說法黃龍听貝葉翻經白  
馬馱誰謂一無超衆有祗今塵上重來過

宗陽宮中秋對月

老君壇上涼如冰坐看冰輪轉二更大地山河微有影九天風露寂無聲蛟龍並出扶金榜鸞鳳雙飛載玉笙未信弱流三萬里此身今夕到蓬瀛

九月

御氣排空寶扇開金衣照日近臣來絲囊已進千秋錄黼座還稱萬壽杯王子吹簫双鳳舞羲娥攬轡六龍回侍臣此日沾恩賜散作祥風遍九垓

東湖卽事四首爲王侯本齋賦

朝來千騎出城闈爲向東湖踏早春素練抹林雲氣薄明珠穿草露華新山花猷笑開簷畔野馬忘機戲水濱記取當年賢太守及時爲樂與斯民

夏月湖中爽氣多南風疊疊捲長莎漁翁舟楫衝蘋藻遊女衣裳擘芰荷膾切銀絲嘗異味腔傳金縷唱新歌君侯用意仍深遠卽此光輝豈減磨

暫停麾蓋擁輕舟此日湖山屬莫秋采采黃花登几案離離紅樹散汀洲傾壺浮蟻杯頻竭下著鮮鱗網乍收莫向錢塘誇往事白蘇未許擅風流

雲氣低藏十萬家東湖飛雪又交加  
玉禾舊布仙山種瑤樹新聞帝所花  
但听兩岐歌瑞麥何勞八月泛  
靈槎侯門自有相仍容賸賦篇車後世誇

九日別友人

客中佳節罷登高獨立淒涼感二毛  
紫陌泥塗秋汨汨黑山風雨夜嘈嘈  
幽人侈有觀魚樂壯士慚無汗馬勞  
得人古今俱一律惟應痛飲讀離騷

次田師孟西曹即事韻

隱吏重來右掖初清明時節亂花舒  
霧迷黃閣霏霏

重雨散彤庭點點疎李耳舊藏周典禮  
蕭何元得漢圖書經綸事業頌公等  
要使皇文日粲如

題鄧善之表伯長諸太史

詔編國史有程期正是諸郎傑直時  
虎士守門宮杏杏雞人傳箭漏遲遲  
窓間夜雨銷銀燭城上春雲壓彩旗  
才大名稱天下選書成當繼古人爲

贈賈國英郎中

挺生雄傑氣昂昂服事朝家被寵光  
鸚鵡盃中春正好鳳凰池上日偏長  
新裁樂府傳宮體舊着朝衣帶

御香忠孝兩全人所羨只今慈母在高堂

遣興二首

庭樹號蟬日已涼塞雲橫鴈夜何長挾書萬里干  
明主仗劍三年別故鄉西北諸山連朔漠東南衆水  
隔荆揚淹留不共慙蘇子莫遣貂裘壓雪霜  
往歲啣盃意氣舒願從童子誦詩書已荒陶令松三  
逕猶守揚雄宅一區春樹花殘收夏果海門潮落買  
江魚如今也足成吾趣何事侯門欲曳裾

紀夢

海上垂綸已有年閑居無事夢朝天蒼龍觀闕東風  
裏黃道星辰北斗邊盛際只今逢五百前程何許隔  
三千楊雄曾奏甘泉賦應有聲名遠帝前

送殷國華之饒州教授

送君行李欲何如楚國蕭條戰伐餘西塞人烟連草  
莽南江波浪入空虛遺民罕作先王服故府徒存博  
士書往事悠悠多泯沒好從黎老問終初

望海

海門東望路漫漫風颺無時縱惡湍白霧漲天陰氣

盛滄浪涵日曉光寒豈無方士求靈藥亦有幽人把  
釣竿與俗浮沉何足道願乘浮舶肆遐觀

題息齋竹石

行前怪石起參差篁竹叢深使客疑如過瀟湘江上  
路鷓鴣聲斷日斜西

寄題羅氏山莊

黃石山原風物幽賤子往年嘗一遊舊行屨拓已成  
徑新刈禾麻應滿疇馮衍無忘白首嘆謝安當為蒼  
生憂餘杭溪上明日發愁殺楊花吹客舟

題先天觀圖

浩浩太古石雕鏤矜差峩瓊林化飛騫寶楫通鬱羅  
矯首視三光丹青相盪摩上隣列仙居西移瑤池柯  
玉蛟亦受令鞭撻迴盤渦巍巍雙華表飛鳥不敢過  
玄鶴時一來潛鱗淨無波心迹會虛湛神光隱鳴鼉  
緬彼巢居子凝睇佩女蘿天風入紫京百靈莫誰何  
朗言渾沌後龍馬方負河視之杳不見嘉名表山阿  
冥思有至理熟視猶摩挲

李竹所

題蘇李泣別圖

我去君留可奈何明朝烟雨隔閨河當年胡婦分携處  
想見中郎淚更多

過采石

獨卧空山五百年喚醒除是老坡仙沉香亭北花成  
土采石江頭月在天遺跡不妨留狡獪多情猶自狎  
嬋娟余生若在開元日也向長安學醉眠

何吾山

贈琴舟趙海月五首

瓏瓏花雨客屏香理盡哀絃曲轉長海上歸來望鄉  
土風回依約夢霓裳莫年鉄杖身差健何處銅盤月  
共將幸自金丹堪點化不須秋樹說荒涼  
倦遊何處不逢春猶記臨風度碧雲客裏看花同是  
夢囊中有道未為貧黑貂裘在閑隨意黃鸝歌成莫  
寄人間有琴材在樵爨勞君妙斲一揮斤  
超搖萬里一枯槎脫略塵凡三朶花自與秋風同客  
夢曾隨明月落誰家江湖量大客浮瓠雨露春深學  
種瓜却得先生有新曲如何能解理黃琴

楊柳風烟蜃氣昏  
秣歸花月碧  
瀟春水雲別後行千  
里澹泊相遭得幾人  
見說周旋惟我我定  
知僵走隔塵塵初心  
未證圓通悟猶恐隨  
身認作真

劉時中

古採蓮曲

長安女兒傲且儂  
日日採蓮溪水中  
笑插荷花照溪水  
韶容欲與花爭紅  
溪中荷花深幾許  
溪上時時聞笑語  
紅酣綠縵不見人  
應在荷花更深處  
歸時夜涼溪水清  
扣舷踏歌盪槳行  
荷葉蓋頭花盞鬢  
溪上月

明潮已平

望夫磯

望夫山頭日欲頽  
望夫山下江聲哀  
山頭日日風雨惡  
江上不見行人回  
空山亭亭幾朝莫  
猶記行人去時路  
知君渡河長不歸  
恨不當年逐君去  
此身化石千仞磯  
石猶可懸心不移  
長江水涸黃埃飛  
行人應有歸來時

對月

涼宵在前墀  
佳月墮我側  
此月如此心  
曠朗一片白

開樽起相娛佳月即佳客月如感知已為我好顏色  
此時還獨醒奈此明月夕

吳敬庭

古意四首

我意在林壑而與世沉浮是非復非是此語真謬悠  
所願適其適富貴何足求有酒同醉醒商歌動清秋  
得意已忘辨白雲散岩幽  
斜陽在遠樹微風動高荷蕭蕭湖亭上今夕涼已多  
遇此素心人清言洗煩疴樽酒相與歡竟坐酣且歌

揮手謝塵世不樂復如何

夏日苦炎熱但願一夕涼及此秋氣深蟋蟀鳴近床  
物情亦知時催製公子裳戶牖當綢繆歲晏饒風霜  
感此發學儆終然惜流光

陰陽有代謝寒暑相推移人生百年內行樂當及時  
昨日猶朱顏今日生白髭所以遺世事飲酒不復辭  
寄傲南窓下千載真吾師

新春喜晴

歲序更五日人皆悅春晴官曹喜休暇瘦馬成郊行



水消明水綠霧散山光明寒梅送餘香幽禽弄秋聲  
覽物俱得時悠然起深情蹇余佐茲邑慙負吏隱名  
撫字心轉勞催科政何成願言兆豐年擊壤歌太平  
偶成

微官羈此身遠投數千里觸暑涉長江晨夕不遑止  
殊方寒氣早秋意亦如此歲月倏如流感嘆成坐起  
繭絲將奈何終當就料理

送吳濟川

脫穎貴毛遂投筆知班生子携束書去而有千里程

曉袂江風寒衣枕霜月明觀光丈夫事惜別兒女情  
會當拾青紫壯志耐平生

夏日述懷

屏跡遠囂紛息交歎孤陋蕭然一室間圖史分左右  
瓶花眩餘春爐烟靄清晝坐觀羽虫化卧聞穴蟻開  
青山自偃蹇相對如有舊我家陵峯下溪水清可漱  
誤身投塵羈三年此紆綬素餐亦知愧民瘼未能究  
白雲渺何之念之令人瘦陶令歸去來深慚着鞭後

李長源

題峽州

黃河城下水澄澄送別秋風似洞庭李白形骸須放  
蕩并州豪傑為凋零十年道路雙蓬鬢萬古乾坤一  
草亭八月崑陵霜樹老傷心休折柳條青

上清宮

蒼梧雲氣赤城霞錦谷鈞天帝子家仙掌高承九霄  
露霓旗遙駐五雲車昆明火劫驚人世瀛海風濤撼  
客槎醉裏忽逢王子晉玉蕭吹上碧桃花

楊鵬翼

正旦有感

干戈短景去匆匆回首南朝一夢中世事盡隨天道  
北春正依舊斗杓東四時玉燭堪調燮萬國車書想  
混同寂寞荒山老松樹看渠梅柳競春風

華清宮

四海笙歌屬一家驪山宮殿倚烟霞燭龍正照三郎  
宴野鹿偷啣第一花大抵夫人迂致亂未知亡國不  
由奢自從西蜀蒙塵後幾使殘民望翠華

穎亭

懸厓高築此亭孤  
落日登臨酒十壺  
雲破九山開疊嶂  
天低三楚入平蕪  
斷碑黃絹空塵迹  
遠水白鷗如畫圖  
對此風煙已蕭灑  
扁舟何必到西湖

送真善卿歸秦中

少年錦帶佩吳鉤  
曾伴秦陵俠士遊  
沙苑草青春試馬  
岳連雲淨晚登樓  
十年爲客少青眼  
一事不成空白頭  
此去何時重相見  
一樽聊與故人留

鞦韆

日轉簷花樹影偏  
謝家庭院簇神仙  
綵繩斜壁織纖

本祖賊為媒聊同漢報讎機深螳後雀禍隱馬中牛  
夷甫毋專罪江生足遠猷誰開千古恨落日歎神州

送客

信屐倦仍還詩生暮靄間塘蒲身共晚野鶴意俱閑  
送客度流水見雲歸別山一聲長笑遠吾亦掩柴關

登岳陽樓

扁舟小繫畫欄西萬里清光一柱頤湖面欲包天外  
去嶠鬟疑割海中來高空自瀉軒皇樂元氣長涵老  
杜詩慶曆殘碑重回首此生何限退憂時來力知牙

皇元風雅卷之三



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之四

國家圖書館, NATIONAL CENTRAL LIBRARY, TAIWAN, R.O.C.

前集

雅前四

立素面仙姝月下逢山店霜寒香撲馬溪橋水淺影  
如龍一寒盡是寒凝結金鼎無鹽味更濃  
破荒玉雪粲煙村倚竹無言獨斷魂三弄直須琴對  
越一寒安用酒溫存家風巢許堪同社心事夷齊可  
共論應出繽紛幾紅紫一枝開處自乾坤  
除香除影賦梅花方許詩中擅作家怕俗似嫌羔作  
酒高人頗稱雪煎茶參橫屋角人倚闌干月  
欲斜夜冷玉肌愁入骨金壺移入伴窓紗  
天花夜半落溪傍傍有猗然為取將擎瓜仰空呈潔

白掀髯倒地覓昏黃脩鱗月下霜同色敗甲風前雪  
有香欲起補之圖影看生愁飛入水中藏

月巖

世事從來滿則虧十分何似八分時青山作計常千  
古只露岩前月半觀

書燈

一點蘭膏數寸心小窓伴我夜沉沉煖分青燭熬煙  
細喜動紅光花意深洞見苦心歸典策照殘幽夢入  
寒衾他時富貴不相棄移上長檠伴醉吟

玉樓夜費燭熒熒祇得眼前歌舞明照破三千年外  
事書生元不用長檠

題靜軒

徑深寂寂鎖苔烟此地不生車馬塵夢斷瑤臺惟有  
竹棋聲花院似無人蛛因門閉牢穿網鵲悟枝乾自  
採薪祇道乾坤大如許不知天地又新春

寄朱約山

歲晚江空煙水寒風林葉落楚天寬若無鴈足書難  
寄作盡爲聲吟未安晉帖臨成思入石離騷讀罷擬



我蘭老來絕被梅花惱後會君應笑我孱

登黃鶴樓

西風吹我登黃鶴白雲半在闌干角題詩不見舊時  
人惟見青山俯城郭萋萋芳草鸚鵡洲江水滾滾來  
無休歲月俯仰成春秋古人今人無限愁

題醉月亭

采石江頭李太白狂不奈煩宮錦窄赤壁磯下蘇東  
坡一葉泛泛凌風波當時有月并有酒和酒和月吞  
入口酒腸得月冷於冰化作瑰辭喧宇宙兩首賦

百篇詩千秋萬古稱絕奇兩翁不作歸來鶴玉宇瓊  
樓寒漠漠若得長江變潑醅少住人間亦差樂望負  
晦缺秋復春古來明月今來人我時舉酒問明月月  
亦團團應不得鉄如意玉唾壺我歌君和聲嗚嗚爛  
醉起舞嗔人扶問影莫是李與蘇月中仙子知得無

劉養吾

別蕭高鳳

惜與可人別又貪歸路長人生有離別吾事屬閑忙  
沽酒澆芳草垂鞭看夕陽眼前所鶴語世路割茫茫

送錢方立遊荆二首

峴山西上楚天頭，書劍區區事遠遊。歲月如流方作客，江山信美莫登樓。百年耆舊誰家傳，一代衣冠又古丘。亂後題詩詩即史，未應輕付水東流。不辭跋涉恨崎嶇，如此飄飄一丈夫。新雨鳴秋驚草樹，行人隨鴈落江湖。歲年寧向長途老，天地何堪一室拘。幾世中原今復合，更陪九萬作鵬圖。

揭曼碩

送馬雍古祖常御史使江西

我皇屬憂顧，君子得安居。孟春風且寒，遺子以脩途。四牡何翩翩，迴首睇神都。我懷正紆鬱，轂函忽已踰。積雪被長巒，姜者何時蘇。歸彼蓮花峰，上出浮雲衢。白日皦以懸，下視若玄墟。煙塵起西北，原野無定株。行者中顧懷，居者念其廬。黃河洶東流，西自崑崙渠。四海豈不曠，切若肌與膚。親賢遠諛人，古以致康娛。君子試多材，乃用在馳驅。秦隴阻閑塞，歲月浩已徂。鞠躬盡明義，足為世所模。

宿寶應

此縣經過數中年慨感增繫舟喧夕浪聞笛暗寒燈  
時俗隨同異文章任愛憎平生江海意一一賴良朋

入秦淮和曾編修

秦淮江上送飛鴻秦淮水流西復東六朝人物已寂  
寞萬古雲山空疊重明日還沽采石酒昨朝猶聽廣  
陵鍾人生不似寒潮水去去來來有定蹤

泊安慶時再北遊

夜泊淮西郡寒生客子衣酒家臨岸閉野火隔江飛  
雲盡月初出潮平風漸微昔年城下路此際正南歸

待潮

扁舟夜閣寒沙際歌枕待潮紅日高無數征帆背人  
去海門何處水滔滔

夏五月武昌舟中獨自

兩髯背立鳴雙櫓短簑開合蒼煙雨青山如龍入雲去  
白髮何人並沙語船頭放歌船尾和篷上雨鳴篷下  
坐推篷不省是何鄉但見雙飛白鷗過

宿梁安峽夢故有感時還盱江

梁安峽裏杜鵑啼絕壁蒼蒼北斗低雲氣倒連山影

合石稜斜聞浪聲齊南風盡日迎歸客落月空江夢  
故妻一室數人分十郡百年幾處候晨雞

題花鳥圖

吳中女兒顏色好洗面看花花為悄調朱弄粉不自  
絕寫作窓間雪衣鳥綠窓沉沉春晝遲半生心事花  
鳥知花殘鳥去人不歸細雨梅酸愁畫眉

題饒家橋上有墨龍

饒家橋下秋水深饒家橋頭黃竹林誰其濟之饒氏  
媪績麻作橋橋幾尋青山叢叢似吾髮白石鑿鑿如

吾心歸去秋衾續殘夢風雨滿橋龍夜吟

海棠

嫣然無不在凝脂絕世東風綵筆奇却問太真曾睡  
否還應長睡馬嵬時

送趙履道虞叔常還江右

趙子我同里虞郎我同年手折武昌柳送上西江船  
買魚沽酒燒荻鞭夜下西塞寒山前西塞山碧如苔  
君今去幾時來東風花開春水漲待君黃鶴磯頭望  
君庾公樓上

贈淳真子

蕩蕩白玉京  
超超淳真子  
十二求神仙  
服事丘與李  
嵩落二十載  
結茅白雲裏  
滄是暘谷霞  
飲是玉池水  
鬼神莫能識  
百念吹不起  
一朝忽騰化  
徑去不可遮  
飛駟服五龍  
角巾搖三花  
朝發梁宋國  
暮宿河漢槎  
朝食千歲桃  
暮食五色瓜  
長揖青牛君  
高歌度流沙  
還憩金張館  
調笑許史家  
日食五侯鯖  
安能飯胡麻  
春風長安陌  
落日邯鄲道  
迎人上青天  
送人入秋草  
竦身八極表  
天地忽亦老  
寄謝區中人  
全真以為寶

黃尊師高軒觀鵝因留宿

開軒南岳下  
世事未曾聞  
落葉常疑雨  
方池半是雲  
偶尋騎鶴侶  
來此看鵝群  
一夜潺湲裏  
秋光得細分

夢武昌

黃鶴樓前鸚鵡洲  
夢中渾似昔時遊  
蒼山斜入三湘路  
落日平鋪七澤秋  
鼓角沉雄遙動地  
帆檣高下亂歸舟  
故人雖在多分散  
獨向南池看白鷗

大明殿退朝和周待制

巍巍道德拱羲皇  
濟濟威儀陋漢光  
日射龍文宮女

扇風傳雞舌侍臣香中宵景氣浮雙闕下界歡謠動  
八荒詞館小臣何以報  
皇圖聖壽共天長

送唐尊師祀武當

龍袞分香下絳霄羽衣承詔出清朝星臨翼軫南垂  
閣神降虛危北極遙金殿壓雲開紫氣玉臺和月合  
笙簫蕃釐更為  
吾皇祝下國時豐雨露饒

送詹尊師歸廬山

香爐峰色紫生煙一入京華路杳然雲碓秋閑春藥  
水雨犁春卧種芸田書憑海鶴來時寄劍自潭蛟去  
後懸忽報歸期驚倦客獨淹微祿負中年

寄題胡氏園趣亭

日與世情遠學人聊治生畦蔬多品類樹果合生成  
野老還偏數山禽近不驚詩書吾所好農圃也須明  
小孤山曉發和蔡思敬韻

日落霞明錦浪翻厓傾石峭白雲間乾坤上下雄孤  
柱吳蜀東南壯此閔神物夜移風動地仙舟曉渡月

漫山日暗絕頂登臨處空翠溟濛杳靄間

長春宮

古樹縈紆入深宮結構牢鑿城通水繞累土築雲高  
輦路行巡鶴神霄戴巨鰲應逢王母使持此獻蟠桃

祖生詩

浦城孝子身姓祖自憐性命如糞土生總五歲遭亂  
離有母更被官軍虜零丁二十八春秋母縱得生何  
處求天地茫茫明月恨江山漠漠白雲愁忽得母書  
驚母在看書未盡淚先流書云流落河南縣河南踏

遍無由見唐州境上忽相逢白髮蕭蕭霜滿面誰知  
喜極情轉悲旁人更問初別時千生萬死到今日始  
為母子東南歸東南迢遞關山路入門猶記庭前樹  
居人傳說盡相看雞黍提携竟朝暮祖生子母真可  
怜少壯離別老大還同時鄉井被兵者幾人骨肉能  
生全願生母子長壽考四海升平永相保

漁夫

夫前撒網如飛輪婦後搖舫青衣裙全家托命煙波  
裏扁舟為屋鷗為隣生男已解安貧賤生女已得供

炊爨天生網罟作田園不教衣食看人面男大還娶  
戲家女女大還作戲家婦朝朝骨肉在眼前年年生計  
大江邊更願官中減征賦有錢沽酒供醉眠雖無餘  
羨無不足何用世上千鍾祿

### 高郵城

高郵城城何長城上種麥城下桑昔日鉄不如今為  
耕種場但願千萬年盡四海外為封疆桑陰陰麥茫  
茫終古不用城與隍

### 長風沙夜泊

長風沙風沙不斷行人嗟行人嗟奈君何南風正高  
北風起大船初灣小船喜移船更傍大船頭不獨風  
沙夜可憂更祝行人好心事長江何處是安流茅舍  
參差數株柳時平尚置官軍守青裙老嫗詫鮮魚白  
髮殘兵賣私酒魚賤可買酒可沽他人心事知何如

### 羅碛谷

### 幻輿折齒歌

秋衫未成錦機語棠梨半花鳳一羽象牀雪綜小龍  
梭細穴銀光吐冰縷西隣郎君東海歸芙蓉半白杏



雨肥十二闌邊說幽怨  
勸織南浦鴛鴦飛匿蘭含蕙  
無消息春醒彤霞漾玉色  
小龍呵出風雨聲奔騰觸  
裂雙白石白石國城三十六  
女子軍來兩城覆鸞歌  
猿嘯強激昂百戶風來如箭鏃  
章臺公子真豪縱復  
以微言相感動郎君切莫更癡心  
忍作甘心可人痛

孫伯善

去妾詞

妾昔重顏鮮抱裯十五年阿母亡亡生中鎖安排翁  
續鸞膠絃新歸主婦情未密陡然兩意生荆棘推將

怨隙在妾身教妾彷徨留不得翁今愛妾空有心妾  
亦知君愛妾深自古亡家為顏色妾身不當千黃金  
回頭向翁語遺子留自乳浮雲有散時人生豈長娶  
妾去婦肯留妾在婦應去但願主翁琴瑟調妾身不  
恨無歸處

黃南卿

梅子

禁用調羹止渴等字

水邊籬落舊精神煙雨園林急薦新對酒摘嘗金彈  
客繞林簪戲玉釵人一根清苦千九雪四月紅黃隔

歲春待得餘花都結子東風流轉便生仁

金陵

采菱風急棹歌聲白鷺洲前一帶巾綠水不收中洛  
淚青山空掩六朝人城頭寂寞依龍阜江左興亡寄  
虎臣孫楚酒樓何處在月明猶寫謫江神

湯子文

白海青

皂鵬赤鷲世紛紛羽翮何如白錦紋東海飛來一片  
雪西風透入萬重雲老拳獨擊頑鵝腦後自寧看狡

鬼群玉食所需誰可得夜來

丹詔賜元勳

綉毬花

誰擲流蘇滿小園無心花萼密相聯唐宮玉蝶團風  
軟后土瓊花簇月圓妖態欲來裊上舞異香宜在帳  
中懸試看有物渾成處如在東風太素天

劉雲山

題雪後溪橋

老翁着脚欲度小橋後有奚奴搖手似

言橋險緩度之狀

背錦奚奴指顧間  
雪橋如險意如閑  
不知此典故不  
淺將謂先生跬步艱

申屠致遠

無絃琴

靜中有物即縈心  
物象相忘趣轉深  
為報柴桑陶處  
士無絃爭似更無琴

趙半閒

秋夜曲

寒禽認故枝  
逸枝猶依依  
涼螢亦知秋  
飛來傍牀帷  
幽闈刀尺冷  
遊子何當歸  
脩途苦不易  
庶無寒與飢  
及此清夜長  
為君製裳衣

憶友人李雲南

送客出荆扉  
忽見青青草  
故人別經時  
恍隔千里道  
千里故不遙  
咫尺夢難到  
孤鳥安朽株  
行雲在晴昊  
敢嘆會無期  
坐念春風老

示兒

閉門避秋風  
開門落葉滿  
褌子晨發篋  
却嫌故衣短

衣短何足嫌掩脛尚可挽爾父故多憂爾母復不懶  
力作常苦饑力織未及煖窮厄世固多榮華亦滿眼  
但將爾日長勉旃事編簡

去婦詞

里有孀婦子不檢而無室既疾病乃亟  
為娶且命之曰為汝娶為宗祀計也未  
幾死而子竟違母言尋出其婦婦以哀  
麻在身義不得去被迫逐不可留因為  
詩以寫懷

落葉不返柯去婦無歸年歛袂出故幃獨影心悽然  
君心紙鷲飛萬里難拘牽妾如鬢邊花未衰先棄捐  
憶昔初嫁君姑病在床前歲月能幾何哀麻奉姑筵  
妾今辭門去撫棺淚如泉九原會有知當為去婦憐

歲晚歐陽徑存相遇

老眼厭紛埃柴門晚暫開淒風行客苦冷雨故人來  
詩外無窮意灯前欲盡樽相逢還尺別珍重歲寒梅

枸欄曲

街頭群兒晝聚嬉吹簫撾鼓懸錦旗粉面少年金縷

衣青鬢擁出雙蛾眉駭翁前趨罵母誚醜姪妬嗔狂  
客笑虬髯奮戟武略雄蜂腰束翠歌唇小眼前勾作  
名利場東馳西鶩何蒼惶栖栖猶是蓬蒿客須臾喚  
作薇垣郎新歡未成愁已作危塗墮馬千尋壑闕山  
萬里客心寒妻子哀燈雙淚落紛然四座莫浪悲是  
醒是夢俱堪疑紅船洗盡歌管歇認渠元是街頭兒

止言

蘇張舌如戟危人亦危身期期周御史千載稱直臣  
清談每敗事諧譎良損神田翁有斗酒招手聚北隣

所言惟桑麻語語不失真

戲題

十日霜勝雪開門風更緊幽齋坐寥閒寒爐火如燐  
驅兒旋拾薪匍匐良可憫支頤背弓鯁吹燎唇噴蜃  
濕烟滿雲霧生枝叫蚯蚓非瞽目常醫不感涕自隕  
居貧正如此念之時一哂

宿村庄

涼吹搖青燈稚子供濁醪寒影忽在壁短髮何蕭騷  
且持竹根枕卧聽蒼松號紙衾穩蒙首背癢不得搔

須臾作奇夢小艇飛洪濤驚覺白滿榻晴月窓前高  
題十六羅漢看手卷圖

本不立文字衆看看底事一隻眼猶多何用三十二

羅滄洲

郊行

桂花無主亦清秋蕎麥為誰先白頭螢不照身常隱  
見鷗無求世自沉浮

張周卿

鏡中燈

孤影徘徊入照臨西風不動影沉沉一池鉛水真  
火半夜金星犯太陰雞翅舞時紅焰歇蛾頭撲處碧  
光深縱渠百煉千燒後依舊剛明一片心

周石原

綠陰

萬紫千紅夢已休眼中驚見翠光浮數聲啼鳥無尋  
處幾度斜陽不入樓潤透琴書渾欲雨涼生衣袂已  
先秋此時蒲柳還多感莫遣西風一夜愁

王性存

書懷

九秋夜氣肅明時見休徵  
秦階列六曜湛湛平旦平  
蟻臣再拜祝乾坤永清寧  
不學兒女態抱拙祠雙星  
又

有地莫種花有堤莫種柳  
花柳豈不佳而恐易哀朽  
吾情匪好異只種竹與葵  
竹存勁直操葵存本根思

趙心遠

秋晚

一曲菱歌斷西風吹鬢髮  
秋隨荷葉老人對菊花閑

鳥沒疎烟外楓明落照間  
南山有秋色相對自怡顏

趙季文

舟中夜作

身同南鴈去回首意茫然  
酒醒家千里詩成月滿船  
河渾非為兩岸轉欲移天  
夜靜晶河漢涼風自斗邊

連伯正

釣絲風

短髮冷颼颼倚闌初下鉤  
閑來片水外輕弄一痕秋  
淺拂蘋花亂低分柳影浮  
煙波清夢遠吹不到王侯

胡尊生

送君進周公

憶君初來湖水滿金鱗  
春波煖江南早晚雪花  
飛蒲帆下水送君歸霜風浙澀湖光晚白魚粳米中  
流飯回頭咫尺廬山雲一寸心長帆力短臨分乍覺  
過重闌金螺移在雙翠眉啞啞靈鳥啼樹枝家人夜  
夜卜蛛絲雪醅新釀都昌酒欲來不來待君久人言  
遠歸勝前婚稚子牽衣婦携手窓前紅燭宵彈碁新  
歡滿眼寧相思江南金歲梅開遲贈君無花折空枝

明年花開來不來

瓊花上天

無雙亭前浮冷月蕪城暗鎖腥煙黑仙魂夜吟天欲  
泣巫陽下招飛玉勅神風鬼雨鞭車急一株玉雪雪  
中立金瓶歲歲朝袞龍異香蕩漾天水濃蓬萊峩峩  
高北斗玉佩深沉舞哀柳瑤京三月銀雪飛瓊仙瓊仙  
招不歸釣天夜奏紫皇醉二十四橋寒浸水

壽梅醉世

武陵老月愁黃昏玉宮水仙無返魂寒羌吹風鉄心



裂春顏怕見煙銷真雪身匝地大如屋縞衣夜醉香  
雲宿孤山春去羅浮平昔立腥埃吐瓊玉銀河倒瀉  
春恩澤幾度漢天崢老骨便令更似八千椿癡頑萬  
古終成塵芳蟾冥茫駕蟾去煙昏雲霾夜無曙為憑  
青鳥別君三後百千年歸閱世

野鷹來

野鷹來霜風高山寒鳥死狐兔逃我有鮮肉肥爾膏  
軟皮為鞞絲為條山中忍饑良獨勞野鷹來高高臺  
斂翅猴立何為哉當途猛虎闕我室赤精細骨皆凡才

野鷹來汚之水昔年種柳今如此巢危雛弱將奈何  
野鷹歸來吾望爾

陌上花

陌上花臨春暉臨安女兒吳王妃吳王沉醉香風圍金  
泥為寫緩緩歸陌頭夜雨花成泥年年長花開時吳  
王宮妃招不來

陌上花嬌欲語吳王妃臨安女封書寄與緩緩歸陌  
頭花好能幾時錢塘之門幾易主嬌紅猶似吳妃舞吳  
妃一去招不來花開花落無窮期

金莖承露

蓬萊仙人騎黃鶴來遺劉郎不死藥銀漏無聲秋夜  
深時見星河頭上落精金糾錯蛟龍蟠未央闕角觚  
稜寒莫教仰見杯中物直是他年雙淚痕桂房椒壁  
蕙蘭老留得新愁向雲表猶逐官軍出漢關茂陵蕭  
蕭濕青草

因官伐松

丈夫去作棟梁材無復清陰護綠苔只恐江頭明月  
夜誤他千里鶴歸來

宋本

送歐陽炳四首

暖翠空濛故國山夢中慈母美連環文明門外春才  
好百尺吳船漾綠灣

樂聖嘶盃李適之十年春夢疾如飛蒼頭零落郎君  
小祖帳無知上客歸

曾侍

先皇法從臣故教給禮紀華勲名山久已藏名姓莫  
作區區世上文

去年

清問下青雲曾把文章付與君眼見  
皇恩絆漁隱江湖頗報白鷗群

孫用復

中秋前一夜賞月以明夜陰晴未可知分  
韻得未字口占

年年今夜月今年今夜醉月色既已佳論圓還覺未

黃河清

題徐孺子亭

宇宙真魂喚得醒一尊和月酌江聲看空東海有此  
士高出南州只一亭檜色半天猶傲世湖光落日欲  
吞城蕭然四壁殘燈火閱盡東風萬劫青

胡古愚

寄題杜隱君思學齋

先生高尚製荷衣結屋藏書入武夷泉石洗心無別  
事皇王經世有遺思據梧朗詠秋清夜隱几冥觀晝  
永時立志獨脩天爵貴故應荷蕢接輿知

皇元風雅卷之四



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之五

高若鳳

題朱進士

前集

御賜詩

憶昔霓裳清夢遊  
廣寒宮殿鬱巔岵  
神龍以矣乘雲去  
猶有驪珠落世間

遊白鹿洞書院

碧瓦參差儼杏壇  
白雲深鎖洞門閑  
不宗朱氏元非學  
看到匡廬方是山  
十里松風潮洶洶  
一溪泉雨珮



珊珊便當卜築書臺近五老峯前任往還

送謝有源閩中醫官

出山只為有源長散作人間六月涼從此不憂丹荔  
渴寶塘一派冷於霜

斑資高下不須論一步青雲亦上恩小試參差醫國  
手有人稱是野航孫

贈相士張月梅

清光萬里飛銀闕歲晏天寒桂香歇含章殿是廣寒  
宮月似梅花梅似月世間有梅有開落天上有月有

圓缺乾坤清氣鍾於人千古不磨方寸缺月即梅即  
香莫辨淨色寒香兩奇絕西山有雨南浦雲反覆紛  
紛異涼熱槎仙老眼閱人多獨獨來尋灞橋雪月梅  
已寒雪更寒窮年三友長相看論詩論相神自完出  
門一笑天地寬

張叔暘

送滕玉霄

我恨江上水不能洗離愁又恨江上水不能為我留  
日黯黯雲悠悠胡不推出黃金毬照我一笑送沙鷗

俎豆萬古相賡酬風流此老黑貂裘飲乾海水蛟龍  
憂人間雙鬢秋筆底巫峽流傲睨幾何同一漚識我  
不識吾何求安得從此長嬉遊昔日閨風今瀛洲江  
水洗得離愁不為我留住江上頭三百尺酒樓五百  
斛酒舟

許獻臣

次韻蒲平章致仕

君恩許老重增秩相印封回不再闕石以補天還袖  
手雲能成雨便歸山力將富貴推身外倒卷乾坤入

酒間綠野堂前看絲竹古今誰得似君閑

題賓月堂

人生自是人間客月亦天邊寄此身彼此虛空無着  
處誰歟是主復誰賓

趙蒙齋

題釣臺

君因卿相隱我為利名來羞見先生面黃昏過釣臺  
倪中豈

贈張原性金華尉

雅前五

天風吹鴈秋影寒客子晨出燕城閔青龍嘶煙雜錫  
鑿腰螭割玉羅翠乾金花出匣雙蚪蟠盪射婺女光  
闌干春萱花煖荆樹合酒光入鬢顏渥丹風雲落筆  
神鬼泣眼見老鉄生詰盤朝栖崑崙圃夕飲砥柱湍  
但恨雲路無停翰東海百尺青琅玕

倪若水

過揚州

雉堞平來塹擁沙綠蕪深處見人家山河舊影藏秋  
月關塞新聲起暮笳玉蕊已為庭下草疾梨不是眼

中花當年鳳舸經行處枯柳無枝寄宿鴉

范德機

過西芹

路隱岩崖迴橋通屋舍重烏啼黃葉寺泉注白雲峰  
市販賒棊柿畬耕間竹松行人報山郡失喜問萍蹤

延平江閣

山勢包重險津流合衆源詎知從事劔不類大夫魂  
光彩潛猶見精忠死尚存幽靈如可問吾意豈忘言

奉同廉訪使君洎寮友遊愛同寺

雅前五

四



閩粵古城東千岩半梵宮  
冒寒尋水石盡日倚虛空  
鐘鼓何須急壺觴亦有終  
翩翩北海寺碑版翠無窮

寄武夷社徵君

洞居清隱士時接武夷君  
旆影岩前見山香石上聞  
不為珪組累焉有市朝分  
暫得同麋鹿終朝試與群

謝張伯雨題東坊藁次勻

騷靈逝矣不堪呼幾欲南遊  
信楚巫城郭煙濤乘白  
帝星河風露泥黃姑幽人昔恨九闕  
豹佳士今猶千里駒  
久客思君相慰藉可能無意謝飛鳧

送王中庸歸吟

法樂洞前曾一遊君家聞處洞西頭  
石潭正照猿猱月山藥曾經虎豹秋  
豈意吳城祠下路共尋楊子岸頭舟  
冑中富有天官學莫為周南久滯留

蓮房

憶得花神一笑懽六郎家住小江干  
佳人怨等秋風近稚子眠听浦雨寒  
強為折來開戶牖誰將鎔出擬盃盤  
少年太守思兄弟戢戢青頭莫謾看

桂子

雅前五

盡輸金粟三千斛換得瓊枝數點秋定是月中嘉種  
失却從世上異香浮石岩夜見呼猿摘藥白晴敲伴  
兔收十日天台誰得見西風吹夢落山頭

送夏蘭同知會昌

承聞吉日上江船佐命分符落鴈邊野館溪頭三晉  
雪山城留下七閩煙庭春花氣迷銅墨市暝溪聲學  
管絃何日周廬尋夜直倍知報政九重天

瀉露亭

初秋白露降爽氣逼虛幃薄林方泥泥洒漠復霏霏

暗襲玉堂悄斜飄金掌微鶴眠寒屢警螢火濕猶飛  
葉垂知月朗花艷怯朝晞蘭飲畏朝墜草露傷夕歸  
爲霜當夙戒去日漫增歎俾停吳宮女三月採薔薇  
挹彼枝上香散入舞裳衣千歲亦不減但恐願相違  
君子保世澤在久愈光輝

題廣居家藏東坡竹

古藤尺五霜烟交不見長身見墨梢千載高風猶一  
日莫妨儋耳住無茅

贈廣居查尊師遠遊

查君學道戀名山廬結東南紫翠間更憶皇州春色  
好却辭仙館曙光閑千年城郭逐人去八月星河奉  
使還莫為崑崙無覓處早將詩賦動江關

奉寄翰林鄧侍講

曩承持節江之東騎鯨再上蓬萊宮蓬萊仙人歌白  
鶴聲落五湖烟雨中間爵祿不易致何獨去就如  
飄風

玉臺

曉出玉臺道山川稍夷曠只愁灘石際磊落更萬狀

市樓倚崖岸山頂列石障是中更有人隱約葱蒨上  
我願從之遊長風涉玄閭還歸保精路高視神目王  
空濛飛鳥過慘淡回波放由來心力疲會意乃益壯

十月十八日至懷安縣是夕入福州城

山城列障駐餘霞水與長空遠映沙芍藥省中人望  
幸荔枝林外客思家遥遥徐市三神擢渺渺張騫八  
月槎蚤歲學遊今白髮不應猶戀棗如瓜

望潮曲

潮來直上青崖住潮住却尋滄海去烏石山頭望故

鄉故鄉更在雲深處我生不如橋下水消息春秋任  
流止又不如如水上船去去來來年復年負祿羈孤  
二千里上念慈親下妻子子生未解別爺啼睡戀阿  
婆懷抱裏烏鴉日日傍人飛喜鵲時時噪郡西更有  
平安書字到金壺約伴玉人携

平臺晚懷

落日微風生晚涼平臺西上萬山蒼佳人獨不生同  
世樂土那知是異方海岳雲霞千古意鄉閨道路九  
回腸丹青不寫歸田賦猶以虛名累霍光

寄李秘書洞

秘書出是蓬萊苑流落東吳又一春見月定還騎鶴  
侶開秋宜讓鱸人吾曹事業徒溫飽子筭居諸異  
隱淪海表何時携手載相怜同是老詞臣

送別周儀之推官赴錢塘并簡李四秘書

武帝龍飛第一春京華相送各沾巾詎知邂逅文身  
地總是棲遲皓首人山驛蛟眠星滿洞水鄉鴈起月  
迷津若逢李洞南天竺謂是前書感謝頻

懷京中親友

海上經年思殺人絕憐京國舊交親  
過江唯有傳柑使寄得書回是暮雲

絕句

日淨芙蓉遠春明芍藥長  
誰怜玉蝴蝶正似錦鴛鴦

東署

習靜天常見居深路近通  
陰階垂葉露空院長春風

春日西郊

春風千里福州城綠水青山老  
送迎惟有垂楊偏待客數株殘雨帶流鶯

佳人不讓海棠嬌喜見天晴挹露饒  
若使有詩寧費日便令無酒亦終朝

江上登臺望眼迷西禪更在石岩西  
尋常楚嶠看花日此處新苗綠已齊

南澗清晨不易得有無更似此時春  
朱桃皓李都隨世紫蝶玄蜂故趁人

題先天觀圖

學仙之人與仙為徒住在匡廬之奧  
湖江之區張公煉丹作龍虎丹城御氣遊六虛  
後來出者絕代無何

不學仙住玄都玄都之壇角井孤上摩萬里之黃鵠  
下伏千尺之饑飈陰森檜筠自太古斬種力與開闢  
俱扶桑朝日掛絕壁坐見樓觀青糝糊擘崖控石瀉  
哀湍春秋雲露芝田腴我亦人間山澤癯偶陪夔龍  
賓唐虞有時一醉黃公垆振風三日撼不蘇折花不  
得度弱水渾手始識仙凡殊玉堂學士范與吳遺我  
茲山之畫圖尋窻數戶久嘆息無因置我雙檣蒲獨  
行幽人不受呼掃葉青澗听啼鳥日暮蘿徑相縈紆  
相縈紆向何處明朝為借麻姑鵬我亦騎之上天去

鄧文原貢奎元明善同觀此詩於玉堂為之嘆賞故

書  
孫存吾

饒虞伯生歸隱

天地毓精英文章耀德星虞廷春色滿翰苑月華明  
歸隱琴書樂朝回軒冕輕凡才倩俱蓄藥籠備參苓

春日遊黃鶴樓

插天棟宇接雲霞八面玲瓏望眼賒寒谷春回江夏  
柳晴川日映漢陽花珠簾半捲琉璃滑宮扇初開翡翠  
斜日近天人聆笑語廣寒宮殿隱仙家

秋思

鴈落西風字字沉嫩涼偷入藕花心眼前多少關心  
事付與寒蛩徹夜吟

張息堂

題衡陽刊匠曾子謙字說手卷

陽冰謙卦妙入神當時鐫刻知何人至今寶玩逾琬  
琰字體清勁無失真謙謙子謙能辨此手揮鉄豪出  
文字功成何止地中山鑿破乾坤六十四

甘東溪

夜坐

林風自蕭蕭山雨時洒洒丈夫七尺軀地爐使吾矮

早睡

病來貪睡早推月出山前月色不相捨小窓還自妍

酒醒

酒醒桂花發狂歌對花前林家大罵我夜半驚人眠

書生

跟蹤趣講席讀誦闢高聲我亦曾如此而今白髮生

歸舟

雅前五

片帆懸空秋滿腹涼月淡淡天無波平生湖海元龍  
意早入西風漁棹歌  
天壤豈無蘇李子恨我不識韓荊州遙山蒼蒼暮雲  
碧何許一笛蘆花秋

下豫州

壯懷忍共白雲閑孤負僧房屋半間賣却牢愁三萬  
斛載將明月入西山

託意

舊時灯火不知年託意篇章末世傳胸次只今無此

事听風听雨過殘年

新春

花紅柳綠也逢時潤色青春有小時人世若無吾輩  
在東風寥落亦堪悲

看梅

獨坐匆匆不自適出門偶見梅花開自從開闢到今  
日此是東風第幾回

暫憩

平生湖海遊南北東西路幾度夢殘時雲深不知處



過南湖小酌

忽有一事礙胸次擺脫不得呼酒來溟溟濛濛混沌  
在坦坦蕩蕩虛空開精神半生留筆墨形骸昨夜爲  
樽壘年年看梅今白髮晴日江路行莓苔

薩天錫

采石驛

客路青山外鄉心落照邊潤清浮野樹涼雨過淮天  
水調誰家笛江帆何處舫蛾眉亭上月今夜照孤眠  
采石懷李白

夢斷金雞萬里天醉揮秃筆掃蠻戕錦袍日進酒一  
斗采石江空月滿船金馬重門天似海青山荒塚夜  
如年祇應風骨蛾眉雪不作天仙作地仙

過石子岡

霞光日落紅穿樹山色雨餘青近人便好拂衣入山  
去解鞍辭却馬頭塵

次王叔能侍御史

龍蛇偃蹇出墻陰五色春雲態度深臺閣文章散清  
氣月明山館夜蕭森

次繁昌邑宰梅雙溪韻

矍鑠繁昌宰曾充觀國賓  
儒冠猶破帽禮服尚垂紳  
澹泊心無愧清癯自有神  
老膺朱紱貴驚見白頭新  
撫字三年政歌謠百里民

林彥棗

元會習儀和鄭子完

西山晴雪照堦墀  
法曲天香會合時  
在野只知堯帝力  
進朝方識漢官儀  
日明黃道瞻丹扆  
春滿青都擁翠旗  
冠佩又承新雨露  
太平報效有深期

李源道

次韻送虞伯生使蜀降香

城南尺五去天低  
迴首彤樓十二梯  
六月岷山猶有雪  
三春雲棧迥無泥  
浣花溪上看秧馬  
芳草渡頭聞竹雞  
見說草堂遺構在  
公餘須到錦城西  
喬木千年劫火催  
我眉峰頂自崔嵬  
岷江東去人西上  
驛馬南嘶鴈北來  
蜀國山川明似畫  
文公風化冷於灰  
太常直筆今詞伯  
既倒狂瀾賴挽回  
皇華驛使氣凌秋  
風槩沉雄隘九州  
金節暫辭金殿

去錦衣還作錦城遊文高方朔三千牘刀善庖丁十  
二牛好向名山瞻勝境瓣香遙捧祝宸旒

夏果齋

賀山間秋日見寄

門前絕愛竹成坡室邇其如人遠何亦曉不如歸去  
樂真成無可奈何歌詩翁自此工難少俗子於人一  
揖多何日同君秋月下桂花影裏舞婆娑

過洞庭

萬里玻璃一掌平倚蓬人去似騎鯨掃除雲霧天無

影彈壓波濤夜不聲一劍秋橫神鬼泣片帆風勁死  
生輕詩成不用漢人語怕有蛟龍听得驚

上國簽事時作教諭已四年

早年化筆妙衡銓棧樸菁莪意藹然名節綉衣霄漢  
上精神玉樹晚風前古人針芥總三語今得薤鹽已  
四年昨夜書帙光彩動使星炯炯斗牛躔

過岳縣

水紋如席浪花收謝遣湘中鹿角舟白露已過秋日  
淡青山未了曙光浮諸賢豹變雲生足老子龍鍾雪

上頭可惜隔江燈數點匆匆過却岳陽樓

送王副使美解

瓜戍無情逼歲年歸期行色占春先南商北賈多遺  
愛剩水殘山有宿緣青柳一枝江上酒碧波千里月  
明舡衣冠文物傳江左好在家聲續晉賢

胡斗南

悼文山

列指西風感別離乾坤人物大奇奇生為孝子忠臣  
勸死有皇天后土知萬折江流魚腹石千年人立首

陽碑一門史氏春秋筆愁把湖光入畫時

陳仲山

餞理伯容調江西憲掾

五阮春官第重登憲府新人皆形跡避君獨肺肝真  
日飲瓢惟水風行篲掃迎明朝江右客秋色滿湖濱

奉題丁氏竹堂并寄庭玉嚮仰之意

慈州二判經年別黃鶴山前見阿咸聞築新堂臨水  
勝剩栽脩竹與雲叅午風窓戶清含雪晴日琴書翠  
滴嵐欲拉王猷時共造幅中揮塵縱清談

餞郭端友赴掾巴陵并寄希仁兄問訊之  
敬

送客巴陵目遠鴻英年嘉樹玉青蔥門趨畫戟諸侯  
貴地閱輿圖七澤雄極浦揚舲清漲濶亨衢迂轡碧  
霄通別來安穩懷鄉否煩問同年鞠贊公

題甘文卿杏隱卷

禰子洲前萬杏花一壺仙隱客成家抄書簷下分香  
露洗藥溪邊踏錦沙布素屢煩卿相揖劍芒終拂斗  
牛斜曲江又廢明年會栽樹何由見倚霞

餞姜華甫調武陵掾

府史才猷俊沿書調武陵秦袍懷舊澤肱被割秋綾  
茗椀茱萸苦槽舡杜若馨滄浪濯纓處搔首憶吾曾

宋梅洞

挽胡宣慰

搏虎鬼猶泣屠龍地亦沉無兄寧有昔有弟必無今  
鍾鼎他人手舟車過客心不堪回首處殘月墮花陰

哭岳王

天意只如此將軍重可傷忠無身報主冤有骨封王

苔雨樓牆暗花風扇路香  
沉思百年事揮淚對斜陽  
龔子敬

送楊起行

纓冠楚楚濯滄浪彼美人兮淇水陽  
太府久須唐令錄中州正用漢文章  
只今滿眼真能幾遲莫相看耿  
不忘至治朝廷天咫尺載歌丞相舉賢良

送秦裕之補南臺掾

南臺禮意特相招送客溪亭自寂寥  
夜雨灯前春幾許清風扇底暑全消  
中司執法分曹掾掌政名官佐  
使輶捧檄還應為親喜宦途等是上雲霄

題張氏所藏石經

洛溢河清世之季鈎黨諸賢死無避  
橋門冠帶此何時詔與群經正文字  
議郎郎將將頴書觀者續紛門  
外車似憂方冊重灰燼且可鑄摹辨魯魚  
南臺四部存幾磧誰見世間完六籍  
莫傳區區掇拾方到今不是糊塗墨

述懷東張仲實教授

霜清起病骨卧久忘蓬蔭殘息不煖  
衣短髮漸入梳

涉世何用早意適事不如既知非所能裁足不願餘  
藥苦尚可飲家貧難可居秋來窘繁陰百畝沉嘉蔬  
滯穗尚采掇吾生愧耕鋤南窓美朝陽昔賢遺古書  
風竹如應門一室自掃除西庠張公子為我日回車  
言笑適相娛綢繆焉得疏

掘山藥歌

綠薜紫藤細色子種玉綿延香透髓晴虹歲晚香不  
起托命長鏡山谷裏小隱墻來整藥欄鄒玉政得才  
槃槃服食相傳養生訣茂陵劉郎和露吸

病起試筆十韻

積雨迷空闊翩翩多去舟將家值卑 事得清幽  
安石非高卧義園已倦遊壯心適如意短髮寄搔頭  
病約山容瘦閑窺鴈影浮雙扉寒自語一榻淡相留  
香篆縈紆晚畫屏瀟洒秋黃花荒古道白日起滄洲  
不死千金藥平生百尺樓暫分仙枕夢遙訪羽人丘

謝陳壺天惠蟹

寒蒲縛來腸已無枯骨裹肉肉自腴為君喚醒江湖  
夢孤蓬細雨聲相濡貧家不辨滿眼醜槽頭酒滴紅

真珠起來獨坐秋風裏一徑晴寒菊數株

梁隆吉

題葉東叔賓月堂

人生自是人間客月亦天邊寄此身彼此虛空無着處誰歎是主復誰賓

李古淡

題子卿牧羊圖

自是天工肯放回回頭羞殺望鄉臺漢風吹散羝羊隊却入麒麟隊裏來

李誠泉

寓洪中秋翫月

金水鎔成一樣秋三千世界雪光浮城中見月能多少擬借仙人十二樓

彭容庵

贈彭鉄面相士

只戴黃冠不豸冠雙眸窈碧貌蒼寒江南多少秋風客蘚苔山人一笑難

仇仁近

雅前五

二十



潮

一痕初見海門生，頃刻長驅作怒聲。  
萬馬突圍天鼓碎，六鰲翻背雪山傾。  
遠朝魏闕心猶在，直上嚴灘勢始平。  
寄語吳兒休踏浪，天吳象罔正縱橫。

吳漢儀

贈楚山樂路教之金陵謁御史

官滿豐城車載膏，遠從建鄴覓同袍。  
雨香芹泮春風轉，霜重栢臺秋氣高。  
青眼故人加顧盼，丹心即日表英豪。  
金陵山水多佳麗，伴客登臨莫憚勞。

吹簫歌贈金精山人陳天佑

金精之山何峒窈，夜深明月涼蕭蕭。  
中有可人好絲竹，抱明月兮吹洞簫。  
簫聲嗚嗚響空碧，潛蛟起舞山魃泣。  
含宮嚼羽妙入神，月落參橫朔風急。  
曲中却憶秦樓女，秦樓縹緲知何許。  
鳴鳳雙飛竟不還，至今遺事傳千古。  
君留吳中猶未發，我亦如君調殊絕。  
明朝却賦歸去來，吹簫還弄金精月。

皇元風雅卷之五



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之六

何願真

長沙留別董仲達陳君直

歲晚客衣薄揮毫更舉杯  
五年嗟一別兩月却重來  
南屋夜相語北風舡未開  
他年苔雪上回首定王臺

黃子肅

古意呈仲章貢侍御

娉婷二八女絕色妙難畫  
新粧薄鉛華照影脩竹下  
盛年事夫壻錦玉耀精舍  
雖非伯鸞妻惓然惜春夜

琴餘月當軒默默倚風榭寄語東家兒紅顏莫輕嫁

又

梧桐生高岡雲氣涵空清南枝掛孤月上有蒼鸞鳴  
大匠揮玉斧渾然合天成真之白玉堂被之絃歌聲  
一彈松風來再鼓溪月明子期人已往青山為誰情

題竹外一枝梅花

仙標何處來一笑倚寒玉晴窓見疎林座上春可掬  
山陰帶殘雪水影兼遠綠珍重孤竹君歲寒伴幽獨

贈醫人黃子厚

悠悠溪上山疊疊山下雲幽人不出戶芝草日以春  
伯也種丹杏心與孤鴻輕仲也搥玄霜西風林間聲  
世降運不齊病隨人心生芳草何所無誰能擷其英  
吾宗幼幼方積久用更精金丹有時合白日升蓬瀛

春晚

春老他鄉奈老何可人紅紫漸無多閑來綠柳坡頭  
路記得流鶯第一歌

題春江小景圖

小艇無人載綠陰白鷗門外笋成林不知多少山中

雨染得一江春水深

錢塘懷友

舟泊風林一鴈聞  
白蘋紅蓼共思君  
月明江水多於海  
雨後秋山碧似雲

登福山遇僧偶出

欲扣禪關未有詩  
滿山空翠濕人衣  
行間跌在到西月  
試看白雲歸未歸

鷺嶺雲間杖屨幽  
竹風松影共悠悠  
何人分得僧家榻  
坐看南山一片秋

贈汪玉成

千里還家獨抱琴  
象山杳在白雲林  
曉寒莫厭江東路  
人倚梅花雪意深

友人見訪不遇

君乘白鶴下青雲  
我入春山聽曉鶯  
可惜小樓風雨過  
無人收拾萬松聲

尋故人

適興一尋君  
君家在白雲  
幽花春後見  
落葉夜深聞  
隨意坐苔石  
呼童煮澗芹  
不須談世事  
詩思正紛紛

留別

相尋復相別把酒意如何雲石有時合風湍無定波  
此生無出處一笑對嵯峨長揖下山去暮烟浮女蘿  
哭朱教授竹所

日問竹平安淒然泣白鸞講堂春寂寂歸路夜漫漫  
前席成虛設斯文已不刊此聲雲谷外落月帶霜寒  
天運不已歲事又春學已可乎作自勉詩

呈李初教授諸公

東風一笑可人心旋瀝新醅對柏斟山色未勻春意

淺梅花已老白雲深半軒依竹閑聽雨千里懷人欲  
抱琴試問樵溪隔年意碧波東注渺難尋

送三山張國寶府掾美歸

三山星斗高貼天三山潮汐走百川張公平生飲中  
仙襟度脫落神飄然三山神人不敢友天風吹度金  
鰲巔掃清案續待明月平鋪綠水栽紅蓮公庭無人  
山色落時有雙燕歸簾前樵溪夜雨深一尺城外明  
朝翠如織春歸草木不可遮黯淡已作離別色離別  
兮奈何若有人兮佩女蘿公不顧兮山之阿滄海渺

渺浮雲多

縣令行

石田海上秋不熱抱琴入山翠如簇白雲一榻流水深  
獨對青松結茅屋西風喚起泥塗身野冠來見天上  
人靈丹一粒肯分與便當負水供炊薪

題高都事戴崧二牛圖

東風吹浪翻平林吳江咫尺移春陰牧童曉出不知  
雨日暮歸去清溪深一童驅牛涉古岸草煙慘淡迷  
目觀雙啼湧出層水間蒼峽蹴翻石雲斷一童踞策

溪中流溪風不動波悠悠恍然顧影驚自失尚疑身  
跨蒼龍遊平瀾遠峰結寒色至今宇宙留墨跡可憐  
三子人不識我欲問之漢津客

送素庵劉總管歸

當年綉斧出九天倏如白雲下長川千峰收雨作秋  
色至今梧竹吟寒泉熙臺重來又三載千將出匣光  
不改冰壺盡貯明月秋風露溟溟接滄海海空迢迢  
行玉麟霜影蕩漾龍蛇驚石田歸來紫芝好策馬更  
入南山青南山歌兩岐何如陽春生物物不知魯人

頌泮水何如弦歌一千里  
昆也虎渡河寬也蒲作鞭  
何如樵溪九曲落葉靜  
平鋪綠水栽紅蓮紫微殿前  
列藩輔華蓋滄滄五星聚  
夔龍蹴躡天一方蟋蟀吟  
秋桂枝暮逢萊楓葉昨夜  
秋瓊樓夢覺題金甌銀河  
橫空白鸞去安得追逐鈞天遊

送僧定觀歸

詩僧百丈來復作五臺別  
了然振金錫桂子落秋雪  
山空白雲閑風息萬籟滅  
相思何處無江湖一明月

張希孟

過長白山范文正公書堂

長白何岩堯下有讀書室  
人云小范老於焉競晨夕  
蕭蕭翳荆榛落落林泉石  
拳拳往瞻拜共共如相及  
維宋慶曆間群賢麟鳳集  
孰先天下憂一統經綸白  
中朝固有人西夏諒難國  
力言出師凶深慮手澤失  
炳幾先見明韓富有慚德  
奈何時相隘欲碎和氏璧  
向非

仁廟知千載血應碧至今  
忠義氣高壓萬仞壁所以  
德業高要知清苦積功臣  
自古多動為富貴役視公



平生心霄壤邈相隔但能一善兼亦足千年塞遺容  
揭日星未覺閑塞黑長歌景行詩風林撼秋色

晨興用俞立之韻

寒碧洲痕淺深青地勢平岩姿呈雅淡樹影碎空明  
窓納一天曉人懷千古榮移床高處坐遙看日東生

惜鶴十首

鶴仙禽也由凡翼非其比恒不為世人  
所愛而愛之者往往皆山林中人蓋物  
以氣合理勢然也余嘗得其尤者一秦

之既久翩躩與人相習日者為田姬傷  
其脛凡病兩月斃惜哉因取其始末作  
十詩以慰其不幸云爾

購鶴

野處幽獨甚千金得令威挾雲出塵網領月到柴扉  
磨足妨颺去遮亭使學飛至今湖上路樹石亦光輝

友鶴

雲雨手反覆紛紛知己誰玄裳真莫逆皓首誓相期  
把酒或前舞遊山時後隨會看作人語細與話瑤池

病鶴

渠本仙家物胡為久不安  
強行時榻翼歌立恐遺丹  
誰藥相如渴獨怜范叔寒  
一鳴雖确确猶自徹雲端

醫鶴

饋藥人空數乘軒氣漸低  
無心吞餅餌何處覓刀圭  
暴日資丹火杯泉洗雨泥  
謾令通臂友時復憶幽棲

挽鶴

共處人烟外誰期禍及身  
九臯空有恨四野欲無春  
華表雲應淚瑤臺月亦塵  
當年林處士泉下定相親

招鶴

歌微楚人些冥冥恨亦增  
楓林空落月蕙帳亦寒灯  
仰問天無語呼聞谷謾應  
料隨風露氣飛入亂山層

瘞鶴

非為思惟蓋從遊歲月深  
忍令一杯土埋盡九臯心  
致奠攄幽憤為名著德音  
小松栽尺許悠久庶能尋

憶鶴

玉立昂藏意山中我與君  
幾年遊賞共一夕死生分  
徐步閑窺沼高飛遠帶雲  
為誰重起舞倚仗立斜曛

夢鶴

繡幌燈昏處依依見瘦軀引吭如有訴側頂不容呼  
枕上行雲遠松梢落月孤堪怜漆園叟謾為蝶遽亡

圖鶴

百計無從見明窓吮筆圖研朱漆霞頂肩玉抹雲襦  
野狀雖非似山居亦勝無却愁風露夜拔宅上天衢

趙茂原

贈郭山長歸括蒼兼簡葉縣尹林府判

夜聽春雨鳴雨晴君欲行君行向何處回覽括山青

括山萬疊青未了漠漠蒼煙隔飛鳥三年官冷不得  
歸歸夢時時度雲嶠竹雞鉤輶啼夢殘落花如雪春  
風寒客途塵土何漫漫握手未許攀征鞍東關且盡  
雙樽歡東關柳如帶中有別離態折贈不可持依依  
自相待宦遊江海事多違我輩論交金石在舉頭咫  
尺天涯別行李瀟瀟浸明月出門大笑心激烈良儔  
往往多契闊每一思之生白髮白髮生何足驚志士  
慷慨期晚成酒澆磊傀澆不平况復不飲難為情長  
歌散作陽關聲子先歸兮我暫停丈夫耿耿氣青酒

兒女淚浩蕩天地間清流豈常聚郭公子休徘徊京  
城二月鶯花開束書早上黃金臺黃金臺上多英才  
拾取青紫實快哉秋來我亦遠遊計萬里殷勤定相  
遇到手功名俱得意却誦如今長短句

### 曉寒曲

曲欄廉纖杏花雨博山煙飛裊晴縷夢回金帳春融  
融鸚鵡驚寒隔窓語美人曉粧雲滿梳柳風吹香入  
氈氍翠鬟娟娟綰不斷寶釵壓鬢紅珊瑚了鬢裏捲簾  
採桃葉驚起一雙黃蛺蝶

### 秋霄吟

平林薄暮風淅瀝黃金滿地秋狼藉新月出嶺光欲  
流萬籟無聲夜寥閒誰家美人吹鳳簫彩鸞對舞摩  
青霄闌干縹緲碧雲遠天風入骨涼蕭蕭銅壺水寒  
銀箭澁玉露滴空衣袂濕釭花落盡爐煙收幽懷耿  
耿生新愁寒蛩啼碎人間秋

### 楊達可

### 渡江寫懷

手挽天河落九溟浪聲淘盡世間塵一川光浸梅花

月萬頃波涵棣萼春風雨不忘歸海意乾坤未老濟  
川人此溪浩蕩流千古回首春山更麼青

吳仁傑

送汪水雲入湘

碧水波翻海亦推奮身鰲背護蓬萊忍隨天上紅雲  
散却馭閨中紫氣回大道有形須變化玄關無鑰任  
敲推携琴更拜蒼梧野猶想南薰入調來

鄧或之

即景

樹影禽聲門半開墻東一迳沒蒿來池塘通得官溝  
水時送青萍幾點來

絕句

清風左右涼蒲室芷花香琴聲偶然斷不是客來妨

芸芸陌上人

芸芸陌上人各為衣食謀寒飢稍不迫彼亦無譏求  
豈知衣食外復有千端憂憂樂本皆然悵然寸心休

掩卷

夢中有得意覺來還自喜掩卷嗒無言殘日在書几

江橋樹次阮魯齋韻

江橋樹日日斜陽暮春風吹落花半隨流水去花落  
有盡時水流無斷處

阮詩附

江橋樹在萼年華暮迎得行人來送得行人去落葉  
成秋風行人在何處

宿山家

秋深客路已無聊此宿何堪更寂寥雨葉響林人語  
寂風灯近竹客心搖村醪味薄愁先醉野叟情親語

漸驕惟有兒童忘世故向人歌麴到明朝

聽琴

桐花門巷小立久忽聞琴海鶴天風急山猿秋雨深  
一時真得趣千載有知音雖是無絃達何由會此心

落葉二首

秋庭晝無人落葉自滿地端居觀物化人生亦如寄  
朝聞鳴蟬悲夕已見其蛻歲晏共蕭條臨風發遙喟

又

落葉日已深庭樹日已瘁樹猶不枝梧葉亦甘委棄

寧隨高風飛毋隨流水逝飛者或遶樹逝者眇無際

陳敬翁

晚過玉林西齋二首

佳客因乘興能來慰寂寥空山多宿約好語在今宵  
白苧秋風急青帘市酒遙半升無處問清抱可能消

又

庭雨俱鍾盡燈花待客詩三生今夜宿此道幾人知  
分契情何厚材高語自奇直為知己用非敢傲當時

月下琵琶

不似潯陽縣哀絲帶客愁素娥窺夜曲明鏡入南州  
指滑鶯初語腔新柳共柔向前兒女恨腸斷漢宮秋

柳邊漁笛

莫是章臺路青絲舞未休楚江歸去釣湘竹語孤舟  
一葉秋生樹何人夜倚樓舊時明月裏吹過白蘋洲

初夜

獨坐興悠悠苔堦日脚收客衣涼悞菖池月夜私秋  
物遣身猶累心閑迳未幽故人情分好渾不記淹留

晚坐

綠陰深處寺日暮坐幽人水影光初劫苔痕塔半身  
荒江無過客高竹是比隣未信清談少因看麈尾塵

過胡震亨幽居

欲復問何處行遲稍認門路隨幽草入巷與綠陰分  
市盡人初遠言忘意獨存所經得才俊猶足慰斯文

清曉過鶴上仙人

仙人睡方起松日高數尺入戶聞琴聲停步立苔石  
閑情契幽絕每坐忽終夕長揖道香清歡言正蒲席  
贄分宜縣丞吳子彥

道合無論見神交早為詩十年諸老盡一淡半生知  
池草今無夢山陰復有期絕疑汚具眼猶意得吾癡

蕭南軒

寄吳子彥歸江東

鳴鸞誰倚洞簫過黃鶴樓前舊脫靴天上佳期今夕  
共江東歸思白雲多清風明月故人識有酒無魚良  
夜何莫學鄉音唱蘆葉桂花滿載待西河

寄黃尚雅

莫惜隔年期行當與子違門深紅葉字秋入菊花詩



酒熟蟹將到，鱸肥膾可思。  
西堂風露重，早下讀書幃。  
先一初

丁丑新正試筆

偃指邁年逝，今朝曆又新。  
野煙癡作晚，山雨細勻春。  
舉世貪為苦，空門懶是真。  
聊將双碧眼，趺坐閱時人。

陸文圭

燒筍賦

竹字韻

先生朝盤厭苜蓿，筍味得全差。  
勝肉蒼頭掃地，犀角出赤燄。  
燒空龍尾禿，土膏漸渴外。  
欲拈火灰微濕中。

已熟撥灰可惜衣，殘錦解繹猶怜膚。  
濯玉青青無分長，兒孫章章為人供。  
口腹李家丞相蒸，葫蘆石家美人煮。  
豆粥去毛留項，有何好擣。非作麤空，自速不如野人工。  
食淡自辦行厨，入脩竹句。裏曾參玉版師胸中會着，貧甞谷主人不問不須嗔。  
昨夜西風響林屋。

陳魚村

題按仙樓

五老峯前第一山，天開綠野待公閑。  
令威白鶴重來日，老子青牛又度關。  
花木四時三月裏，樓臺一簇五

雲間我來便有凌風想為問先生覓大還

易炎正

環秀樓

萬碧穹環類九嶷危樓空翠接清漪山人本是山中  
客山外看山山更奇

張嗣良

尋梅

夢中寄荒遐騎驢一放棄野梅過流水香斷無尋處  
天寒歲又晏偃蹇傷幽素獨行山谷深積雪迷歸路

曉行

夢魂短短春宵殘啾啾雞語催征鞍東方彷彿淡月  
曉柳露細拂征衫寒僮僕前行指予路那个長亭經  
某處離情莽莽不分明點淡孤村煙半樹

何大虛

畎步作

陰靄通煙碎作霏春風吹入煖成泥女郎挑采不知  
濕調笑相携過水西

除夜

風縈縈雨霏霏寒輕新柳潤春到落梅稀筠籃入市  
買紅燭煙火松林人醉歸

元日

聖主龍飛肇紀元野人相賀板扉前不知顏色老昨  
日共說時光強舊年井口杏花春值雨墻篔柳葉煖  
肥煙長溝緩轉風倚綠林下烏捷漸受鞭

寄程承旨

元凱同嚴名留班錫異恩聖神思治切宗社有公存  
地立鰲峰峻天依鳳闕尊咎夔謀道合旦奭共心論

妙幹時雍化丕揚祖烈敦堯文嚴大典虞采倚昌言  
卦氣丹凝鼎星符紫照垣奇齡歸碩德寶曆肇

皇元花竹蕃三谷雲霞煥九門相望清晝永朝下酒  
盈樽

訪貢待制舟行阻風

今旦始自信余生非數竒懷人發清興欲雪成良時  
波響雙櫓澁灘寬衆帆馳危查立小渡殘竹懸斷旗  
指浦見鴉合轉蓬惜蜂移深烟曲江磬微雨三洲炊  
寂聞有餘適濛洪無定姿余寧不可奈久與西山期

送吳主簿之官石塘

簿領池州去開帆帶雨微當今公事簡見說縣人稀  
雲入九華碧鴈驚秋浦飛丁寧橋下水官蒲載書歸  
次韻寧志道袁氏偕庵夜興

空庭山色重積此松桂陰微風從何來一鳥驚前林  
清心有密美幽聽得遠音寒燈明孤館歲晏夜偏深

送人歸臨川

金河踈櫛外去棹響流漸為客有歸日送人愁別時  
寒雲隨鴈遠南雪到山遲舊隱書無恙行藏莫豫期

酬揭曼石重贈

歲晏君獨留路長我將發林居難共語帝里易成別  
煮水逐人飯依樹囿車歇今夜抱衾眠街頭響鍾絕  
遇曼石有贈

十年相勸忽相贈猶記書題狎故人京闕詩傳多應  
制里門祿逮獨榮親梅花蒲映林霏雪柳眼初迎輦  
路春知是高情難去住此身誰是自由身

程學士山房宴集

芳郊暖微煦衆岫分餘烟迤邐望遠登趣歸心轉延

洞開石扉互澗阨衆流喧居人隱古俗香氣通幽禪  
艷綠度畫梁語笑相後先飄飄縱飛屐松聲正鏘然  
窈窕山曲拂麗構朝霞鮮勳容在廊廟傑客儲芸編  
緬懷康樂公奇蹤此周旋詎知有今夕聯集玉堂仙  
群鵠亦與喜共舞芳樽前無情尚方感矧當後諸賢  
暢飲抱真適遠以寄微言茲遊即千載湛華期相傳

贈元復

煖雲流青堤光風轉芳甸遠在天一涯幽沉限聞見  
點點秋歸鴻翩翩春來燕天路萬里通胡寧絕遐曠

奇姿奪南國悵望愧踈賤良會慰夙心願君畢歡宴

梅

奇植遺山澤英姿照古今醲熏貫三極貞色照平林  
年運神孤王陰凝力獨任太清涵妙影元氣託芳心  
薄雪村村淡輕烟澗澗陰蒼茫何見晚邂逅却愁深  
南紀開春事幽情寄碧岑自怜餘短策相對發清斟

元真寺橋小憩

古刹傳清楚橫橋雨歇時年華流水去春事落花知  
宇宙遺陳迹江山本後期向來多薄命今日信枯藜

柳下

是誰安宅子占得綠楊陰  
山色春來長溪流雨後深  
樹遙飛鳥疾人近戲魚沉  
舟子船頭望安知不解吟

陳晉齋

次滕玉霄韻

自是男兒志四方明時上國快觀光  
儒冠誤我青綾被人品還君白玉堂  
取友平生半區宇論詩今日得濠梁  
歲寒祇有梅和竹風雪相看味更長

呈草廬吳司業

斯文梁棟在成均自許儒冠可立身  
拍塞冒襟五經笥清高地位十分春  
泰山北斗道行世赤箭靈芝意自春  
多謝春風薦賢筆肯甘躍治外陶鈞

甘虛庭

贈羅浮山

吾聞羅浮山中人綠樽吸盡梅花魂  
花間騎鯨度海門吟詩小住江南村  
詩中有時得相見雪中何年同白戰  
一朝文運天門開布衣飛上黃金臺  
姮娥却忌君年少未許青雲致身早  
鬚眉半染燕山秋萬里歸

來風格老我家大白清海湄與君邂逅荷花溪大椿  
庭前酌美酒長松石上看殘棋浩歌白雲動長嘯青  
雲飛篝燈便共談秋雨喚起英雄語千古古來將相  
皆神仙劉侯諸葛青雲士我願君今重努力天上風  
雲生羽翼萬花立馬看游龍錦袍露染天香濕功名  
得意早歸來携手三山弄明月

凌虛谷

秋夜長

秋出嘖嘖寒莎底城頭秋月白如水二十五絃秋夜

長點點滴斷離人腸萬里一身風露涼家家秋砧搥  
衣忙

行路難

日月高懸天闕裏何曾照着幽泉底不見靈均伍子  
胥忠臣翻作啣冤鬼自昔拙人遭譖謔多因踈樹歎  
唇齒片舌鉗如巨闕鋒寸心險似瞿塘水行路難行  
路難羊腸九盤那可攀只愁平地生嶺岼

高孤雲

午過半間僧室

入門聞香風一樹桂花吐方丈半鈎簾空山度疎雨  
銅爐上秋煙茶甌到賓主對景適忘言齋鍾報亭午

觀畫山水

遠樹幽幽屋半沙款款人片天殘雪意一墨萬山身  
意到形臻妙工深筆有神高堂風日永展玩四時新

又

怒石分兩水竒峰入半天野橋歸去路疎樹有無煙  
取用非工到精神在意傳道心少終日物我趣忘年

蠟燭

取質蜂甜後融春火力深直中元有骨明處本無心  
花吐曉空日龍盤照夜金剪殘更漏永樓月度高杯

春梅

應居仁

題歐陽氏楊妃春睡圖

咸陽宮殿開東風上林花發千樹紅啼鶯語燕弄白  
日太真嬌癡睡正濃九華帳暖揜不掩鬢簪釵橫慵  
整點翠衾薄籠冰雪膚寶枕痕深紅玉臉三郎要與  
遊陽臺躑躅曳踵床前來擁扶侍女逼卧側惶惚困



眼初半開畫工會此無窮意寫向屏帷留後世憑誰  
喚取春夢回漁陽鼙鼓聲如雷

送黃錄判宣城之官

紫髯秀美黃使君逸志雄材卓不群北上奎章獻  
天子東遊寧國佐參軍征帆千里長江水官舍三年  
疊嶂雲相望柏臺應不遠好將政治播殊芬

送舅氏楚山樂教授之金陵謁燮御史

金陵形勝壓江淮舅氏斯行亦快哉况有故人驄馬  
客能無新句鳳凰臺風高薦剡天邊去雲擁除書日

下來遙想歸帆應怯意江頭千樹發寒梅

皇元風雅卷之六



國家圖書館, NATIONAL CENTRAL LIBRARY, TAIWAN, R.O.C.

詩者斯人情性之所發自擊壤  
來有是矣然體制隨世道升降  
音節因風土變遷以近代言唐  
詩不與宋詩同晚唐難與盛唐  
匹我朝混一海宇方科舉未興時天  
下能言之士一寄其情性於詩



雖曰家藏人誦而未有能集中  
州四裔文人才子之句彙爲一  
編以傳世行後者廬陵孫君存  
吾有意編類雕刻以爲  
一代成書其志亦可尚已吾嘗  
以爲中土之詩沉深渾厚不爲  
詩麗語南人詩尚興趣求工於

景意間此固關乎風氣之殊而  
語其到處則不可以優劣分也  
編詩者當以是求讀者亦以是  
觀則得之矣子其徧歷風騷之  
國而搜訪焉庶乎是集可無遺  
憾若夫可否去取自有當令宗  
匠在至元二年丙子三月晦日

盱江南窓謝升孫子順父序

姓氏目錄

卷之一

鄧善之  
王儀伯  
段惟德  
錢雪界  
吳養浩  
祝元美  
梁彥中

盧彥威  
馬昂夫  
李齊賢  
段天祐  
祝直清  
周鈞山  
夏誠中

王繼學  
曹子貞  
張永溪  
李兩山  
上官伯圭  
李仲公  
王秋江

推后目

國家圖書館 NATIONAL CENTRAL LIBRARY, TAIWAN, R.O.C.

王虛白  
龔楚清  
王子東  
康秋山  
楊厚巖

蔡九思  
黃伯玉  
吳遜齋  
吳宜甫  
姚江村

張伯遠  
白仁壽  
蔡舜謨  
方寒巖  
方景山

卷之二

薛宗海  
范葯莊  
鄧收心

黃晉卿  
胡石塘  
倪元鎮

李坦之  
戴祖禹  
陳剛中

卷之三

李鶴田  
劉起潛  
王蘭思  
田師孟  
張天師  
黃松瀑  
楊季  
舒元易

趙青山  
吳正傳

歐陽伯恭  
于介翁

朱本初  
黃君瑞  
薛玄卿  
于仲元  
包淝川  
張南臯

查廣居  
康里燮  
張一無  
危太樸  
鄭汝和  
危琴樂

韓中村  
陳小庭  
劉恭叔

况肩吾  
章養吾  
葉千林

呂元卿  
許存我  
林仁山

卷之四  
四愛題詠

虞伯生  
高新甫  
夏紫清  
王倫徒

吳宗師  
張天師  
歐陽奎齋  
王士點

馬祖常  
太乙子  
揭曼碩  
謝草池

詹厚齋  
彭孟圭  
朱訥山

程登庸  
李進齋

吳月灣  
李絳齋

梅野詩序  
真山民  
許伯昭  
周老山  
周溪邊  
傅東郊

虞伯生  
江學庭  
謝南憲  
曾德厚  
周幕溪  
黃季羸

詹厚齋  
揭希韋  
黃朴齋  
周梅邊  
黃誠性  
劉叔遠

熊啗谷

卷之五

字木魯翀

陳是若

張小山

趙田儕

負怡然

李宗列

施性初

理伯容

劉孟羣

章伯亮

郭君彥

楊信可

王尚志

傅謙則

甘恪

劉夢羲

拜帖穆尔

張鳴善

鄧德良

徐天逸

卷之六

熊勿軒

毛靜可

潘心月

羅梅我

李孟陽

危希尹

十雲題詠

李草牕

羅太瘦

陳復齋

林德晴

劉草牕

涂雪坡

鄭元晉

嚴春山

雷機

陳野雲

趙芝室

張奎翁

涂竹逸

吳西墅

葉水村



袁安道 陳應江 王劔川  
 李蒙齋 陳天霽 鄭溥  
 孫平齋 劉南金  
 十臺懷古  
 楊烈字子承太原人福建閩海道肅政廉訪司經歷

皇元風雅卷之一

鄧善之

贈墨士吳雪堂

永寧賜筆世安有易水良工今不傳了知膠漆用相  
 得亦悟膏火明自煎昔從蒙莊觀副墨老歸芸閣窮  
 太玄與子欲擬毛穎侍待我暇矣磨硯磚

盧彥威

後集

儒學學正 孫存吾 如山 編類  
 奎章學士 虞集 伯生 校選

送鄧善之提舉江浙

北門古深嚴論思寄籌度自非鳴才世訓誥何由作  
夫君出巴蜀文采動京洛十年掌絲綸搗藻揚景鑠  
荆璞抱瑾瑜龍淵淬鋒鏑肯獻上林賦寧居天祿閣  
即今觀浙江春戀晞金雀黃圖鬱紫氛絳節生碧落  
依然難爲情清霜養飛藿

春秋嚴筆削凜若執玄鉞君獨抱遺經結髮飽剗  
明剖是非心微探義理窟下視群兒愚爭端王正月  
竭來奮直筆浩然心思竭王功與帝德昭昭日月揭

胡為厭詞林擬欲觀溟渤榮華若浮煙汗簡青不滅

又

詞林富聲華幾人得精悍悠悠三百年篇翰孰承續  
夫君清廟器裸薦盛圭瓚五就惜繁纓九游載雲罕  
依依風向翔忽忽月新滿冷然時雨情短章不可斷

又

風雨妬芳華稂莠深嘉谷天地豈不仁盛德稟命獨  
明廷萃群英四門延穆穆既卜渭水釣又起傅岩築  
聲華何岌業衆輻輳一轂鑿坡儼清韻碩人歌在軸

願言往從之星駕命宜夙豈知彼玄鳥戢翼辭雲屋  
幸無素絲悲庶免窮途哭

離離天星高皓皓雲月光候鴈過楚澤蟋蟀鳴中堂  
天時諒難測徒然多感傷念子去意遠沉憂結衷腸  
憶昔初奉歡露白春蘭芳清樽罷新製妙趣深濠梁  
飛景急西匿川流浩蕩蕩玄髮淒歲晚木脫天雨霜  
蔓草豈容惜松柏在高岡

翰林子元子武庫森戈矛英聲邁千古逸韻橫九州  
與君契金蘭投分何綢繆清和謝夷惠典刑追韓歐

坐令人文煥允塞昭王猷念君獨遠邁寥落行人愁  
木瘦楚山曉風淨寒江流何當駕飛車都宴崑崙丘  
塵埃滿腥腐朝莫同蜉蝣

賜谷上寒日影射扶桑枝瞬息及中天流光迅難持  
人生百年內昂昂何所施孤鴻東南征浮雲西北馳  
可憐萬感身會合須臾期安得弄明月皎皎遠憂疑  
折花芙蓉浦蕩槳江漢涯優游以卒歲身名良不隳

又

游雲蒼鱗穹閭闔不可叫徒令虎豹閑日月近輝耀

濛濛八表塵隱隱萬彙寂泯然一歸途伊誰執其要  
栖栖聖者徒禮樂懷窈眇閉門忍朝飢風雨深蓬寥  
今年江海去光景短螢爝禾黍滿故墟問巷餘返照  
揮絃送飛鴻今古入長嘯

昔我適吳會日夕承歡顏高堂樂起舞綵服何編爛  
東潮洶波濤西湖翠煙鬢北歸餘十年謬跡通朝班  
家禍一朝集音容何可攀悲號蒼穹迥往事思日艱  
命窮時亦迫志弱體自孱安得騰化術從君超人寰  
執手不忍訣臨風涕空潛

我留君勿思君歸我當憶十年膠在漆一旦各異域  
吳江激微波震澤起暝色鷗鵬隔天地鴈鶩雜南北  
念我平生友愴恨推胸臆獨看燕山雲歲暮日初曷  
永言長風翔情寄南風翼

九月十日接

駕回因遊香山寺飲于西厓之上酒酣呈主人  
迎鸞北去迷風沙看山西來足煙霞蒼山朝含太古  
色長松百尺凌雲斜傑觀重樓炫金碧笑拍闌干倚  
天立出門却得望東山紅樹青林亂秋色痛飲崩厓

吸鯨川徑欲醉倒秋風前但恨浮雲閉白日使我不  
得瞻青天忽忽今年負重九樹老山空復何有莫將  
身世愧淵明縱有黃花無此酒

奉和李秋谷平章宿西郊

春生騎吏飛塵外便覺高情遠世紛酒泛泉香清易  
冽夢侵仙骨冷難曛珠生滄海還驚月鶴舞層霄不  
見雲無象太平今有象共欣良相遇明君

王繼學參政東平人

送華山隱歸西湖

方士求仙入滄海十二城樓定何在金銅移盤露滿  
天琪樹離離人不采軒轅高拱聖明居群仙真人左  
右趨青牛谷口迎紫氣白鶴洞中傳素書珊珊鳴珮  
星辰遠寂寂珠庭雲霧虛脩髯如漆古仙子玉林芙  
蓉染衣水九閨高塞不可留歸去江湖種蘭芷山頭  
宮殿風玲瓏玄猿飛來千天松間房誦經鍾磬響石  
壁題詩苔蘚封欲向君王乞祠祿安排杖屨來相從

和馬伯庸見寄

侍臣催講玉階西雲淨觚稜曉色低天闢神州早兩

漢地連竭石轉三齊含香畫永閑青瑣視草堂深濕  
紫泥最憶東山老松樹秋風應有鶴來棲  
長堤芳草遍灤河誰買扁舟繫樹槎金帳薰風生殿  
角畫樓晴霧宿簷阿萬年枝上烏啼早九奏階前鳳  
舞多供奉老來文采盡詩壇昨夜又投戈

送朱本初往玉隆

官河新柳雪初融仙客歸州背楚鳴鉄杖晝間山似  
玉石樓人靜水如空煮茶榻畔延徐孺燒藥爐邊覓  
葛洪天上雲多白鶴去子規何事怨東風

王儀伯

和馬伯庸韻

金馬門東畫省西千官花覆曙光低九莖芝蓋雲衣  
合百石銅盤露顆齊鹿柵已營脩竹塢燕巢還補落  
花泥上林伏日金桃熟鸚鵡來時不敢棲

馬昂夫 達魯花赤

送僧

遊遍匡廬紫翠峰片雲吹影浙江東曇華貝葉春三  
月布襪青鞋山萬重禪性若灰終有味機鋒掣電本

來空問師此別知何處笑指天邊月正中

曹子貞 禮部尚書 東平人

和趙子昂韻

灤水橋邊御道西酒旗閒掛夕陽低春從綠樹陰中  
老雲補蒼山缺處齊畫戟遙臨青鎖闥紫駟解惜錦  
障泥鸞皇自為明時出宜傍上林高處栖  
柳簇金溝蘸碧波雲深貝闕瞰重坡鳳凰曲奏鈞天  
樂烏鵲橋通織女河萬井閭閻春浩蕩六街車馬曉  
坡陀山人素有林泉興來此看明侍從何

段惟德 叅政 河東人

登岳陽樓

群江西來與天平天壤巨浸開洞庭雄吞三湘溢七  
澤中蟠萬古君山青我行持節按廣海驛騎暫駐巴  
陵城巴陵城樓冠天下風軒月戶雲霧屏平生夢想  
今始到危欄乍倚心魂驚初疑太極渾未判日月往  
復凌空明又疑此世墮物外弱水萬里環蓬瀛湖山  
得意有如此况乃佳客聯簪纓金盃浮動玉色酒滿  
懷清思春雲生魚龍愀舞怒濤起眼花落日搖青冥

雅后

七

軒皇廣樂渺遺響芳洲寶瑟愁湘雲丹丘竟何  
許幾欲八表追遐齡孤心未了忠孝願敢念綠髮潛  
凋零聖神一視無遠邇恩風化雨浹四溟尋常嘯聚  
犬豕爾瘴烟一洗霜天清歸鞭咫尺覲慈母細語八  
千山水程孰能閉置若新婦正要磊落肝膽傾飲酣  
拂袖下樓去忽聽過鴈雲邊聲

李齊賢

青州人

鳳不來韶州九成臺作

鳳不來遼東海高臺已荒天未改當時別舜返崑丘

如何一去三千載人間豈無青琅玕孤栖未必天霜  
寒致君堯舜我有術來儀好向宮庭間鳳兮鳳兮今  
當還

張冰溪

總管

贈醫士

秘方肘後愈沉痾診脉端能繼叔和更效叔微積陰  
德不涇種杏滿林多

錢雪界

萬戶

寄隱空兼東詹景仁

雅后一

八



山間初別記詩清笑我何癡老客情社宇聲中思去  
就蝸牛角上計輸贏久知世慮非常道每愧丹經未  
贖盟容我岩前助薪水也將琴劍掛神京

段天祐

汴人

餓祝直青

慷慨豪談髮指冠讀書不作腐儒酸類宮文學多高  
第祖道詞章盡達官著述正宜登玉署敷陳長擬對  
金鑾朔雲燕樹三千里清夜思君崩月團

李兩山

禮部侍郎

番禺人

鬻孫謠

白頭老翁髮垂頰牽孫與客摩孫項翁年八十死無  
恤憐汝孩童困饑饉去年雖旱猶未熟今年飛霜先  
殺菽去年饑饉猶一粥今年饑饉無餘粟客謝老翁  
將孫去淚下如絲不能語零丁老病惟一身獨卧茅  
簷夜深雨夢回猶自誤呼孫縣吏催科正打門

元日

筓班玉立五雲階曾醉天家舞馬盃坐困庾樓分月  
久明從堯殿帶春來洪鈞暖入官橋柳金鼎香傳驛

雅后

九

使梅爆竹一聲春夢曉沉香亭畔牡丹開

上雷御史

臺上棲烏鷓曉寒朱簾雲靜楚天寬星芒搖動龍阿  
劍霜氣橫陳多角冠苦透柏心風力勁清臨梅影雪  
痕乾渾源聞有傳家譜夜露心香借易看

妙高亭

危亭新構客持觴雨浥闌干面面涼煙外好山供水  
墨風前老樹奏笙簧接天淨綠秋江白着地形雲晚  
稻黃駸馬絲鞭歸興逸水晶宮殿桂花香

次韻單徒提舉

百蠻冠帶悉來庭九虎臨關萬雉城漢殿風馳十行  
詔唐藩雷動衆軍聲海涵春育民膏澤雨苑雲行天  
性情聽得老癯扶杖語紫微垣畔泰階平

吳養浩

儒學提舉

饒州人

象山山長岳仲遠美任

象山天下秀中有陸公祠聖道開千載皇天粲二儀  
垣墻空草樹禮貌見尊彝雅有岳山長三年今在茲

祝直清

儒學教授

上饒人

和貫學士月氏王頭飲器歌

單于寶刀寒映雪月氏髑髏飲冤血泥丸真人辭絳  
宮麴生時能醉其骨闕氏夜帳蒲萄香拍拍春霞灑  
秋月賢王起舞谷蠡歌傳動歡呼兩耳熱燈前人影  
半闌殘燈後有燐已明滅持盃本爲澆嶠胡為對  
此傷精魂弓蛇猶能致惑疾智瑤豈是無心人頭顱  
如許當速朽生擒誤入仇家手忍將鳴鏑射頭曼吁  
嗟降王爾何有後來漢使諾水東猶待留犁撓盟酒  
漢時冒頓造響箭殺父頭曼又伐月氏王以頭骨為

飲器漢宣帝遣使以留犁撓酒與胡王盟於諾水之東谷鹿  
表蝨平

二畫

斷岸蒼煙喬木小橋野店村春一曲晚風樵唱脩然  
林下相逢

疊嶂半空懸瀑平林隔岸層臺風雨一川煙浪扁舟  
何處歸來

上官伯圭

安仁人

上秦王伯顏太師右丞相

雅后一

士

今代麒麟第一功勳王師相錫秦封作為霖雨三農  
望旋轉乾坤萬國宗龍虎臺前春盎盎鳳凰池上日  
溶溶曳裾舊是王門客又侍金鑾入九重

祝元美

贊王從義御史

志士身未達端居若無為一朝立清要掃決浮雲披  
王君北方彥絢練丹鳳姿經綸有術業大節能素持  
青驄入南臺白東晨霜飛惟時摠六職百職不敢墮  
鷹鷂擊霄漢鴉獍安得窺苦心在庠序勉勵廉有遺

春秋嚴大祀禮數推毫釐溫然載言笑匪怒伊教之  
青青歌子衿荒穢久不治明公欲振廢恩義當兼施  
吾儒貴補報豈直分寸裨胡為往庶役猥吏今得欺  
以茲失生遂衣冠困塗泥何當復其徯庶使迴澆漓  
神駒一超越駕馬思驅馳芻蕘倘可問風俗期當移  
我生萬山中耕鑿甘自怡奈何苦墮突雞犬不得栖  
遂令布衣士何由食山薇彈冠出岩壑逝拯斯民疲  
浩歌視行雲白日迴精輝明公一攬轡慷慨投茲詩

周鈞山

雅后一

訪劉須溪

西山一簾雨相對在雲邊取履今何代回頭恐是仙  
半生空四海一句可千年歸去龍須下桃花屋角煙

李仲公

安仁人

送洪教授

忠宣盛澤餘孫子分教如今在柳州此心初不異孔  
孟何俗莫可回商周玉堂金馬自茲始九疑三湘因  
得遊蠻客舟車過如織安書時遣到蠟洲

題吳間間齊老堂

齊老齊老人齊老多少世人齊不老史家父母昔齊  
老吳家父母今齊老當年落筆山岳光三百餘年歸  
此堂秋塵如煙隔精彩白髮眼明猶再拜

梁彥中

儒學提舉

公餘

山郭蕭疎似野居公餘經史足相娛雨聲喧寂雲來  
徃嵐色沙深煙有無畏酒久閑頭上帽若吟頻鑷鏡  
中鬚茅亭閑掩無人到卧聽風簷鳥雀呼

春晝

雅后一

溪水搖光動粉牆，雲山倒影蘸吟觴。  
一庭芳樹清陰薄，千尺遊絲白日長。  
風細柳塘鶯語滑，泥融花迳燕飛忙。  
乾坤俯仰窺難盡，花柳無情種種香。

龍門

天險難非禹鑿功，坤靈闢此一何雄。  
翠鋒傍直矗雙棖，峻白浪中穿一闕。  
通萬馬奔崩路，南北兩鰲纏繞日。  
西東神局永壯三都勢，迥壓峻函百二重。

旅懷和孟昌道韻

幽蘭凝露泣如啼，獨愛寒香滿竹扉。  
信口詩成寧見

誤快心事過漸知，非故山路遠音書少。  
小院苔深好客稀，誰慰荒寒一尊酒。  
滿城風雨送春歸。

夏誠中

安仁人

元日

天門啓曙翠煙寒，遙想新年聖體安。  
蠻貊來朝修貢職，臣僚入覲集衣冠。  
香浮蕙砌風初靜，伏對薇垣露欲乾。  
獻賦何年趨近密，金閨通籍未應難。

王秋江

上饒人

次韻周君和

雅正

巖負終風拂老懷陽春那得一枝來  
睚鳩不見周南化豺虎徒興王粲哀  
背冷極思簷外日耳聾難聽地  
中雷翻思飛雪清冷處二十年前共舉盃

禿筆

被褐深居未出林  
摧殘豈信有如今  
拔毛本欲利天下  
禿鬚方知負此心  
老死不歸刀吏手  
平生常得近君簪  
斯文功在終難泯  
月裏東君有好吟

王虛白

上饒人

贈人

邵武王佩傳光甫之未有子也病疫將  
死妻何啻指瀝血請身代夫死以延其  
嗣翌日何卒而光甫活今六十年其子  
好古遵治命遷何柩合葬

淋漓血指疾呼天一篆才通淚徹泉  
厲鬼有靈當兩活史書無愧可千年  
龍津沈水劍重合頭破秦庭璧  
自全勿謂彼蒼無老眼書香一脉一承傳

贈地理人

知君再世挾囊者我亦能知造化情  
好在主人方寸

雅后

十五

地渠家代代有公卿

蔡九思 上饒人

訪太玄天師

飛車擁蓋下三神  
曠視齊州九點塵  
黃石谷城千載意  
翠壺蓬島四時春  
高高海澗丹書遠  
地闢天開紫氣新  
見說桃花紅萬樹  
扁舟來問武陵津

雜興

鬱鬱桑與柘環圍俱  
淒淒采之樂蚕飢復見青滿枝  
廣疇種苗多種之  
恐遲遲蚕婦與老農何嘗一解眉

芳春各載酒競觀群葩  
奇錦衣與稻梁辛苦元不知

又

鸞鵬與騏驥迹遠識者稀  
鶴鶴與鷓鴣或亦摩天飛  
和鳴相上下惜無養由基  
閉門思古人玩物真何為  
聖賢不我欺千載還相期

張伯遠

餞祝直清

朝餐徂林椽夕飲虎窟泉  
幽棲豈不逸於道為未全  
是以少微星含輝麗中天  
雲蘿謝招隱冠帶趨興賢

雅后

十六



魯生贊制作高老安凝然董子述徵驗賈誼明經權  
盛德有遭逢志士無棄捐長貧若忘世一出垂千年  
折救楚山阿賦詩江水邊寂寞思古人中懷為君宣

象山山長岳仲遠美任歸浙

石泉笙磬靜微聞百尺蒼松立在門道學宗風陸夫  
子故家遺澤岳王孫忠臣有後天心定治世無為聖  
教尊官序改遷從此上記曾師友涉淵源

龍共楚清

送孟和鄉平陽尋母

杜羔念母心最苦豈意一朝逢澤潞母驚兒貌似乃  
翁兒抱母啼淚如雨五十孺慕朱壽昌刺血寫經毛  
髮蒼間閔同州晚相見迎侍親輿歸故鄉人生百年  
一彈指母恩未報情曷已團欒樽前舞綵衣大勝世  
間朱與紫子行萬里涉風沙誓不見母不還家兒今  
髮蒼母應老道傍觀者還咨嗟臨川孟氏號雍睦家  
世來此澶淵族婆娑老暮紫荆花料想春風依舊綠

黃伯玉

上饒人

贈相字

雅后一

倉頡紛紜巧思傳多君巧外更玄玄萬形一理推無  
盡試究庖羲未畫前

白仁壽 上饒人

書事

太羹元無味大章本希音音繁入人耳味美適人心  
是以保身難惴惴如臨深百戰苟一失勇氣未足欽  
今若不學古後何法于今

王子東 上饒人

採葉歌

翻雲烏鴉影鬃鬚颯風白燕雙傴僂橫波凝流斂螭  
蛾吳蚕飼餵飢則那十織挽柔剪綠柯六幅暗露侵  
襦絢饗殮薦誤畧隙過蚕飢葉稀寧不瘡千頭萬緒  
豈敢叱終以暖事期絲絃錦帷繡幌相婆婆人情好  
新不厭多倚門刺紋來聽歌載青載黃胡側頗樹間  
耳語慎勿哦萬一出口他人訶纂纂桑葚如鳩何

新春新月

舉頭見新月低頭過新年新年幾回新新月幾度負  
鍊石屑寶功難全娥能竊藥終孤眠夢中蝴蝶飛翩

翩花草何意爭春妍憂祀之憂逐夸顛無情有情憐  
不憐長星不飲酒牽牛不服田東風解織千機錦要  
我來看在雨前

張洪崖神遊圖

洪崖即果老唐玄宗以玉真妃故洪崖  
去之往來長安騎白驃名白雲携五童  
以酒瓢詩卷書囊隨之

開元天子舊相知一笑曾緣降玉妃囊括無言玄自  
得瓢虛有酒醉同歸曉山殘夢清塵遠春圃靈苗白

雪肥回首長安西日外神遊何處片雲飛

和胡梅復白鷗

若爲見月倍思家偶意名禽起句華拂羽增明照縞  
袂綴冠合粲感嬌花朝尋暖草雲連谷夜擁寒坡雪  
載沙只與鶴琴清作伴可能無夢繞烟霞

中秋

青天化作白玉盤捧出七寶玻璃觴姮娥起舞舞太白  
醉如此風流何可忘北斗酌取瓊河漿秋風製就笑  
蓉裳龍吟泓下虎嘯壑誰能着耳聽啼螿

吳遜齋文讓 龍溪縣尹

戊寅雪後和謝提舉韻

鏞城正月雪初霽  
騰得官閑吟嘯中  
萬國山河開壽域  
九霄風日播春融  
竹依柏樹增新翠  
梅與桃花間小紅  
王化盡無偏黨處  
故教冷暖揔相同

新創暖閣謝小山韻

未學淵明去  
惟賢康節多  
人生貴真正  
物育在中和  
待闕聽常選  
隨流創小窩  
靜心無箇事  
得趣付賡歌

蔡舜謨

呈鄧善之巡遊江東道

白日千年天有定  
青冥萬里月無聲  
相期遠大崇明德  
力贊雍熙答聖明

谷方漢杰

雲舒黃道日光輝  
遺逸山林固未宜  
每嘆劉蕡文字美  
獨憐徐樂聘書遲  
艱難適足成吾事  
叢挫何能喪自期  
北極去天無咫尺  
滄溟到海有枝歧

康秋山

留別

雅后

撥灰好共話冬闌莫歎魚魚缺便彈更為梅花留半  
日勝如別後寄來看

吳宜甫 文誼

內齋一所顏曰養正翰

林學士虞郡庵先生作記賦詩一首旦夕

自警

養正深期德日新詩書萬卷友前人自脩已是工程  
定熟讀方知意味真豹尚隱時文欲澤蠖於屈處義  
求仲龜山玩二千年在道脉綿綿一氣春

外齋一所顏曰學思學進士張在中州

判作記賦詩一首旦夕自警

五典三綱與四維鳶飛魚躍貴真知霜前攬實甘回  
味雪裏梅花不受緇家在先儒文獻里生逢

天子聖明時惕然起立晴窓下題作學思學詩

方寒巖

別館

別館數孤蹟無聊謾坐窮長年人事外永夕客懷中  
無酒睡難着有書貧不同衾寒起附火挑撥幾星紅

楊原巖

雅后一

二十一

九日過大勝關宿黃陂小飲

瘦藤高樹鬱荒寒，細路懸崖重險艱。  
征戰幾何餘白骨，鄉閔如此隔青山。  
驛亭帶暝人爭聚，澤國經秋鴈自還。  
滿目黃花一盃酒，人生何地不開顏。

姚江村

大愚寺即事

雷公逐龍度松了，急雨橫穿日脚斜。  
開戶不知渠水滿，一時浸倒玉簪花。

方景山

許龍爲魚兮鼠爲虎，老瞞詐力敢欺天。  
朶頤羊鼎方垂涎，紫髯將軍一攘臂。  
控荆引越三千里，慷慨山東大耳兒。  
南飛烏鵲栖無枝，草廬一語君臣契。  
目中久矣無吳魏，堂堂人義凜石磨。  
靈閣劔閣爭嵯峨，昨夜西南一星落。  
六尺之孤竟誰托，渭水旌旗歸故都。  
江上空存八陣圖，抱膝長歌出師表。  
古柏蒼蒼爲誰老。

皇元風雅卷之一



國家圖書館, NATIONAL CENTRAL LIBRARY, TAIWAN, R.O.C.

後集

皇元風雅卷之二

薛宗海

國子助教

後集

間間真人生朝

天正子月一陽回春入環樞已放梅壽酒淋漓傾九  
醞仙階縹緲接三台函閔昔日青牛渡華表他年白  
鶴來更向何方覓鰲島帝垣東畔是蓬萊

送馬伯庸南祀崧恒淮濱

總章盛金德齊明赫當宁皇皇遣天使肅肅承聖語  
三熏禮岳瀆萬里涉梁楚祝釐歸堯舜降神出申甫



南斗迎文星西風起儀羽樂張洞庭月柿濕湘岸雨  
壯吟鄙騷怨高馳洗塵腐過家猿鶴喜攬轡鴻鴈聚  
青闈閑賢勞黃屋深記注歸騎慎勿徐席虛玉堂署

都城曉起和張漢杰韻

扶桑日射蓬萊頂下視遙都森萬井金門未啓曙光  
寒月落觚稜微有影枕上遊仕夢未回喔喔鄰雞爲  
呼醒知君曉約穀城翁再擬銘功漢鍾鼎杏村天近  
易為春莫厭西齋官獨冷

題劉理之木石

木石山人枕溪曲盡日看山如不足一朝木石真到  
眼昔者寓言今實錄何年老楠生長空山中枯根入  
地蟠蛟龍嵌竇玲瓏削蒼壁宛如當年蘇老之三峰  
浪齧沙沿歲時久豈知竟落漁人手漁人好飲君好  
竒馱入君家博升斗君不見嗜石相國李與牛不惜  
千金購羅搜豈知山人奄有一丘壑只費平原五督  
郵

鹽車圖

車焯焯石徑犖確輪欲摧疲牛分寸挽莫前前車後

車相逐來大府城門倚天開  
群山雪深白皚皚  
卒夫鞭牛凍墮指轉輸號令如風雷  
官中委積等塵土  
黔黎膏血無復回  
君不見明時屢散粟與帛  
桃林之牛亦悠哉  
不知何代盡此景  
我自一見令心哀

和鄭應奉雜詩

茫茫穹壤間環溪大州九壯游不及辰  
坐待迫蒲柳窮通付分定  
達識當順受但願薰風詩在在  
民物阜一瓢安菽水吾計亦良厚

當年東山翁笑傲聊永日  
弓旌一朝下萬里赴星駟

回頭故山友十見秋柏實  
歲歲東觀中大書黑如漆  
想見日暮歸沙輕馬蹄疾

淳風散已久青黃陋窪樽  
婉孌爭媚好役智空自昏  
豈知葛天民無言道  
彌敦我有白雲操  
冷冷寄桐孫調古識者寡  
幽探萬化源

驅車涉遠道日晏不知疲  
一見嵩華高始覺  
岑樓卑吾道麗天壤  
昭昭匪難知  
千金買刀圭但為方士欺  
羸糧往問道去結汗漫期

志士方盛時危冠怒衝髮  
猛心石為開壯氣山可拔

安知橫江鯨中路  
蝼蟻狎所以巢  
居子商歌竟不輟  
歌竟寂無言  
坐聽天籟發

宦遊夢入槐  
宴坐肘生柳  
出處亦何常  
臨歧一分手  
光陰不可翫  
歲月坂丸走  
軒裳百年間  
竹帛千載後  
未願堅素心  
舊學安敢負

夜歸

有客有客胡未歸  
長安三見秋葉飛  
警霜老鶴夜不寐  
弔月孤鴈寒無依  
紛紛北里厭梁肉  
落落西山甘巖薇  
人生窮達各有命  
何須中夜泣牛衣

畫馬

世上駑駘眩  
凡目祇今誰識馬  
中龍昂頭振鬣長鳴  
處似向秋風  
訢未逢

九月晦日

九月晦日終夜雨  
酒醒無處着閑愁  
起聞更張有明詔  
實與萬民同戚休

今年年豐谷差賤  
白米應飽翳桑夫  
飛蝗是處有遺孽  
未省臘前能雪無

黃晉卿 同知

晉卞將軍墓

江左失其御強臣布中區歡娛一以乖狂獠無超超  
黃屋播草野彤廷交劔殊事樞始誰秉捧首如奔狐  
偉茲百世士死與二子俱孤忠耿未昧足以孚豚魚  
義旗果東指白日開天衢孰最撥亂功之人或其徒  
伊昔大雅廢語言鄙文儒禾黍已橫委衣冠尚舒徐  
屹然見砥柱獨障狂瀾趨大節固如此捐金乃其餘  
青簡煥遺烈蒼榛闕幽墟日夕悲次多天高年運徂  
世方用翫散猶將愧玄虛江濤渺在望雪涕空漣洳

送俞美之判官暨陽

苧羅山前碧溪水花顏王貌今誰是祇見操觚道上  
兒骨束枯柴髮垂耳周家忠厚及草木忍令赤地連  
千里夜飛天一遣緹屏想見春風下車始憶昔君侯  
年少初力全季母甘捐軀麻鞋上殿衣見時歸來束  
帶懸銀魚頗聞尔曹久待哺熒熒萬目同睚眦晨食  
秣馬赴所主 上冢無躊躇念君自是醫國手看  
活群兒如活母平生本草閱已熟野葛山榆尚何取  
若為箋天乞借材盡躡東土歸仁壽鄙夫不用畎畝

憂但為作歌貽不朽

金陵懷古

五雲零落渺天涯  
陳迹蒼茫日自斜  
畫用已吹邊塞曲  
紅藍新長內園花  
可憐遺老埋黃壤  
曾倚春風望翠華  
好在北山猿與鶴  
依然同住舊烟霞

偶成

歷歷謀營度眼明  
獨楮高枕數殘更  
薄遊已倦新彈鋏  
舊業猶餘未棄檠  
一雨近晴初月色  
兩虫專夜故秋聲  
情知三十非年少  
已覺人間有後生

陪仇先生登石頭城

談笑逢諸老  
登臨失故亭  
薄遊成汗漫  
高步覺矜竝  
江近通淮碧  
山遙入楚青  
平生一盃酒  
及此慰飄零

有感

橘柚青黃照眼垂  
秋風籬落自紛披  
頗聞玉食登蠻果  
不獨涪州有荔枝

劉蕡祠堂

劉君古遺直  
祠堂在丘園  
嗟此豪俠窟  
文雄歛孤騫  
平生二三策  
匪徼明主恩  
瑣瑣談得失  
無乃市井言

憑高一長望苦壓車馬喧微風過疎雨青山滿前軒  
陰晴歛異態浮雲實無根悠悠千載心去去無復論

居庸関

連山東北趨中斷忽如鑿萬古爭一門天險不可薄  
聖人大無外善閑非挺鑰車行已方軌関吏迭擊柝  
居民動成市廬井互聯絡幽翁白雲聚石磴清泉落  
地雖臨要衝俗乃近淳朴政須記桃源不必銘劍閣  
僕夫跼謂我無為久淹泊山川豈不好但恐風雨惡

榆林

崇崇道旁土云是古長城却尋長城窟飲馬水不腥  
斯人亦何幸生時属休明向來邊陲地今見風塵清  
禾黍被行路牛羊散郊坰儒臣忝載筆  
帝力猗難名

槍竿嶺

憶昔賜第歸吾母適初度蹉跎歲年晚今辰在中路  
居人誇其慶游子慙叱馭茲山稱最高揚鞭入烟霧  
直巔直巔多峭峰蒙蒙饒襟樹崎嶇共攀援躑躅頻返顧  
陳情未成表登高詎能賦獨憐柔乾水遠向盧溝去

李老谷

緣崖一逕微入谷雙掩窄密林日易曛况乃雲雨積  
行人望烟火客舍依山色家僮為張燈野老煩避席  
未覺風俗殊祇驚閩河隔嚴程不可緩子規勿勸客

赤城

鷄鳴秣吾馬晚飯山中行何以慰旅懷赤城有嘉名  
灘長石萋萋樹細風冷冷時見岩壁間粲若丹沙明  
溫泉發其陽撫訶勤百竇前峰指金閣真境標珠庭  
白道人跡稀青崖雲氣生信美無少留緬焉起予情

龍門

竦身望龍門緩轡何兀兀溪迴愁屢度雨橫驚暴溢  
兩崖儼相向百水怒爭出人言馬上郎快意每多失  
自非渥洼種不得矜捷疾飄飄蟣蝨臣凜凜龜鼉窟  
皇

覆冒利涉用終吉迴睨向所經千障隱朝日

獨石

紆黃流中蕩滴後來未渠央君子宜戰栗  
解鞍及亭午稍欣烟霧收蒼然衆山出歷歷如雕鎔  
前瞻一石獨竄官居上頭頗聞去年夏水激龍騰湫

走避登屋山半夜齊呀咻幸茲溪澗中今作清淺流  
宴安不可懷變化成難求翠華渺在望行矣無淹留

李陵臺

日暮官道邊上室容小憩漢將安在哉荒臺猶彷彿  
低回為之久懷古增歔歎長風吹曠野飛雨千里至  
蕭條蒼山根草木餘爽氣嘗憐司馬公予集多深意  
奏對實至情論錄存大義史臣司述作遺則敢失墜

上都分院

晨興過桓州旭日生蒼涼舉頭見觚稜金碧何魏煌

洪河貫其前青山環四傍莫從玉堂署鼇峰屹中央  
升階對閣老官燭分餘光琴瑟森在側談笑來清觴  
在列無所為陳詩詠黃唐  
帝鄉豈不樂父母不得將起視雲漢低垂星爛寒芒  
南飛有冥鴻邈哉天際翔

檐子窪

自從始出關數日走厓谷迢迢度偏嶺險盡平水陸  
坡陀皆土山高下紛起伏連天暗豈草不復見林木  
行人烟際來牛羊雨中牧颯然衣裳單咫尺異寒燠



竚立方有懷相逢乃問俗畏途宜疾驅更傍灤河宿  
金陵送人歸豫章

已覺栖遲懶曳裾可能為我強躊躇一帆秋色紅塵  
外千里江關白鴈初建鄴水清誰共飲潯陽潮斷定  
無魚黃金未盡紅顏在莫種桃花學隱居

李垣之

紈扇行

誰家玉貌蒙清霏手揮紈扇臨東池瀟湘搖波月弄  
影碧波疑見湘江妃淚痕竹上猶未減一尺冰紈萬

愁結風吹翠袖卷寒煙汗入紅肌凝素雪深閨無人  
涼氣早輕薄恩情易衰老昔隨胡蝶上春衣今逐流  
螢向秋草不見班姬染翰時空遺漢宮題扇詩千年  
怨墨已流落一天霜露沾人衣

高將軍白鷄歌

淮西猛士高將軍新護驍禽被涼素調之弗顧情未  
狎跨馬臂出城東去征鴻作字雲邊斜聳身直上誰  
能遮天寒日暮望不見北風萬里吹瑤花雲飛忽斷  
鴻飛却短草長煙際沙漠但餘孤色搖清秋未許織

毫生碧落歸來珎衛不解鞚親手餽肉供飢喉英雄  
過合固有分可惜驚塵俱白頭

姑蘇臺

吳王宴罷歌臺晚斜日清江映闌檻臺上西施醉捧  
心江邊東越愁甯膽鴟夷畏尸去不還麋鹿散迹遊  
其間秋深明月照高樹驚鳥啼落丹楓寒功名獨羨  
陶朱子一葉扁舟弄雲水

范葯莊

杭州人

燕山聞鶻

燕山三月初三夜聽得啼鶻第一聲同是小樓孤燭  
下主人睡熟客心驚

胡石塘

永康人

題崔錄事女真驄馬圖

天恩洽騎十二閑短策不知行路難漠漠空川望不  
盡電光掣過須臾間蹄高高屈汗溝出駿骨隱隱隆  
於山窟泉沙草不得足勞多食薄心知慚十年甕牖  
間書瑟展卷見圖真太息女真年少面如盤華屋平  
生隔風日青驄肉破擁尻睢黃金校具褒纓拂三品

芻豆空自多行見火花繞銅歷

題秋江喚渡

道旁木葉如渥丹歸急不知行路難青嶂碧溪自喚  
渡蹇驢破帽西風寒裹頭長須甚德色肩輕不借有  
餘力人間塵土深復深謹勿重賦招隱吟

贈相士黃電目

憶昔待詔金馬門方伎雜還車蓋繁黃生蔡子寂絕  
出高堂不奈笙歌誼廬陵老翁才五尺盱母江頭眼  
空碧相人豈不二子如秋風夜雨歸無宅長身博士

老一簞臯比那博儒生酸人生榮華無足夢桃笙竹  
枕長闌干黃翁勿嘆無家苦葦屋連雲更何補蜀莊  
一日不百錢炳炳幽光二十年

題風雨漁舟圖

細柳新蒲春已滿飄風急雨浪如顛漁人若解忘魚  
意繫却扁舟卧碧烟

戴祖禹 越人

天馬圖歌

月支天馬難再得誰向君家貌真蹟駿毛皎潔骨肉

勻駮駢驂留散同色當時超逸真絕倫皎如玉龍下  
天門朝馳駿坂飛匹練莫浴深淵浮赤雲四蹄飽踏  
咸陽月滿身猶帶燕山雪只愁玄霧閉神姿未許清  
塵汙汗血飄然却立精神聚想見落筆驚風雨他年  
開匣君勿驚照室神光夜飛去

鄧牧心 杭州人

贈友人

我在越君在吳携書邀我遊西湖我還吳君適越遙  
隔三江共明月明月可望佳人參差與君携手西湖

上相思空誦停雲詩知君去掃嚴陵墓祇把清樽酌  
黃土浮雲茫茫江水深感慨空勞吊今古孤山山下  
見陳實連騎東來踏春色湖邊千樹花正繁莫待春  
風吹雪白有酒如澆有肉如陵鼓趙瑟彈秦箏與君  
長醉不用醒何必千秋萬歲名

倪元鎮 蘇州人

聽袁子方彈琴

蕙帳凝夕清高堂流月明芳琴發綺席列坐散煩纓  
迴翔別鵠意縹緲孤鸞鳴一寫冰霜操掩抑寄餘情

雅后二

三

與張真居雲林館燕集分韻得春字

青苔網庭除曠然無俗塵依微樵路接曲密農圃隣  
鳴禽已變夏踈花尚駐春坐對盈樽酒欣從心所親

春日雲林齋居

臨池春流駛掃地夕陰滿正襟水道言超遙坐溪館  
嵐嶺當書榻煩襟一舒散靡靡松華黃逐逐雲氣煖  
石梁青苔合於馬人跡斷故非與世疏冥棲遂忘返

寄懷鄭徵士

谷口子真今最賢久別鬱鬱夢相牽好營秫田多釀

酒欲買茅屋尚無錢兄病每書賒藥券客來唯候煮  
茶煙闔閭城東有艇子憶爾青燈相對眠

送別甘允從一首

來尋墨沼雲林下共愛女蘿緣石牀喚人鸚鵡語猶  
澁當戶枇杷子半黃奉橘定應題百顆籠鵝即可寫  
千行蘭亭書法人間少好去山陰汎野航

奉懷張外史

陰壑慘慘綠苔生碧雲亭亭多遠情松杉鶴去轉蕭  
瑟洲渚花落自縱橫從君下榻住半日看我鼓柁出

雅后二

十四

層城洞口菌巢無恙不定應閉閣著書成

次韻薩天錫寄張外史

谷口路微山木合濕衣空翠不曾晴  
飢猿攀檻為人立寒犬疏林如豹聲  
小閣秋深聽雨卧長空日出采芝行  
道心得失已無夢沐髮朝真候五更

陳剛中

天台人

中書大丞相安公延說四書因以詩呈

帶礪家聲耀八寰中書獨壓紫薇班  
捧持日月祥雲上洗滌山河湛露間  
絲竹正歌淇澳美赤松聊伴穀

城間聖門別有經綸事更對青燈話孔顏

交趾使還

少年偶此請長纓命落南州一羽輕  
萬里上林無鴈到三更函谷有鷄鳴  
金戈影裏丹心苦銅鼓聲中白髮生  
已喜歸來身健在夢回猶覺瘴魂驚

出承天門

又騎官馬過中原袖有芝泥詔墨痕  
嶺海孤臣天咫尺五雲回首是都門

開平郎事

雅后二

天開地闢帝王州  
河朔風雲拱上游  
鵬影遠盤青海  
月鴈聲斜度黑山  
秋龍岡上遶三千  
陌月殿香飄十  
二樓莫笑青衫窮  
太史御爐曾見袞龍浮

金陵

六代帝王州  
寒煙蒲石頭  
星河天北轉  
江漢水東流  
步絡金蓮雨  
歌殘玉樹秋  
白頭有漁者  
猶說景陽樓

鄂渚晚眺

黃鶴樓前木葉黃  
白雲飛盡鴈茫茫  
櫓聲搖月歸巫  
峽燈影隨潮過  
漢陽庾令有塵汗  
簡冊禰生無土蓋

文章闌干只有當年柳  
留與行人記武昌

鳳凰臺

鳳凰臺上野鳥啼  
笳鼓連雲日又西  
天地無情潮寂寞  
英雄有恨黍高低  
殘桁夜雨迷朱雀  
荒塚秋風怨白鷄  
空有斷碑蒼蘚裏  
千年留得謫仙題

銅雀臺

古臺百尺生野蒿  
昔誰築此當涂高  
上有三千金步  
搖滿陵松栢圍  
鳳綃西飛燕子東  
伯勞塵間泉下路  
迢迢龍帳銀箏紫  
檀槽怨入漳河翻  
夜濤人生過眼

草上露白骨何由見歌舞獨不念漢家長陵一杯土  
玉匣珠襦鎖秋雨

吳宮子夜歌

紫貝樓闕鬱金香暖雲七十紅鴛鴦玉蟬笑擁霞銷  
裳星河不墮宮漏長綠樽灑灑麟髓泣露重花寒秋  
不濕斂歌一聲起雪濤海龍夾陛如人立誰知淺瀕  
娥半掃中有殘螢滿愁沼越兵曉踏西風來碧波一  
夜芙蓉老

居庸関

車稜稜石确确車聲彭彭闢石角馬蹄蹴石石欲落  
不知何年鬼斧鑿僅與青天通一握上有藤束萬仞  
之崖下有泉噴千仞之壑大行羊腸蜀劍閣身熱頭  
痛懸度索一夫當関萬夫却未必有此奇巖岨  
吾皇神聖混地絡烽火不紅停夜柝但有地險今猶  
昨我扶瘦筇且倦脚欲叩往事雲漠漠平沙風起鳴  
凍雀

神州八景

太液秋風

雅后二



一鏡拭開秋萬頃，碧天倒浸琉璃影。寒飈夜捲雪波去，貝闕珠宮黛光冷。三千歌棹搖綠烟，濕鬢吹墮黃金蟬。琪樹颼颼紅鯉躍，袞龍正宴瑤池仙。

瓊華春陰

一峰亭亭湧寒玉，露花不墜瑤草綠。珠樓千尺漢星間，天風吹下笙韶曲。萬年枝上榭葉滿，小鸞張張遶龍管。金棍曉御翠華來，三十六宮碧雲暖。

居庸疊翠

斷崖萬仞如削鉄，烏飛不度蒼石裂。嵯岬枯木無碧

柯，六月大陰飛急雪。寒沙茫茫幽閑道，駱駝夜吼黃雲老。征鴈一聲起長空，風吹草低山月小。

金臺夕照

危坡十二青雲梯，老樹偃伏猶躬圭。長裾已曳星辰去，殘陽猶掛盧溝西。召南六百年宗社，一日黃金重天下。精躔寶氣夜不收，又見斷霞明朔野。

盧溝曉月

長橋彎彎卧海鯨，河水不濺冰崢嶸。遠鷄數聲燈火杳，殘蟾猶映長庚橫。道上征車鐸聲急，霜花如錢馬

鬣濕忽驚沙際金影搖白鷗飛下黃蘆立

四山晴雪

凍雀無聲庭檜響冰花洒簷大如掌平明起視岩壑  
間挿天瓊瑤一千丈夕陽微漏光嵯峨倚欄更覺爽  
氣多雲衡落葉有徑杏想見樵叟猶青蓑

玉泉垂虹

雪波碧擁千崖高落花點點浮寒瑤日斜忽有五彩  
氣飛上太空橫作橋古寺殘鍾谷鈴語回首前村猶  
急雨輕綃欲翦一幅秋又逐西風過南浦

薊門飛雨

黑雲如鴉漲川谷雷湧電躍風折木半天萬點捲海  
來森森映地如銀竹鳳城無數笙歌樓珠簾半捲西  
山秋誰知羈客家萬里一燈正擁寒衾愁

李鶴田

廬陵人

雪中寄友

石角雲層道路難黑風三日晝漫漫吟筇直指西湖  
柳合與梅花共此寒

趙青山

廬陵人

銅雀臺

朝望西陵墓夕望西陵墓望望不復歸月朝人十五  
月朝十五可奈何更對空幃作歌舞銅雀昂然飛不  
去當時美人髮垂素我生不如陵上樹年年樹根穿  
入土

歐陽伯恭

廬陵人

題蘇武李陵泣別圖

祈連山前箭如雨渤海海邊羝不乳同是肝腸十九  
年白髮君歸朝故主臣心有血一斗許亦欲隨君歸  
釁鼓五千健兒五千母臣若獨歸魂魄苦空將老淚  
寄君歸歸拜茂陵墳上土

劉起潛

送黃脩末之武夷杜清碧學

眼中塵土政昏昏華蓋風高翠入雲一代風流超晉  
宋百年禮樂寄河汾波寬好看魚龍化天遠空憐鴈  
鷺群亦有平生觀海意出門萬里獨慚君

鶴

延頸池邊照影遲花明柳淨思依依年深色重丹砂

頂日暖光浮白雪衣晴月夢回三島去看雲思上九霄飛玉簫聲斷秋宵冷應有仙人憶未歸

燕

萬里來從海外村定巢時聽語頻頻簾風半捲重門曉社雨初晴二月春尾上係詩成往事掌中學舞是前身華堂茅屋依然坐幾處相逢舊主人

吳正傳

秋懷

江南木葉飛江北百草黃風煙澹莽蒼悵望川途長

雜詠十首

反哺烏曰慈食母梟名惡如烏莫如梟人心當自覺

又

馬舞睨祿山猴朝識朱溫人豈不若獸變故輒負恩

又

鷓鴣奮雲霄尺鷃棲野草物各適其天夫豈論大小

又

蜂房開戶牖蟻穴有官守究竟物皆然夢幻君知否

又

雅堂

小哉蠻觸戰鄙甚蛙黷怒達人能大觀本以和平故

又

瑞世鳳鳴陽司晨雞鳴丑叟取人憎亂蟬合緘口

又

蚕蠶每利人蛛網偏害物利害夏不同其間僅絲忽

又

猿啼不窺窓牛馴常露地伏虎與降龍此理元無二

又

解牛中肯綮相馬外驪黃從知得三昧意到形自忘

又

蟻封罅隙地蛙井咫尺天那能致廣大此道誰爲傳

皇元風雅卷之二



國家圖書館, NATIONAL CENTRAL LIBRARY, TAIWAN, R.O.C.

後集

皇元風雅卷之三

王蘭思 宣慰

後集

題武夷九曲圖

一曲溪邊一曲仙  
權歌遺響有誰傳  
西風吹入無聲  
盡來上江東子靜船

朱本初

盜發亞父塚

戲馬臺前范增塚  
英風千載行人竦  
塚中寶氣騰光  
芒識寶賈胡心為動  
築室潛謀二十年  
一朝鑿井穿

雅后三

一

其壑畚鍤繞深四十尺乃有石盤青籠從四旁牂牁  
大十圍各施九十森環拱石穿棺翼更分明漆光可  
鑑剛而鞏斲之不用揮金椎白骨儼然金頂踵寶劍  
未化橫蒼虬金玉輝耀氣交擁賈胡致富須臾間棄  
骨溝中寧愧恐平原無色鼓角悲山鬼夜號川澤涌  
太守陳公英俊才慨歎姦偷吾所統亟呼五百取羣  
盜械置狴犴見仁勇傷哉亞父天下奇鴻門高會  
真危機火龍飛起實天意拔劍起舞空爾為風雲變  
化失隆準玉斗一碎山河非如公明義古亦少發憤

乃作彭城歸六合茫茫漢疆土厚葬何人誠可嗤君  
不見驪山牧豎遺燼酷不如王孫裸葬良亦足

### 查廣居

汲汲歲年徂慘慘冰霜厲君子不遑舍明發戒行李  
南臺雄且高國家所仗倚辟掾無凡材今子足稱是  
諤諤鋤姦貪軒軒懾悍鷙風俗歸之正郡邑得以治  
御史不敢爭簡書豈非議擣空狐狸穴動有鷹隼氣  
仕宦等一擲名節在萬世皇皇吾君業正朔越裳被  
今歲一再赦求言弭災異况子得言秋盍體堯舜意



吾師范德機每與論茲事露坐山月高撫劍各流涕  
我本滄浪人鼓枻從此始

### 二銀女祠

銀冶二女祠撫州之金溪其家姓葛氏無字年未笄  
羞顏不出戶婉孌守禮儀在唐寶曆歲其父爲胥吏官  
家起銀場日夜遭箠楚勤紅問父苦玉頰啼珠雨父  
命斯苟活誓以死相許禽獸尚知義報父寧無心投  
身入銀冶遂化成白金郡縣驚且嘆奏名上朝端下  
詔罷爐冶雞犬皆平安已經五百歲歷歷人猶傳荒

祠俯流水像設還儼然世間盡兒女此事誰能爾緹  
縈曹娥去未有堪倫比可比惟皇英雙魂抱煩冤至  
今湘江竹出土含淚痕

### 孝子行

豐城廖孝子至元十九年鄉冠大作子  
負母冒刃逃及靖孝養終身與江革不  
殊惜無史書之捐翰林近題其墓曰有  
元純孝廖某之墓又為作文刻石虞學  
士書之

豐城昔在至元歲寇賊紛紛亂如鬼是時廖生抱母  
行不死白刃天有情固知至願天必感母子全活見  
太平廖生雖死猶未死徃徃遺民言此事有如江革  
遭亂離負母逃潛經險阻情詞惻惻賊捨之孝德還  
堪耀今古烏乎薄俗獯獍同墓上請看純孝字

田師孟

分韻

清明與省郎毛潛夫杜孝先周內翰景  
達元樞密復初儒生虞德生會飲分韻

得復字呈秋泉功遠二仙伯

冠袍裹身厭拘束惜春只覺光陰蹙雪融波面綠痕  
添風着花枝亂紅菽杜陵才子本茅屋十年省署叨  
粟肉芝檢番香白晝晴時尋勝友相追逐毛君古丈  
夫內翰五車讀元子真英豪文華過潘陸德生味道  
餘腴閉門樂幽獨漫郎潦倒雙鬢秃志在酒船三百  
斛相逢一笑宇宙間羽觴未盡還再復醉中更約二  
仙人共訪赤松叅辟谷

黃君瑞

雅后三

蕨萁歌

信州州官萬鍾粟殺馬槌牛日絲竹信州鄉民蕨作  
糧三月懷飢聚頭哭蕨萁開葉不可食蕨根有粉聊  
鉏鏡偏攻性冷損胃氣民面生黃苦樵悴縣不申聞  
郡不知官中有米重封閉重封閉將若何衆人歌我  
蕨萁歎九莖莫唱靈芝歌

雙燕吟

雙燕雙雙飛更復雙雙栖穿花掠水雙啣泥簷前緝  
壘雙哺兒春風一雙至秋風一雙歸念爾雙不得故

巢須獨依莫學人妻朝亡其夫暮嫁之莫學人夫暮  
亡其妻朝

酒

麴蘖生春出小槽幾人耽酣日陶陶笑吞鸚鵡杯中  
月貧典鸛鷓花下袍內府蠟傳紅琥珀西京秋壓紫  
葡萄杜康儀狄今安在回首丘陵半是糟

送信州守

龍池水暎碧鱗香池上韶欽舞鳳凰玉節引班天咫  
尺信州太守奏農桑

送琴士歸杭

雲中歌斷紫芝歌，不奈周君欲去何。  
十里湖山好明月，却憐隨處醉人多。

康里巖

題釣臺

子陵才業高千古，當使君王入夢思。  
漢祖規模只如此，惜哉堯舜不同時。

送高中丞南臺

鸚鵡州邊明月鳳凰臺，上清風人物江上。  
兩絕才高

不為時容

張天師

太乙子

灤京八景

鳳閣朝陽

開圃行都重朔城，大安高閣煥鴻名。  
中天旭霽昭黃道，萬象春熙拱

帝京瑞露氣浮仙掌，動文星光挹泰階。  
平朝元羽佩輝蟬，冕長振琳琅侍

玉清

龍岡晴雪

陰山積雪亘春秋霽景玲瓏燦十州  
玉展畫屏當黼  
宸翠凝香霧繞龍樓吟懷煖動鼠鬚筆酒力寒輕狐  
白裘清暑年年動游幸冰壺六月坐垂旒

勅勒西風

勅勒連營意氣豪西風沙漠靜驚濤  
皂鷗背影翻金  
鏑赤驥騰空頓紫條入夜胡歌諧  
算策蚤時新酒壓  
葡萄旃廬處處人長樂萬里雲屯雪自高

烏桓夕照

烏桓列部拱提封落照千山返映紅  
遠樹參差連塞  
北斷霞明滅際遼東牛羊下夕群  
屯霧鷹隼橫秋勢  
掠風亦有隱淪懷濟世何時歸獵載非熊

灤江曉月

灤江曉月漾玻璃皓景沉沉碧海西  
監牧平沙時洗  
馬趣朝青鎖政聞鷄鍾聲破霧騰珠  
剝橋影垂虹枕  
玉溪夙德詞臣勞扈從恩承紫誥又春泥

松林夜雨

百萬蒼虬幾雪霜夜深和雨激滄浪  
秦金賜爵總東

岱漢玉搜才負柏梁劔戟森嚴堅歲暮佩環鏘奏際  
時良千年琥珀應流地服餌身輕久帝鄉

天山秋獮

駕幸天山校獵場夜嚴精騎裹糒糧鷹鞞脫臂高橫  
塞雉箭穿雲急解囊豈但薦毛供俎豆要知閱武固  
金湯斂圍賜宴千軍醉駝背累毛揔兕羊

陵臺晚眺

李陵行處莽平原祇見荒臺思愴然野日斷鴻空送  
晚塞雲歸鶴不知年千重牙帳開周後萬里長城啟

漢前雅調蚤傳來魏闕賡歌尚擬頌堯天

薛玄卿

送文郎中奉使交趾

天子龍飛統萬邦玉符封檢下殊方遠人盡是雕題  
奉使惟應粉署郎翡翠飛時銅柱濕鷓鴣啼處石  
門荒炎風苦雨煩珍重萋葉檳榔取次嘗

次韻歐陽檢閱濠池觀荷

行行濠池上亭亭見長荷瓊葩艷初日碧芰卷輕波  
深蒲曉色亂微雨晚香多方舟時自移高軒或來過

豈無河朔飲聊復發高歌高歌一慷慨此物奈君何

楚宿山簡虞博士王待制

迢迢楚宿山峯巒何崔嵬朝登猛虎嘯莫宿玄猿哀  
高風四面發花草為誰開傳聞章皇帝此地昔徘徊  
龍駕竟不返浮雲空往來秀色九天外巨靈不敢摧  
飄搖散襟帶覽結何悠哉

宋顯父秘書惠海子北門之什次韻答之

得君佳句見君情春半閑從海上行紅杏啼鶯沙苑  
遠綠楊嘶馬漢堤平玉山地勢連雙闕金水河流注

夾城萬乘以仁懷遠邇遊觀宜着魯諸生

燕栗總管玩芳亭子

栗氏林亭好飄飄借馬游藥闌當戶密花徑近城幽  
未許朝參懶聊為逸興留使君行樂處風物為春柔

送陳都事銓選雲南兼簡李廉訪

送君銓選使滇池部落諸夷善品題明月先經夔子  
北長風却度夜郎西山涵塞雨驂騑滑花壓蠻雲杜  
宇啼為問霜臺李廉訪白頭官蒲尚羈栖

送朱本初之玉隆宮

雅后三

九

西山紫翠簇芙蓉師住逍遙第一峰  
慎勿挽弓思射鹿祇須鑄鉄學降龍  
閑穿曉月鋤靈藥醉拂秋風卧古松  
應憶京華舊遊處蓬萊坊畔五雲重

高遠堂

數椽茅屋雲中出一抹青山坐上看  
讀罷黃庭春雨後刺桐花落鳥聲寒

贈聶尊師

青山寂寂雨瀟瀟一箇長松翠欲飄  
白髮道人年八十小樓閒坐說前朝

游張公洞簡常守劉道中

赤烏二載發靈竒空洞深沉道路危  
翠竇下攢山瀑落紫岩中廓石膏垂鉄船通海時難遇金鼎調元事  
可期祇恐使君同變化白螺來往少人知

張一無

寄薛玄卿

上界真人金馬貴山中道士草衣輕  
一彈指頃三千劫何日蓬萊問淺清

黃松瀑



自麻仙至華架道中作

三步五步歇六日七日晴豈不念我歸春色相送迎  
前宵社酒散行將及清明紅紫小零落嚶嚶相和鳴  
叢薄山礬花玩之有餘馨亦欲寄所思歸鴻已宵征  
悠悠不可極惻惻難為情荒荒誰與語脉脉曳杖行

飯山道院

萬鍾鼎食不到我正自不必西山餓飯山雲氣如炊  
煙三滄而返腸果然臨川丞相有素願何處獨無魚  
羹飯勸君飯客先飯窮往往乞丐皆英雄

題高麗五明馬

不動閨梁通虬髯使者來吳中名騅額間掛明月  
四蹄猶帶龍堆雪仰秣不受田家芻太官之羊五  
味俱賢才萬里不難致糠粃不充盱老矣

次韻謝新荔

海國仙人剪絳霞年年一朵到山家眼中玉色如何  
晏席上風流得孟嘉野客不分唐殿帶老臣并按建  
溪茶醉來往事都休問且擘輕紅對晚花

寒食客中

明朝便典黑貂裘寒食寧無數日留煙斷舊嘗悲介  
子火衰今不祀高丘百年盡付風吹柳一雨遠隨山  
入樓安有五侯鯖到我自修茶品試香篝

黑梅

去年曾訪林君復烟水蒼茫鶴未歸不似對君橫小  
幅一枝和雪照柴扉

客語

舊時供奉曲歌者亦無人但感歲年晚不知天地春  
客猶談寶慶吾亦及咸淳何處楊花過飛來點角巾

午日

世故一炊黍吾生百鍊銅客情傷髮白醒眼對榴紅  
遠岫冥冥雨踈衣細細風欲論千古恨不見楚南公

于仲元

度車庸閨思親

車庸之閨高嵯峨霜乾水淺寒無波大風捲沙聚作  
嶺大車碾斷深成河高女蹋歌喫馬乳胡兒行鼓槌  
駱駝斜陽駐馬一回首故鄉萬里秋雲多

危太樸

臨川人

雅后三

十二

暮冬

種稻南谷口凶歲困倉虛晚值老農語出口三嘻吁  
幸有高亢田種麥給群需有麥且勿憂無麥將焉如

又

昔謂屋谷底其俗異黃農浪迹城府歸却愛淳樸風  
獵夫不射鴈云與兄弟同羽毛豈知道天理諒無終

徐人歌

季子有劍秋水色徐君見之惜不得徐君墓上荒草  
寒季子解劍掛樹間一死一生見交義嗟哉延陵吳

季子

楊季

豫章人

晚憩澗北亭

我性喜消散東園時獨行高亭俯絕澗下有流泉聲  
秀木翳繁蔭朱華散微馨踟躕澹忘歸夕露沾我纓  
人生忽如寄何乃苦營營優游在空谷飲水有餘情

夏日山中讀書

翳翳嘉木陰結廬三四椽南風五月中日夕聞鳴蟬  
居閒復奚為涵泳聖人言時於會心處掩卷自欣然

送別留伯章歸省時留方悼亡故并致其意  
斗酒酌未盡離人去匆匆歸心逐海月飛遶香爐峰  
峰前綠蘿樹下有五畝宮上堂壽尊親手把黃金鍾  
入室獨無依風吹羅幔空雖有兩小妾顏色如花紅  
不敵伉儷情虛為天冶容人生百年內哀樂本無窮  
自非曠士懷寧免勞其中心堅抱節義行止慎其躬  
贈言匪諧誕勗爾保令終

包泚川 淮

幽居

雲作交游山作賓道心為主自安貧柴荆無鑰見同  
物竹帛有名終累人綠水一潭澄靜性青山萬疊裹  
閒身紛紛望拜馬蹄下不見胸中萬斛塵

七夕

欲理凌波踏造舟不知蒲架勝蒙鳩漢陰抱瓮蒼顏  
老不上今宵乞巧樓

謾成

三春胡蝶誰云夢六月蒼蠅詎可憎未怪康衢中有  
虎每疑太極裏無僧

雅后三

十四

周德可 蘭溪人

送衣篇

長城萬里飛秋沙  
弓馬夜驚雪作花  
龍泉吐光射天地  
是妾掩鏡夫辭家  
此時惜別方壯年  
年年花發園中煙  
征鴻無書日苦短  
牛女夜夜銀河邊  
萬瓦欲霜楓似綺  
親送寒衣數千里  
匣鸞顧影鳳孤飛  
山過望夫道  
湘水湘水無情漾  
白波望夫山石浮  
青螺長途行處意  
慘愴誰家嬌女終  
夜歌衛霍功高尤  
黷武善馬未歸羝  
不乳閨河回首路  
迢遙愁雲西山水  
南浦

夕陽孤館停征軺  
一身百慮雙涕交  
中宵無人語聲絕  
風吹燭短山月高

寄遠

邊風驚枕簟  
漢月耿房帷  
何處懷人切  
停梭見鴈時  
寒生衣莫寄  
瘦盡鏡先知  
願子長努力  
效忠歸未遲

陳敬齋

呈蔡府判

東風一夜拂清寰  
如許文明治象還  
萬古乾坤一東魯  
七閩日月兩西山  
寒梅寂寂春華麗  
喬木森森古

意閒獨奏瑤琴生客恨有誰隔月聽潺湲

舞劍歌

曉騎白鶴入滄海手携青龍浴寒水昔負河圖天地  
文或變或化疑神鬼始對雙鸞出林垞終與孤鶴翔  
風墜翩翩又在瑤池間戲與群仙買歡醉青龍顧我  
浩氣疲欲假明月橫波睡我亦假之一霎間徑然飛  
去天牛間千呼萬喚不肯下且吐風雨飛漫漫

呈方達齋

端平諫臣心似鉄忠肝落紙天地悅羅浮山下種梅

花獨倚西窓看晴雪古來老鳳生鸞兒錦雲兩翼星  
斗披朝浴春風芹藻池夜眠涼月槐杏枝君不見丹  
山一溪水化作春陽時雨飛千門教渴不苦早木草  
潤澤生華輝方達齋真吾師薰風吹我面臯比免使  
青燈照雨思

舒元易

聖節詩

樂奏雲門金闕高春風汎酒入蒲萄九重天上尊堯  
舜萬歲聲中拜禹臯仁藹乾坤知帝業明同日月見

秋毫願推大道為  
君壽不用瑤池薦海桃

僕世南

贈墨士

魚胞萬杵成玄玉應是柯仙得妙傳  
鉄硯毛錐為密友何時海上別回仙

王玄翰

南山有猛虎

南山有猛虎欲以赤手屠山下一老人見謂爾甚愚

衝冠與裂背所詫乃匹夫古來功名士遐攬王伯圖  
幾先非快意道遠慎前謨奈此謬其逢試之誠已疏  
奇中或偶然再往類難虞丈夫雖賭命慷慨易長途  
苟無金石堅何以當變偷苟無忠誠心何以涉崎嶇  
斯言願三復斂衽愧弗如吾行庸可驚聊取一笑娛  
且盡飲斗酒長揖歸衡廬

高况梅

擬古

楚人有和氏懷寶空待價玉石苟未分胡事哭長夜

人生豈不辰物物該造化賢哉荷篠翁託身以耕稼

張南臯

贈丹士

天地爐中有大丹朝飛東海莫西山一年三百六十  
粒十粒輕拋去不還

危琴樂

送芳潤葉道士

二十四岩凌紫清琪花瑤草日初晴抱琴曾侍群仙  
宴記得鈞天一兩聲

韓中村

鴻門宴

花膺綉膊怕抹額勇士如門森劔戟沛公對酒顏如  
灰主人重瞳光照席重瞳座上身如寄卮酒未吞心  
已醉醉酣不辨真天人百萬貔貅眼中睡春融玉帳  
香風開嗚嗚帳下箏琶哀目前等作萬口計軍聲四  
面歡如雷沛公唯喏非無意袖中暗挈秦天地此時  
可想聽得異四面軍聲皆漢騎

征婦歎

雅后三

六



虎頭將軍眼如電領兵夜渡黃河面良人腰懸大羽  
箭遼東掠地遼西戰一紙紅牋寄春怨十年消息無  
歸便日長花柳暗庭院斜倚粧樓倦針線心憶良人  
嗔不見手擲金彈打雙燕無術平戎報明主恨身不  
是奇男子倘妾當年未嫁夫請學明妃獻西虜

### 岳王墓

妖星墮地芒角赤龍劍悲吼風簫瑟中原王氣挽不  
回將軍一死鴻光擲秦家小兒真戲劇播弄造化搖  
樞極指讎為親忠且逆隻手上遮天眼力九閔茫茫

隔天日無由下燭臣愚直臣愚萬死不足惜國恥未  
滿猶憤激古墳埋冤血空碧風雨年年土花蝕我恐  
精忠理不得白日英魂土中泣請將衰骨斲出荒苔  
痕獻作吾皇補天石

### 對月吟

霜風捲地霜氣乾碧空照水生晴寒天公合就七寶  
團何年轉向玻璃盤婆婆桂樹籠仙窟夜夜飛得海  
上出遂使時光挽不留盡向婆婆影中沒幾人綠髮  
紅顏好照見顏衰髮應槁年去年來無盡時政恐月

中人亦老客，寔見月空沉。  
吟碧紗如霧，愁人心燭花。  
撲散香滿襟，下階踏碎梧桐陰。

憶去年

江湖渺渺白鷗前，歸路春風憶去年。  
細雨孤燈村店夢，冷煙殘雪落梅天。  
驛行多避官人馬，水宿怕逢網吏船。  
行李半肩吟卷重，過津恐索稅詩錢。

況肩吾 縣尹

題梅卷

牡丹池館鬧春殘，多少詩人彼眼瞞。  
我有癯仙最知

已一枝留與雪中看

呂元卿

晚宿郎官湖

半煙半雨樹扶疎，畫出元暉水墨圖。  
最是一天秋月白，不隨魚課入官湖。

月夜洞庭舟中陪九江茶漕五哥同知宴  
酒邊索詩遂賦

朔風扇鬢向君山，歲晚霜華為改顏。  
吟望滄浪湘水遠，醉歌款乃洞庭寬。  
那能袖劍遊蓬島，何似乘槎訪

廣寒莫道岳陽無醉客洞賓元只在人間

陳小庭

大孤山至湖口

大孤大孤何渺茫小孤誰說嫁彭郎鞋山對面四十  
里屹立宛在湖中央行轉清江過湖口波濤如此今  
何有天公助我半帆風江神勸汝一盃酒

章養吾

次韻徐可齋嘉禾馬上見寄

世事悠悠兩鬢塵始知今古一郵亭草廬春動吾猶

懶蕙帳寒生子獨醒萬里關河秋鴈斷十年書劍夜  
澄青東風又是離愁處芳草萋萋白鷺汀

許存我

次韻吳叔廉山村回文

田繞青山好住家短籬疎圃接上麻烟村遠近棲鴉  
亂竹岸高低飛鷺斜泉噴石間岩湧雪霧浮堤外柳  
吹花連雲碧色秋風冷眠犢黃昏草長芽

劉恭叔

夜坐江亭

雅后三

五

明月出林杪大風吹漸高軒窗墮圭壁竹樹起波濤  
隣笛悲歡併江鴻去住勞倚欄惆悵久霜露濕綈袍

城中至日

我道何曾長城中獨重冬酒殺分市卒冠履祝家公  
日晷空江見梅花亂世逢故鄉還往在筋力愧兒童

葉干林

送李石泉

風雪令人瘦閑河怕酒醒過橋春水綠送客晚山青  
君馬已先發我舟猶暫停臨分耿無語江上雨冥冥

葉天趣

孟明

章貢

感寓

顏曾志道德汲汲思競辰盜跖膾人肝白首甘惡人  
是非兩忘羊萬古同埃塵何如盡棄置宴坐觀日輪  
風吹紫藤花菽菽沾衣巾興發自一盃陶然泰和春

秋夜和韻

西風何處來鼻觀古香發夜深耿無寐踏破松窓月  
美人期不至跂望雙背裂一掬可憐心青燈照愁絕

皇元風雅卷之三



國家圖書館, NATIONAL CENTRAL LIBRARY, TAIWAN, R.O.C.

後集

皇元風雅卷之四

四愛題詠

虞伯生

江東葉凱翁至京師訪予芝亭之上適予謁告得數  
見焉見其雅適而端慎介不違於和易不苟於汎知  
其為孔老通家之佳士也又從知其能以道行交神  
明致風雨則其素守可知已間出書一卷袖中則故  
宋遺士詹府僉程國錄為其先人成甫氏所著四愛  
堂詩文也所謂四愛者陶淵明愛菊周茂叔愛蓮又

後集

附益以林逋仙之梅黃魯直之蘭者也並植此物於庭戶之間而尚友四君子言將同其愛者焉故曰四愛云耳又有所謂半隱者成甫之長子元翁隱於是而求先志焉言半者以其半待凱翁也凱翁言出山游四方非有世俗之求也願得見名士大夫如秦華黃河者得一言以詠四愛焉亦所以報父兄也欲為之序引云夫愛出於仁者也仁者天地生物之心也人以天地生物之心為心則玩夫生物之理而見天地之心焉亦無所不愛也而所愛亦豈徒然哉即一

物之生而知其與道為體也其樂烏可已哉是故思有以成其愛而非私也我之培之煦之潤之附益其不及而防閑遠去其為害者皆其事也古之君子因物以致寓其意焉非溺情於形質之偏也姑以周子愛蓮之說論之竊意夫日用彝倫之間飲食男女之欲同行而異情者非出於淤泥而不染者乎明睿洞照安行無為而不矜詫以索隱行恠者非所謂濯清漣而不妖者乎不蔓不枝者純一不雜之謂也亭亭淨植者中立不倚之謂也此其所以為可愛者乎

推是言也餘二子之意就其所詣安有流連光景之  
患乎葉君隱居辟地其必有得於此若夫善頌則在  
能賦者云蜀人虞集敘至順癸酉二月八日

吳宗師

方今文采重 奎章光照芝山四愛堂梅蘂春融冰  
雪界蓮花晚靜水雲鄉湘累往矣蘭為佩陶令悠然  
菊泛觴千古高風猶一日迢迢歸夢楚江長

馬伯庸

幽蘭有真性佳菊有至節娟娟出水蓮露下玉洗白

杲杲空谷梅歲晏立冰雪屬愛在君子畜之以為德

至順癸酉四月十三日

侍講伯生老友 子邀

予賦詩媿不能工姑此以塞命也祖常再拜

馬公辭翰妙天下凱翁珍藏之 集

高新甫

愛菊隱逸情愛蓮清潔志愛梅違世俗愛蘭絕世累  
性愛固有殊亦各在適意偉哉四君子趣同而世異  
人品有定論寓物盡高致遼遼千載下孰能遵道義  
葉公達尚友所愛兼其四猗與後來人先志慎勿墜



太玄天師

彭澤以節高春陵以道鳴  
雙井詩之雄西湖隱而清  
因其有所愛希賢動吾  
知君子堂貴實不貴名

太乙子

東籬秋色淨芳沼  
曉華滋雪落清澗  
曲風生楚江濱  
幽景尚依然  
高懷邈難追  
道人繼芳躅  
千載有餘思  
老屋四五椽  
草徑臨清池  
四時各代謝  
芬芳常在茲  
勗哉著令德  
永與古人期

真紫清

十畝烟霞曲徑深  
四時佳興足幽尋  
菊芳梅綻清詩  
骨蘭秀蓮香肅道  
心半隱肯堂嚴  
繼志百年喬木易  
成陰通家自有全  
書在閑倚南窓聽  
玉琴

歐陽

葉凱翁來京師受知吳宗師  
又為名公鄉所愛禮  
得四愛堂詩甚富此行真不虛也  
為賦五絕  
亭亭淨植自中通  
千古知心太極翁  
幾度廬山看明月  
玉簪浮出白龍宮

右濂翁愛蓮

粲口中央色不偏風霜搖落義熙年男兒一種剛腸  
味不讓隆中老子先

右淵明愛菊

紛紛桃李下成蹊騎馬山人聽曉雞如此暗香相慰  
藉微書猶到六橋西

右君復愛梅

幹少花濃雨露深政緣猶有市朝心豫章太史春秋  
筆不遺山王預竹林

右魯直愛蘭

涪陵翁解識春陵薛映何如刺史弘葉氏堂中知尚  
友不緣花有愛和憎

右葉氏四愛堂廬陵歐陽玄

揭曼碩

蓮菊梅蘭共一堂父兄弟愛無忘對花便擬書徵  
士學道唯求接素王孝友家傳人所羨橫斜句好興  
偏長百年心賞千年意一種風流四種香

王倫徒

原有梅分隲有蘭君子之愛何幽閑陟崔嵬兮履潺

溪胡不歸樂山之間 岸有菊兮渚有蓮君子之愛  
何清妍雜佩有贈勿弃捐胡不歸兮樂歲年 瓊臺  
石室何威夷親之所愛子所思托根后土深且滋春  
雨秋露無已時

王士點

予所愛兮崇蘭植之兮堂間思夫君兮山谷紉翠佩  
兮雜青綸蘭兮歌兮日在山欲從之兮不得閑 予  
所愛兮脩蓮植之兮堂前思夫君兮濂之水濯冠纓  
兮叩漁舫蓮馨富兮水泥烟欲從之兮不我賢 予

所愛兮秋菊植之兮堂澳思夫君兮柴桑巾漉酒兮  
杯生馥菊英黃兮江波縮欲從之兮不我復 予所  
愛兮湘梅植之兮堂隈思夫君兮澗之湖吟清淺兮  
句容栽梅枿素兮雪飛埃欲從之兮勿予猜

謝草池

梅蘭蓮菊各爭誇風月平章屬大家四愛堂前親手  
種乾坤生意四時花

詹厚齋

友人葉成雨世家永豐梅林而松溪元真丙申動適

彼樂郊之想慕孟氏三遷之風徙居睦樂池頭相攸  
幽勝結廬三間竹樹茂美一池灌園手植梅蘭蓮菊  
又取濂溪淵明和靖山谷諸老之說揭中堂榜曰四  
愛以寄四時雅興清矣哉且以永日且以盡年有以  
自老矣而數僅中壽二子元翁凱翁皆恂恂善與人  
交凱遊方之外元好脩而文於屋東偏闢小室號半  
隱面脩竹竹外車馬憧憧而囂塵不到清琴橫床儒  
書堆案不矜名不眩能其世家而大之者余每過  
之喜其有隱者趣為之賦小詩

四愛名堂名匪誇梅蘭蓮菊當傳家誰知半隱琴書  
趣出色堂前四愛花

程登庸

元翁出詹同舍所為四愛堂詩正有契於予懷去年  
夏予訪詹山道過焉愛其顯而隱駐車縱步者久之  
意元翁仙是未遠也今乃知經始於成甫而元翁復  
闢半隱以居琴書於是更肯堂矣蘭蓮菊梅分四時  
而專美合一堂而集芳受乾坤清氣者夫誰不愛然  
父愛之子不翦之者已鮮况推其所以愛者而隱焉

又充所以愛其身者以顯其父母焉吾知元翁之愛不徒在是而九原有知所以愛其子孫者又甚於愛是四者矣是則蘭在庭階尤宜若夫春秋之異其時山川之異其種湯佩之異其用說雖不同義同一隱至若實與蓮同一夏葉與菊同一秋色與梅同一冬又有無時而不春者先四愛亦宜然則上堂如有見也出戶如有聞也人知元翁之愛未必知元翁之思也既以是諗來者其季吾徒也又以是勉之

吳月灣

梅蘭蓮菊儲天地之清氣洩山澤之幽芳春秋冬夏各專其一時之美露生之物以臭味見取於人者未能或之先也孟方王君示余以詹山老先生所為葉氏半隱四愛堂記雋永數四筆芳墨潤灑溢頰舌間但覺四物之美並萃於一朝而忘其為草英木華之迭出於四時也蓋昔之鍾是愛者吾聞其人矣屈子之於蘭也淵明之於菊也茂叔和靖之於蓮也梅也匪徒愛之而已其人品實似之故以蘭配屈以菊配淵明蓮配茂叔梅配和靖人莫得而易之者世之稱是

四物而是四賢也已可不言而喻矣是豈偶然者哉  
且四賢之愛是物也亦各取其一耳而今也以四愛  
名堂取四賢之所取者兼而有之不已奉乎是殆不  
然詩云高山仰止景行行止愛以四言則四時之間  
見是物也如見四賢焉聞其風而興起所以自處者  
必有在矣徒愛云乎哉抑其以半隱名者得非欲沐  
蘭之芳翫蓮之潔而徘徊菊梅之間也歟孟方其為  
我質之詹山延祐庚申至後同郡吳存敬書

彭孟老

老人與成甫葉君友甚稔予亦從侍次識之今去之  
十二年而兩家子弟復胥會於榮山慨二父之不復  
作具出四愛堂詩求和予為之掩卷涕零因次韻以  
志二氏之感云免胄宗風衆共誇當時二父許通家  
重來四愛人何在淚濕斯堂幾度花

李進齋

喜怒哀懼愛惡欲人之情性之發也夫愛七者之一  
耳而好尚於是乎觀之愛其所當愛者天理之公衆  
人之所同也友是則人欲之私一己所獨而已葉君

成甫植蘭蓮菊梅於庭以四愛扁其所居之堂以為  
四時之可愛者莫是若終其身不渝元翁之愛之視  
成甫益加既久築室於堂之東曰半隱其意若曰是  
隱者所愛也則能繼其先君子之志豈特同乎衆人  
而已哉然而草木外物也內而禮義之悅心有甚於  
愛是四者即其外以信其內則無一物不在所愛之  
中矣元翁心醇而氣清進之於道則由愛親以愛人  
愛人而愛物知所差等夫孰非性情之體用乎行矣  
堂且顯而隱不終於隱亦半之謂也元翁勉之葉氏

世家梅林於予為同里今所居曰睦樂已一再仙予  
因記之亦以寓問并之愛云爾至治辛酉孟冬李晉  
敬書

李綱齋

余曩歲與里中元翁葉公游君數數為予言吾先人  
成軒之遷居睦樂也林木蒼蔚屋廬靖深環植梅蘭  
蓮菊取前賢題詠揭諸壁扁堂曰四愛以為游息之  
所地偏心遠庶幾乎古逸民之風焉予盍為我記之  
余適走東西未暇也越一紀返吾故而元翁已謝世

矣追念舊游如夢而覺元翁恨不可作記其可以不  
作乎余惟天地以生物爲心而人與物得之以爲心  
是以善觀物者知物之理無以異夫天之理也故觀  
穀種可以識仁心觀牕草可以驗生意視葉君之愛  
同一機耳愛屬仁仁非天地之心乎以吾之心體物  
之心而天地之心可見矣所愛其不在茲乎或曰草  
木之可愛者蕃矣四者之愛抑豈有所擇歟曰非也  
夫人之心靜躁不同嗜好亦異故悅紛華者必朝市  
奔競之流甘澹泊者必山林遺逸之士譬諸草木吾

臭味也世固有愛牡丹而誇國色者矣愛海棠而羨  
紅粧者矣甚者碾綉轂而縱春游燒銀燭而酣夜飲  
者矣彼之所愛不已淺乎吾恐物交物引之而已矣  
人欲肆天理安在哉必也滋之以九畹而吊湘纍之  
孤忠採之於東篱而慕處士之清節誦淨植之說吟  
香影之詩又若親炙濂溪之旁而徘徊孤山之下也  
同前脩於千載萃四愛於一堂目擊而道存心領而  
神悟吾之所愛不已深乎所得不已多乎若曰天之  
生材必有所爲言其體不及其用可乎胡不即是四



者而觀之蓋浴湯可以事神飲水可以延壽或分甘而念母或調鼎而相君用耶非耶是猶一念之愛擴而充反而求由親親而民物無二本也用舍聽之於天吾無所容吾力而天之所以與我者可不知所自愛乎元翁之子可順好學而多藝是理也其知之矣今以季父凱翁命來速記且曰愿無忘先君之好故樂告之亦以寓余掛劍之意云至順辛未歲七月既望里人李燦記

朱訥山

成軒葉君捨梅林故家而三遷睦樂池頭結廬退隱蒔蘭種蓮栽菊插梅以取四時生香不斷之意桂子蘭孫又能繼志述事誠可嘉尚敬步詹山高韵繕寫呈似幸恕其率文炳載拜

相傳清白事非誇翁季同心有幾家  
賸喜生香香不斷蘭蓮梅菊四時花

幽香淨植總堪誇老圃秋容別一家  
雪後暗香吟興遠故林還有幾株花

梅野詩序

雅后四

虞伯生

近代揚補之作梅自負清瘦有持入 德壽宮者內  
中頗不便於逸興謂曰村梅補因自題曰奉勅村梅  
集嘗見故家有藏徐熙墨杏花者用筆員潤有篆籀  
法亦恨揚不能知此也今鑿書博士丹丘生忽用此  
法寫生大快人意存渾厚之意於清真去衰陋之氣  
為纖弱所以為佳也譬如少陵繁花晴昊之雄壯視  
昏月淺水為如何耶樂平鍊師葉凱翁舊號野梅予  
曰以野標梅未足盡梅之趣以梅名野庶乎廣莫之

風請更曰梅野而以丹丘之畫冠之永作證據使錢  
塘臨江二君聞余此論猶當俛首歎伏也虞集書  
昔結絲絢侍

帝宸青鞋今許向江津憑君先對梅花說白髮相看  
意更親 初凱翁先欲南還欲僕作詩送行而僕  
今先有行 色故為題此為它日一笑之資也

詹厚齋

江路夢初回猶疑香是雪野意正微茫疎影寒牕月

貞山民

陳雲岫愛騎馱

君不學少陵騎馱京華春一生旅食長悲辛又不學  
浪仙騎馱長安市淒涼落葉秋風裏却學雪中騎馱  
孟浩然冷濕吟鞚敲吟鞭梅花溪上日來徃身迺懶  
散人中仙有時清霜松下路松風蕭々馱耳豎據鞍  
傲兀四無人牧子騎牛相爾汝勸君勸君但騎馱行  
路穩姑徐徐九折畏途鞭快馬年來曾覆幾人車

江學庭

同知盱江人

送人上京

天上吟仙笑相覓松間坐客飯青精真遊不知白日  
晚身世相與浮雲輕冥冥落花啼鳥靜窅窅風磴寒  
泉鳴丈夫邂逅志萬里滄浪水清宜濯纓

揭希章

經歷

題雙虹橋

雙虹鎖湖湖水長影搖洞庭吞三湘霜飛八月橘柚  
熟我欲打船聞水香晴天晚照過湖曲歷歷遠樹波  
茫茫客中有懷不得盡無人同上三高堂

許伯昭 縣丞

雅后四

十四

荷花

艷態繁粧似六郎  
汗泥不染豈尋常  
西湖十里今非昔  
笙歌有異香

相者玉鑑

石中求玉誰之玉  
鑑上無塵知幾塵  
除却江東雲谷子  
眼高四海許何人

謝南窓 縣尹

送人北上

風雲萬里思帝鄉  
匣劍夜夜飛神光  
山林歲月負疇

昔鷄鳴裏飯挑書囊  
我觀蔡君自竒士  
玉壺冰壑清如此  
終然未泄磊落胸  
朝朝問道川江水  
川江水暖飛舸輕  
黃河九曲長淮清  
古人成敗生眼底  
莫為感慨牽閒情  
黃金臺上需賢急  
行矣去作新豐客  
當今太平十二策  
他年語我須歷歷

黃朴齋 縣丞

酬趙倅鷗渚

時秋望河漢二氣相循環  
姹女嫁紫車千秋方生顏  
生顏一何好身與浮雲間  
入宴東華臺出遊蓬萊山

振衣徃從之杳渺不可攀  
貽我金玉章化此鉄石頑  
長懷學道人紫氣占函關

幽居

幽居無別事野興足清歡  
置石妨書案移花傍藥欄  
蔽門松老大夾徑竹平安  
自與兒童語從來耐歲寒

周老山

和蓮渠貧女吟

妾無千丈繩  
獲九任渠犇  
妾無一星金  
竹筍空長存  
孤灯耿寒績  
一春不出門  
母家今何在  
血染雙啼痕

雖然貧不嫁  
嫁了那忍言  
古來惟玉奴  
不肯負東昏  
嗟哉市門倚  
父母豈不思

懷友

里陌依稀故友廬  
一生一死竟何如  
煙荒樹影誰留  
劍秋老蘆花不寄書  
數點斜陽鴉載犢  
一拳秋水鷺  
窺魚世間何事非  
蕉鹿天地無情可奈何

平山來盱

平山先生桃源隱  
君子也不見數年矣  
少微一星忽見盱  
壘比爭先觀之出處

語嘿有道存焉小子何足以知之德公  
不出城亦必有以也

人住桃源意自春蓬萊弱水渺無塵擬隨陶令尋歸  
路却訝龐公肯入城水吊晉題應有句碑捫唐刻豈  
無情太原漁者無勞問盡識神仙真姓名

贈數者吳洪範

先天妙筭泄河圖天後精微寄洛書獨在明夷說箕  
子聖人微意果何如  
宇宙由來歷幾秋感寒偏在五更頭後來誰有天津

耳每到斜陽怕上樓

酬李鶴雲

江城寒寂歷菊欲為誰秋夢裏閨河隔愁邊歲月流  
翩翩雲外鶴泛泛水中鷗何限斜陽樹無題莫上樓

曾德厚

水底梅

虛明元不累形骸花信仍須日月催雲母帳空玄鶴  
怨珊瑚枕卧老龍猜壽陽宮女凌波襪白水真人玉  
鏡臺悟得一般清意味振衣長嘯步莓苔

題耕隱

堯舜吾君堯舜民一犁新雨一簑雲  
灑陵山上齊眉者歲歲春風欲獻芹

周梅邊

贈墨梅子

我家丹霞梅一枝玉為骨似水為肌  
平生不受霜雪欺世上塵土那能縑  
此花自是天上奇君能點染起補之  
筆挾造化梅不知相逢一笑添一癡  
春風滿意桃李蹊豈復顧此寒與微  
庭前夜雨春漏遲一聲山

外聞子規

周溪邊

贛撫州章萬戶

盱江相去無百里我聞公名誼兩耳  
聞名十載猶未面便似未曾來擬覘  
一來邂逅及五峰人言我盍一見公  
公之勲名宣宇宙文武全才今未有  
章公得象是相家異時公亦堂宣麻  
我來見公無他事為公欲求四大字  
區區蓋頭一把茅正如鷓鴣深林之一  
巢又如窮僧貧道寧思餓却向齋堂  
敷床展席施粥常

蒲座喜公筆墨妙更精須公大書特書大姓名為吾  
四溪寒熱傳千載之芳馨臨川自昔有墨池善書無  
過王羲之羲之但能作小楷今公字畫又更大我來  
一見萬戶候識公便是韓荊州軍中既有百萬之貌  
貅門下豈無三千珠履之英游長歌歌已語未休問  
公還能一為握髮不

周幕溪

岳陽樓

乘風來叩洞庭君送我樓心慰日聞水憤荆湘江欲

合天冷吳楚地曾分千帆過雨紅搖日一島撐空翠  
擁雲歲月悠悠閒獨倚若為憂樂話希文

黃誠性

讀文山集

三百餘年樂育恩晚從科目得斯人崎嶇嶺海期延  
國零落擅毛萬死身諸葛未亡猶有漢包胥欲泣更  
無秦挑燈慷慨歌梁甫鬢髮蕭森恠鬼神

傅東郊

缺環歌

雅后四



傳言京使舟次漢陽次日扼泥挽不起  
聚賈舟起之得鉄鎖長莫可紀於是鎔  
作數百鑲懼而復投之水或曰吾王作  
此鎖江也楊廷秀得一鑲以示予異甚  
索歌誌之

楊君手執一鑲鉄異事驚傳向人說橫江鉄鎖是何  
年千古沉淪共魚鰲抗津扼險尚豪勢無乃當時謀  
計拙想當爐冶鍛鍊時一國生靈走炎熱火燄連空  
氣吐雲此鎖得完農器缺益州刺史龍驤東火冷烟

銷吾已滅英雄有恨在天地淚入江河流不竭蓬萊  
使者都水衡夜泊漢陽江上月挽船欲去不可起條  
聚千艘同撇捩馮夷震懼蛟蜃驚千丈連鑲中斷絕  
重如金石鏗有聲猶帶吳人舊精血天教尤物出人  
世豈誠奸邪毋僭竊古今聖化開隆平四海車馬同  
軌轍君從何處得有此直欲珊瑚随手裂紫金白璧  
世所珍往往貪恠作妖孽願將此鉄示兒孫滄海揚  
塵須共閱不然化作莫耶精斬取長橋蛟百截

山行

雅后四

二十

松老崖空樹欲傾，緩吟微步荅新晴。  
春深雨過花如夢，風暖鶯回樹有聲。  
縹緲蓉城雲作戶，依稀緱嶺鶴吹笙。  
惟應眼底皆詩句，一夜推敲直到明。

和荅兆五姪

青年那似尔，白髮已尋余。  
負郭耕無畝，傳家業有書。  
士貧天理定，老病世情踈。  
雅得陳元諒，時能問索居。

次韻果岩琴碁書畫四美人圖

宮槐葉暗午風清，閒弄瑤琴寄此情。  
祇恐閑睂風已變，調哀絃促不成聲。

沉機默默對枰棋，妙着絨情有所思。  
誰信華清當局者，峨眉風急馬行遲。

李氏夫人信筆揮書名，千古出中閨。  
盈盈錦上回文字，不有詩人為品題。

玉軸輕輕卷復舒，內中名畫世間無。  
可憐山店兒啼夜，不似文姬別虜圖。

黃季羸

候張伯陽州判不至奉寄

海風吹散樵山雪，洒向瑤臺照明月。  
因之欲訪三蓬

萊望斷雙鷺翠煙滅

且持寶劍窮南溟片帆飛度遙山青幽尋丹碧採芝  
草松風竹露春冷冷江邊忽遇蟾宮客江草江花盡  
相識東風一笑訪驂鸞三十六峰總春色峰顛孤鶴  
飛且鳴徘徊似欲難為情雲深林暝杳莫辨時時照  
影臨溪清我時感此生幽趣笑折瑤華寄仙侶白鷗  
飛去猶未來門掩青山正風雨

登幔亭有懷杜清碧先生浙遊

幔亭高聳碧天寒杖屨躋攀香靄間澗竹吟風將雨

過岩花笑目伴雲間遙怜浙水生離思獨立閩山想  
別顏極目會稽何處是孤峰落日水潺潺

劉叔遠

寄黃士謙

放歌出東林思弄川上雪清風吹湖波驚散波上月  
美人載美酒舉棹搖秋霜把酒勸青天青天忽盈觴  
揚帆掛白雲鷗鷺同飛揚歌罷一長笑忽然江水長  
懷君不可見流恨滿瀟湘

熊澗谷

雅后四

二十三

木綿歌

秋陽收盡枝頭露，烘綻青囊翻白絮。田婦携籃採得歸，渾家指作機中布。大兒來覓襦，小兒來覓袴。半擬償私債，半擬輸官府。竹籠旋着活火薰，露虫母子走紛紛。尺鉄碾出瑤空雪，一弓彈破秋江雲。中虛外泛搓成索，晝夜踏車聲落落。車聲才冷，催上機治作誰人身上衣。小女背面臨風泣，憶曾隨母園中拾。

覽鏡

鏡是何年鑄，我是何年生。朝朝長見面，相對如弟兄。

昔年照我時，如弟顏色好。今年照我時，如兄顏色老。願鏡團團光，皓皓兄弟百年永相保。昨日一須白，今日一須白。次第白盡白盡，何須摘人頗笑衰朽。我自謂奇特，賴有古鏡知。元不拒老色，却思父母恩。對此空歎息。

秋日江村

短短竹篙三五家，獨樹作橋橫淺沙。山頭昨夜雨初過，秋水一寸茨茹花。

皇元風雅卷之四



國家圖書館, NATIONAL CENTRAL LIBRARY, TAIWAN, R.O.C.

後集

皇元風雅卷之五

字木魯

翰林學士

後集

題周益公墨跡

今觀益公帖老氣肅鋒鋷孫氏青氈永宜開寶墨堂  
丞相裁書蒼布衣慙懃辭翰總珠璣秋風吹落蒼松  
樹二百年來此道非

題周益公谷孫履齋帖

孫義方壽慶堂

誰似孫家鶴髮親昇平重見至元春主兒不必公侯

雅后五

一

貴日聚詩書福縉紳

理伯容 江西憲掾

餞陳中山

沙羨一樽酒別我同年兄同清更同苦春曉都門行  
南樓又相識即別難爲情浩浩長江流恐聽陽關聲

甘恪

餞理伯容赴江西憲掾

朝辭江漢水暮宿匡廬山番易匡廬下中有蛟龍閔  
龍若閱世久風飄司徒還理子賢良資鬼神敢有奸

逍遙十二仙遲去聲子湖之顏高高肅政臺去去登  
清班坐觀黃鵠起邈焉不可扳端逢縻處士文酒樂  
餘閒

陳是若

餞伯容

南浦秋高蒲世黃驄馬行行之豫章渥洼神骨特奇  
俊龍沙勁氣故蒼茫貂蟬入直月未曉獬豸當途劔  
倍光人材已是科名得送君猶自望文昌

劉孟暉

雅后五

二

錢伯容

沿檄東行玉節光  
匡廬雙劍照寒芒  
文星移次傍南  
斗楚水餘波及豫章  
白簡明分千里月  
清標氣肅九  
秋霜斯文幸託蘇  
天庇泮水春融芹藻香

劉夢羲

錢伯容

白髮重遊漢水濱  
夔桐幸遇按絃人  
詩書潛翫篋瓢  
樂山水清幽戲筆新  
天霽蟾宮高獨步  
霜寒栢府寂  
無塵一樽好共南樓月  
別棹西江浩蕩春

張小山

四明人

次韻酸齋君山行

蜀江湘流合千里  
中有蒼崖壓秋水  
仙人金冠坐鉄  
船反披紫裘初醉起  
小龍二女相從遊  
眉山低壓青  
黛羞寄書不通  
雙淚流三十六宮  
明月秋花邊問袖  
玉堂手老來頓覺  
嫦娥醜岳陽樓下  
喚開門神仙幾  
年曾醉否扶雲老  
鶴去不還青青一  
點天涯山

天劍歌

將軍躍馬來南荒  
腰間古劍白練光  
鷓鴣塗香魑魅



泣寒芒熠熠勾陳蒼龍髯高釘珠堂月玉華曾拂樓  
蘭雪爲君盡斬奸臣頭天狗三更下舐血

章伯亮

雲南人

次韻唐佐自京庠歸觀

天邊清湛如璜水筆底生春多秀士摩空三百六十  
字準擬明年獻  
天子西江千樹梅正花家人祝鵲催還家愧我汗青  
頭欲白夢到雲南與天北

行路難

奉君七寶鳳凰之綉柱五色麒麟之錦囊王母九霞  
觴中之酒秦女萬縷爐中之香去年紅花今年開昨  
日紅顏今日老一生三萬六千日歡日願多愁日少  
對吳歌看楚舞歌舞匆匆變今古歸去來莫行路

拜帖穆余

唐兀氏

溪山春曉

興來無事上幽亭雨過郊園一片春路失前山雲氣  
重帆收遠浦客舟停笛笙野館二三曲燈燭林垞四  
五星坐久不堪聞杜宇東風吹我酒初醒

雅后五

四

趙由儕

述祖詩

悠悠我祖始于軒丘既歷高陽秩秩大猷爰自伯益  
舜錫早旂中衍事高造父御周征彼徐方能熊有功  
邑于趙城大河之東建氏晉國耿先其封成宣喻日  
長夏愛冬岸賈作難嬰白立孤襄子始大常山得符  
於赫烈戾懋建丕圖肅矣武靈兆配有虞西漢子都  
生長河間暨于唐末令族居燕卜遷大梁世系縣縣  
厚德豐功宜永其傳中羅多難南歷江沱眷焉吾宗

豐水居多百川有源泉條有柯庸修家牒克俾無訛  
固予伯仲憂患多更瞻嘆古烈自怜其生其生豈偶  
三辰垂精德業未進敢不戰兢我心伊何常念厥初  
感彼霜露愴然躊躇奉先如在宗戚相於亦有謏草  
高堂可娛惟忠惟孝立身有本嗟爾後進勗哉自勉  
萬有能銷斯道無泯温恭朝夕云胡不謹顯親揚名  
俾昌俾熾善保家聲期于勿替尚念前人留心譜系  
受天之慶遠及苗裔

臨川吳先生讀之而嘆曰純粹忠厚自德性流出

油然冲和之意真古人之詩也蓋其有本是以若  
此又曰中山年少於吾吾不敢以友命之也奉定  
甲子十月十九日國子司業蜀郡虞集書

思親詩

愚讀魯齋許文正公七月望日思親詩  
因見其天理沛然自胸襟流出永感者  
聞之必增其悲具慶偏侍者繇此寧不  
加敬自思兄弟往年當喪亂之餘不幸  
失怙藉慈母教養成入真昊天罔極之

恩也輒推廣其意而述五言古詩一篇  
五十二句以紀平居之懷納之書藏將  
示後人俾知所自云爾庚戌歲二月望  
日中山居士趙由儕識

一自先君逝行將四十春音容尋舊夢感慨試詳陳  
已歎生緣淺還思故國屯吳江悲血戰粵嶠困車麟  
共吒艱危甚尤驚賦斂頻朔風吹廣野赤日照流塵  
既洒呼天淚方爲辟地民撫時非往昔感憤竟湮淪  
翁霍傳梅外倉皇問水濱諸孤隨弱母大慟向秋旻

越歲寧戈甲歸鄉辨宥宅酌觴號雪夜扶柩履霜晨  
家緒中微甚人間事一新孩提慙不肖操守賴慈親  
絡緯燈前教襜褕膝下馴田廬勤保任門戶幾憂辛  
文獻由先德扶持荷化鈞萱華明晚景荆樹際芳辰  
眉壽斟瓊蟻春暉奉綉茵雖非登執要自不厭清貧  
努力尊天爵勤心報大倫歸全期不忝化俗冀還淳  
信墨存家乘傳芳待後人年年思雨露歲歲省松筠  
至念通天地長歌感鬼神珍藏歸韞匱大孝慕終身  
南豐趙母王夫人壙志云歲丁丑仲禹公歿子儕

六歲价四歲耳夫人出萬死一生親葬公而教養  
其子以成其家儕既尊德樂道价又勤生致養能  
如儕之志其女適危氏者孝敬亦不移夫人身安  
心和享孝養者三十餘年而後終君子曰此非宜  
報其勤苦也蓋其積德之盛所以感畜冲和者有  
非偶然矣集與儕有千載世外之交信其內行淳  
備故知其所以事親者非止甘旨之奉溫清之宜  
宴閑之樂而已夫人讀書習禮亦未易以世人之  
學悅之也臨川吳先生讀其述祖思親之詩而嘆

曰真哉所發哀而不傷此古之作者非常人所及也集竊感吳先生之知言故書而識之俾示其子孫秦定元年歲在甲子十一月己酉國子司業蜀郡虞集書

郭君彥 真定人

海東青

海東俊鳥異鷗鷖金睛玉爪不凡材八月風高度海表劍翮怒斫雲陣開虞人設網心獨苦獲之不敢觸毛羽為言此鳥獻

天子年年進入明光裏驛使長懷萬里憂傷者還同殺人罪君不見唐太宗魏公入奏久未去不知鉄鷄死袖中小臣但願

聖皇脩德放此鳥自有鳳凰遠嘶瑞圖飛下五雲表

入京五首

虎踞龍蟠十二門王侯第宅若雲屯百蠻入貢天威遠四海朝元國勢尊曉日旌旗明禁路春風簫鼓沸名園唐堯虞舜

今皇是未必江潭老屈原

雅后五

八

蓬萊御氣挹晨赧萬國山河擁帝家  
金殿勢吞滄海日玉樓光映赤城霞  
巨鰲偃蹇乘丹闕舞鳳飄飄翼翠  
華遙望

至尊遊幸處六龍高駕五雲車

鳳凰城闕壓金湯龍虎旌旗護未央  
萬國衣冠朝玉座百蠻歌舞進瑤觴  
花迎宮扇紅雲曉日照天袍翠  
霧光江海小臣無以報空將詩句美成康

大明宮闕勢岩崑萬歲聲高山動搖金殿九重明日  
月玉樓十二挿雲霄青絲馬上王孫貴丹轂車中趙

女嬌自是鳳城春色好肯將心事許漁樵  
翠輦羶車往復迴風暗九陌障黃埃錦袍公子呼鷹  
出嵩帽僧官躍馬來雲外笙歌聲宛轉水邊樓閣勢  
崔嵬少年自有看花興欲賦觀光愧不才

野寺晚景

寺對清溪水遶關冷然鐘鼓翠微間  
樓臺無影日沉海松檜有声風滿山  
猿嘯石亭遊客散龍歸雲洞老  
僧閑詩成一笑歸來晚獨棹扁舟泛月還

送泗州同知僕世南赴任

雅后五

九

夢喜三刀驗之官正少年龍纏倚天劍虹繞載春船  
淮泗名先振湘潭政可傳門闌多喜氣屢見出英賢

又

錦衣臨泗水仙境足吟哦煙樹連淮遠雲山入楚多  
濟川功不小經世意如何會見沙堤上春風響玉珂

西山道院

幽居絕瀟灑深院鹿成群山色開窓得泉聲隔竹聞  
猿啼臨水樹風送渡溪雲客至渾無事談詩到夜分

宮詞

宮娃辮髮綰垂鬟嬌面團如玉盤出入紅門能走  
馬綉衣縹渺似乘鸞  
年少宮官着綉衣麒麟寶帶束腰圍日斜醉出金門  
裏騎得龍閑白馬歸

閑居春晚

深巷絕行人一鳥鳴高樹不知春色深花落夜來雨

早春湖上

柳芽黃淺不勝春沙煖泥香草色新鷓鴣雙飛湖水  
闊相思愁殺倚闌人

雅后五

十

秋郊

路穿黃葉林馬嘶秋色裏白鳥何處來飛下野塘水

張鳴善

平陽人

李陵臺晚眺次吳真人韻

雲黃沙白繞平原獨立崇臺思黯然地僻尚知秦遠  
塞章青不是漢新年非慚步武賢王後反欲捐生太  
史前誰謂茂陵明似日重光惟照漠南天

秋興亭次韻

巫峽秋濤萬里長荻花楓葉亂蒼茫青山礙目無閑

地白鴈牽愁有夕陽神禹栢殘扶大氣長庚星墮靜  
南荒已將今古同行客何必登臨憶侍郎

題史橋齋山水手卷

神仙中人丞相子五色玉立瑤池芝謝傳風流歌舞  
處羊公慷慨登臨時興來醉酒雲煙繞身後名隨日  
月遲安得颿車從上下蓬萊指點青參差

見釣者

宇宙俱為客江湖獨釣翁笛聲吹海月竿影倚秋風  
天定行藏拙時清禮法通古今惟范蠡落落幾人同



送人游廬山

曾到匡廬境，峽峰際碧空。  
萬松無路入，一水與天通。  
白鹿眼睛晝，清猿嘯晚風。  
洪崖如可約，吾亦訪雲中。

次廬參書御溝水韻二首

華清波色漢楊溝，不似鄰<sub>上</sub>煖綠柔。  
飄盡上林紅萬點，又從天上送春愁。  
堤頭春漲碧琉璃，堤外春陰海子時。  
同是玉泉山下水，可憐波浪太參差。

員怡然

閩中人

送陳文理還京師

十年不見老元龍，髯鬢蕭蕭帶朔風。  
萬里閩河秋月白，九重宮闕曉雲紅。  
功名有分皆身外，聚散無憑似夢中。  
問我能來定何日，移家今在五門東。

訪原頭范君才

長憶原頭范隱君，我來蹤跡不相聞。  
林鳩屋角啼清晝，山犬籬邊卧白雲。  
藥石猶能資疾病，丹青元不盡功勳。  
藻陂家主應遙念，一路秋陽草樹熏。

修琴

雅后五

桐梓年深半裂開，嶧陽道士獨憐材。  
維磨蛇腹秋風起，輕鑿龍池夜雨來。  
此日銘邊重注字，當年焚下欲成灰。  
何時試鼓陽春曲，預拂空山小石臺。

月中枉

雪風吹老樹，婆娑輪蒲旁。  
枝長漸多萬古秋，香懸宇宙一株晴。  
影照山河雲間啣子無，黃鸝天上看花有。  
素娥折向人間應不識，九重清露濕鳴珂。

寶應寺塔

五色雲中現七層，不知何代法門興。  
歸來遠客長迎

望老去閑僧已倦，登金鐸無聲風不起。  
寶瓶有影日初升，時聞梵唄盤空下。  
知是檀那夜施燈。

楊信可

臨江人

和揭曼碩兼懷武昌名勝

親友日以疏，江漢日以深。  
孤雲懷海嶠，倦翮思長林。  
終然念所知，沿流動悲吟。  
豈無後日期，邈若隔千岑。  
安得好風來，冷然入中襟。  
日與親友會，微言自規箴。

和盧子儀寄懷盧肅政上巴陵王侯

人生有知遇，永懷不可忘。  
俯視萬丈淵，仰睇千仞岡。

青山何其高江水空自長  
忽憶石梁叟別我半載強  
昨者從湘中歲晏歸朔方  
孤舟渡淮水遺歌滿滄浪  
迢迢天際雲青陌上桑

次韻酬呂文學

後會未可必前路轉多山  
鷄鳴發孤館蒼涼雲樹間  
俯視清溪流仰睇高鳥還  
念此別離情南山正孱頑

鹿角站阻

風送洞庭沙維舟隱荻花  
水枯魚上畱秋老燕移家  
日暮長河急天寒去路賒  
故鄉三十驛歸夢遶天涯

奉別存初郎中臨湘月下汎舟

西風吹老白蘋洲天上郎星月下遊  
過鴈影沉湘水碧斷猿聲入楚山  
秋歌翻白紵猗蘭泣夢落黃陵  
帝子愁夜半鐘聲天曉角猶疑身在鳳池頭

望池州作

黃蘆瑟瑟草油油樓閣參差瞰碧流  
萬里長江秋色遠一帆斜日過池州

鄧德良

南昌人

涉圃

雅后五

林塘草樹接江干，一日三回涉圃看。  
白鴈不來緣地煖，黃花微瘦覺秋乾。  
隔溪烟火人家靜，傍水樵蘇野氣寒。  
柴戶反閑生事了，晚菘種罷雨漫漫。

晚眺

晚步從容出薜蘿，吟詩聊當竹枝歌。  
寒流漸縮溪船少，臘雪不成山霧多。  
官賦人歸荒嶺路，野燒烟起夕陽坡。  
江鄉盡處閩鄉近，老盡塘蒲無鴈過。

送陳杏林赴潮州醫學教授

三千驛路上灘船，九品醫官半百年。  
藥市得錢添月

俸杏林收谷當公田，北書漸覺江鴻少。  
南食初嘗海鱧鮮，不用越巫驅瘴癘。  
家家傳取衛生篇。

寓舍春晚

柘陰初合豆初畦，門掩春寒落絮遲。  
薄暮一樽還獨酌，坐看微雨濕茶蘼。

中秋憶家

千里星河一鏡圓，杜陵兒女隔秋烟。  
遙怜此夕柴門裏，相對清樽說去年。

過聶氏西岡別墅

雅后五

十五

紅葉青山 酒行山人新結野菴成  
西簷一樹梧桐好他日重來聽雨聲

清景亭邊秀作堆竹聲松影共徘徊  
野藤繞屋多秋實時見山禽引子來

李宗冽

時江人

題嶽谿禪林精舍

朝遊適嘉霽遂暢尋山願  
屋日破曾陰晨經罷幽殿  
年深樹益繁像古閣重建  
夜來天地霜松色了無變  
宛然晚岫間廬岳復茲見  
山僧四五人屢訪期識面

和傅伯永月夜汎舟

夕霏已掃林綠波際遙  
天浮雲蕩倒影相與渡清川  
愛此山水趣聞歌心益便  
沿洄隨意遠落月照歸船

古隴頭吟

天寒隴水嗚嗚咽夜領銳兵從此發  
海風吹人眼欲枯上壠猶看嶺西月  
悲笳背背霜滿天十里一堆烽  
火連去年初度彈箏缺今年復引月  
支泉從軍辛苦事征討將軍功大殘  
兵老

秋夕江上

雅后五

十六

水館螢飛入沉沉夜未眠  
衆星搖雨後孤月轉河邊  
草木寧悲候江山不記年  
忽聞吹急管况有估人船

代項氏怨 并序

燕山項氏其夫江南人行賈燕薊間聘項與居未  
久夫死項時年二十奉柩回江南誓以夫餘貲養  
姑以自終比至姑改適項勵志孑居以守夫祀余  
憫其事而賦之

少無依倚老何堪  
白髮婆娑亂不簪  
夢裏尚思江北  
好悔將夫骨葬江南

贈深上人

處處隨緣到經年  
此託蹤不言鄉國遠  
惟指對門峰

王尚志 臨川人

暹國迴使歌 并序

暹赤眉遺種天歷初嘗遣使入貢今

天子嗣位繼進金字表章九尾龜一象孔雀鸚鵡各  
二朝廷以馬十疋賜其國主授使者武略將軍順  
昌州知州使者錢塘人江東羅儆作歌僕遂和之  
江東先生遠扣門口誦暹國迴使歌高秋夜靜客不

寐歌辭激烈聲滂沱東南島夷三百六大者只數暹  
與倭暹人云是赤眉種自昔奔竄來海阿  
先皇在位歷五載風清孤嶼無揚波方今

聖人霑德化繼進壤貢朝鸞和紫金爲泥寫鳳表  
靈龜馴象懸鳴珂彤庭懷遠何所賜黃驪白駱兼  
青驂卉裳使者錢塘客能以朔譯通南訛遙授將軍  
領州牧拜舞兩頰生微渦樓船歸指西洋路向國夜  
夜瞻星河金雞啁晰火龍出三山宮闕光嵯峨鄱陽  
驛吏親爲銳今年廻使重經過先生作歌既有以却

念黎獠頻驚叱田橫乘傳嗟已矣徐福求仙胡尔訛  
豈如暹國效忠義勲名萬世同不磨倭音渦驛音沱  
訛訓欺

同鎮陽李先輩登臨川擬峴臺

楚塞蕭條客復來已無秋渚藕花開西風曠野孤城  
出落日西江白浪迴山似襄陽非故國地連吳會有  
高臺南歸萬里頻回首潦倒徒傷賈傅才

季冬初三夜見月

向晚西簷月令人生夜思山川徂杪歲雲漢負秋期

素魄窺恒滿良宵惜屢移清輝可攬結脉脉寸心知  
送孔椽之鰲谿

古縣青山裏溪橋春水流沙明殘雪在市散夕嵐收  
解宇鄰仙洞更聲雜戍樓怜君趨幙舍微祿暫淹留

登冷仙岩

仙岩酌酒杏花紅滿地金濤日上東洞底香風散靈  
氣遊人都在紫雲中

舒州張萬戶征西賊馬被箭數十猶載其  
生以馳每寒氣龍衣之則輒仆而能終惠養之

舒州營裏將軍馬曾向西征破賊來伏櫪金創秋氣  
重斷腸當日戰初迴

南園

蒼苔翠竹轉林暉野菊花開過客稀樹底秋虫作寒  
繭雨晴黃蝶滿園飛

徐天逸 臨川人

擬古

皎皎機上絲織爲遊子衣遊子蕩風塵素衣化成緇  
風塵不可避四顧將何之豈不念潔白徒重翟子悲

雅后五

十九



晶哉加澣濯河水清且漪

娉婷閨中女天質知自愛空懷蘋藻心日月苦行邁  
家脩意良勤遲遲如有待未嫁庸何傷失身將重悔

又

婉婉自結髮伉儷情義深夫征日易久魚鴈成銷沈  
自怜鏡中貌衰白將駸駸有衣爲誰熏有花爲誰簪  
顧影雖無儔秉心猶斷金青天懸明月照影不照心

君馬黃

君馬黃我馬白青絲聯絡黃金勒長安紫陌爭馳驅

一日秋風各南北酌君酒君莫辭與君更作汗漫期  
神龍不可豢天駿不可羈乾坤浩蕩信所之人生行  
志當及時雨情繾綣將何爲丈夫不作兒女悲

田家詞

犁田無牛秧易老養蚕未蠶桑已空二月新絲五月  
穀如何解折今年窮

秋風詞

秋風一舸歸晚泊芙蓉渚折房遺所思的的中心苦

清明有感

雅后五

二十

菽水歡娛淺松楸感慨長西家白頭嫗門外倚斜陽  
山中初霽

久雨客不來燕坐了晨夕今日出東郊門外草三尺  
施性初 臨川人

古井

地脉深三丈寒甘漱石甕最宜探月色獨坐聽泉聲  
早許隣人汲廢餘秋草生元非投轄處水不近交情

秋日田家

高高青櫟樹忽有鷓鴣鳴雨後晚田熟門前秋水生

鄰家賽社去野犬吠人行泥潦相淹久明朝歸計成  
郊園宴集得荷字

脫帽長松下探幽到薜蘿翠禽翻岸篠紫芡刺池荷  
人影追涼散蟬聲入暮多當携謝公妓載酒重經過

萬年坪坐雨

復此留三日秋陰未肯晴雨懸沙樹白坡落石泉清  
未可言羈寓聊堪遣性情草蛩籬落下時作不平鳴

喜徐宗道自金陵歸

雲樹相思夕年年賦式微淮南芳草歇江上故人歸

日夕開新酒天涼換袂衣從容亦自好墨綬與心違

李道傳留九江以詩見寄

水鄉城郭晚煙稠遙想思歸上庾樓潮落湓城魚作浪雨餘淮甸麥先秋一樽濁酒懷親友數首新詩歎客愁我正山中招隱者秋風應棹木蘭舟

雨中同從弟宿田舍

鵲鴿相逐暮天陰破帽長江覓短吟十頃水田春布穀一天風雨夜同衾草腥宿鴈投湖水煙膜歸牛入柘林明日東隣赴鷄黍汝還不飲我孤斟

傳謙則學正

東山有鴟梟

金衣菊裳海頭鴟胡不啄此鴟梟目劔翎鈎爪鞬上鷹胡不食此鴟梟肉東飛西飛止頽頽開口呀呀無飽足天何生此不祥鳥白日妖呼鬼夜哭羽毛似可美外飾腸膽豈知懷內酷月明風淡霜氣寒三繞高枝鷓驚宿網繆牖戶固根本一叫一鳴千百毒將軍只逐天邊鹿誰敢挾彈滄江曲偽鈔爲弊善良破家故賦此

皇元風雅卷之五終



國家圖書館, NATIONAL CENTRAL LIBRARY, TAIWAN, R.O.C.

皇元風雅卷之六

熊勿軒

前進士

後集

壬子雲谷春祀徹俎郡侯素軒先生絨題  
雲谷書院道原堂又晦庵師友道義之祠  
七大字致山中秋立扁簡諸同志二首

伊洛何年此道南  
道原堂上意誰參  
古文夫子遺經  
六連學文公精舍  
三落落此生徒  
苦志悠悠吾道豈  
空談是邦賴有賢  
師帥扶植斯文首  
晦庵

廬峯山下義寧村  
重構新祠儼後先  
兩字孝忠存祖

雅后六

一

訓一原道義繼師傳高山屹屹幾千仞喬木陰陰四  
百年多謝故交不相棄年年秋菊薦寒泉

赫曦臺四景

薄暮朝霞

赫曦薄暮真奇絕初到殘陽復西沒仙霞山外何處  
山五彩煙霞互明滅須臾群陰解剝盡兩脚如麻漸  
開豁冥冥渤海不可留空有殘霞半天赤

中宵皓月

赫曦日夕真奇絕最好中秋看明月竦身飛上第一

峰不覺清寒近天闕初离海角猶空濛行到天心轉  
寥泬今宵端正照山河長笛一聲愁欲裂

中夜白雲

赫曦中夜真奇絕起視茫茫大瀛渤風濤雪浪無際  
涯絕岸時看孤島出洪爐巨甑如蒸炊圓形宇宙非  
金石直凌倒景窺三光俯視塵寰始超越

鷄鳴出日

赫曦清旦真奇絕遠望海門觀出日金戈鉄騎走千  
群閃閃萬旗張天赤火輪飛上使人驚燦眼祥光成

五色扶桑浴久升何難認取真精凝太極

羅太瘦

前貢士

述懷

淮海歸來二十年結廬仍向舊山川既無酒債貧休  
恨浪得名老尚傳曉日輪蹄思柳外春風羯鼓在  
花前如今靜聽瓶笙韻猶似當年咽管絃

題鶴林宮

暑往寒來迭世間有誰千載駐朱顏騎鯨客去天連  
水跨鶴人歸月在山爐火頓消情慾境劍金須斷利

名閑煙莎隨分岩前綠猿鳥不驚春意閑

雷機

儒學提舉

三山

題孫義方壽慶堂

九袞慈親四世俱不妨閉戶讀殘書義方自有傳家  
懿壽慶因知積善餘萱草春風菜子袖桂花夜月鄴  
侯書許公大筆高堂鎮從此并鄉且故廬

毛靜可

儒學教授

贈閻萊山書吏

吟身宇宙一攀龍三逕清風四壯同菽水有懷雙鬢

雅后六

三

裏萊山入夢十年中布衣稷契詩書澤治世巢由畎  
畝忠春在江南倚樓處雲霄萬里見冥鴻

時秋積雨霽

醞釀豐年付老農挽回涼信報詩翁巫山久暗埋寒  
碧湘水初明浴晚紅簾捲柳陰先得月簾橫梧影早  
噓風天公快我披雲願萬里乾坤一望中

後齋陳以仁 三山人

拜西山真文忠公

仰止西山翁千載祀不絕文章立準繩青史施名節

世降風俗薄人心多詭譎遺像儼如生再拜懷先哲  
次熊勿軒書榻可字韻

一榻清幽無不可有客過從但虛左書讀萬卷曾次  
明平日操存要在我哦詩得句豁昭曠飲酒濡唇戒  
憚懼此時要學乖厓翁一劍橫陳斷心火

酬呂渭隱

爲學藏修欲及時年光劈箭駟難追春風碧草慣爲  
客夜雨青燈擬話詩君欲逃名甘渭水誰能插翼上  
天池講明經義開茅塞誼薄雲高未有涯

雅后六

四



陳野雲

樓中

心爲高明喜，新秋入遠賅。斷崖雲氣合，古樹雨聲多。  
萬事成真率，一盃還太和。客來論得句，客去自高歌。

過祈山

窈窕牛頭萬嶺春，橋虹欲訪武夷君。青回野燒未藏石，  
紅壓岩花不礙雲。晴澗虎蹄行處濕，嵐林鶯語暗中聞。  
東風一路無深淺，處處海棠開半分。

遊山寺

金碧樓臺古亦新，空庭寂寂裊餘熏。綠槐作陣不容月，  
碧岫無閑祇住雲。蓮社肯從元亮酒，石門宜有謝公文。  
飛泉石茗伊蒲供，靜看風幡何足云。

夢覺

午夢將身過華雲，敲雲欲訪卧雲人。覺來偶識東風面，  
送我飛花一片春。

無筍

暖透苔痕三徑深，竹根稚子竟潛身。疎林自要添風月，  
豈是雲山不受春。

擇選官圖

都尉能官爛羊胃將軍大誥不易醉功名自古幻見  
嬉一擲三公亦塞意

幽境

琅玕十萬擁華屋門外寒泉曲曲綠白鶴未歸山更  
幽劃然谷應鼓碁局

過深山三家村

入山隨意去探勝欲窮源萬樹綠陰雨三家黃犢村  
藜羹有風月井湊自乾坤莫問征徭事桃花應斷魂

登高晚歸再飲

携客登高晚未休振衣千仞鬢颼颼平山落日送千  
古破帽西風又一秋處士生涯籬菊在醉翁意緒水  
雲悠金樽未盡尊鱸美明月隨人到小樓

友人同旅宿

偶作西州客同聽秋夜蛩月窺孤榻夢風約半城鐘  
旅店催晨火鄰家尚宿春隔句歸舊隱日出睡從容

梅花

暖透仁根太極枝枝南枝北景催詩千林萬壑雪深

處兩藥三花春到時皎皎不知清作聖稜稜無復瘦  
如斯矐仙相對花應笑總是三生姑射姿

山寺避暑

孤刹遠林外投分半日涼磬聲緣曲塢塔影避斜陽  
花石禪房淨茶瓜客意長翻思十年夢揮汗度羊腸

曉行別客

倚涼度晨嶺氾露逐麋群松濫半身雨山懷兩腋雲  
一蟬秋意足匹馬客程分總是江南路逢梅不寄君

山庵四景

牕壓松陰日滿山鵲聲和影過牕間落花風定遊絲  
墜一縷直尋香篆閑

拄杖敲雲深入山枕琴時臥白雲間偶然浣藥逢翁  
釣坐失榆陰相伴閑

秋宇新涼多在山清涼應不是人間桂花蒲地虫聲  
細人共一庵風月閑

南牕精舍北牕山對面梅花水雪間開到梅花春色  
早四時忙迫境常閑

道院

雅后六

瀑奔山自靜花落草留香  
曳竹穿雲去採芝消日長  
雨來

石燕山邊急雨來踏青人去馬歸嘶  
東林風應西林響雲共落花爭渡溪

冬至

今日平分一半冬一陽初長陰六窮  
剝翻碩果萌坤底復見天根生震宮  
君子道如元酒淡野翁心與太初同  
牕前意思梅枝好莫折梅枝共養蒙

冬日新晴郊行

半月癡雲擁晦冥今朝雲捲見山城  
雪消籬落動春意密爲梅花出晚晴  
野迳多歧隨馬去亂鴉落處偶詩成  
相逢茅屋何年老羊栗灰前太古情

齋居

方丈虛齋自廓寥竹牕苧袖兩蕭蕭  
門閑白晝蛛絲度風定綠陰禽語嬌  
櫪可天全成長物春涵帝力不知堯  
偶然點易便多事滴露研朱損藥苗

釣臺懷古和韻

雲合雲從四七豪冥鴻不受網羅包  
委身若使儕馮

鄧元節何由到許巢一足故人星宿迨片心清聖水  
雲交釣臺凜凜高千古回首雲臺覓夢泡

### 登高

落葉霑衣兩鬢颯青鞋支滑上牛頭眼中吳楚幾行  
鴈足下烟雲萬里秋好景不隨豪傑老黃花寧帶古  
今愁清風兩腋發高興欲呼雙龍挾許舟

### 題石跡山佑聖宮

閑觀石跡上崔嵬石跡冷然澹碧苔芳草亂雲天上  
去落花流水世間來烟湫百尺丹砂井雪嶺千尋白

玉臺供罷石泉風習習乘風歸去訪蓬萊

### 秋晚獨立

晚來無事倚溪門擁地金黃落葉新谷應犬聲鳴隔  
岸月推山影壓西隣一川萬古黃昏景百歲幾時光  
霽人立到清寒十分處却將一醉見天真

### 過龍門

龍門深更阻悄悄路幽長山壁兩崖石溪磻九曲腸  
烟雲先暮色花木殿春光夕照猿猱外採山人正忙

### 隱几

雅后六

九

無復風雲夢長吟太古歌草廬知事少花塢得春多  
散屐印芳綠開樽駐少駝北山謝逋客慚不到盤阿

元夜觀燈

東風初軟上元時綵結鰲山闢巧魏萬國山河圓月  
影九街燈火駐春輝鈞天夢遠朱樓香墮珥香消翠  
輦歸誰洗紛華天下眼復觀純素訪豨韋

乞巧

天孫勞指苦無窮何事佳人乞更工一氣返純大巧  
拙七襄無嘆小東空竹牕欲暝踈踈雨葛袖驚秋淡

淡風寫罷微吟斟老瓦陶陶不識是洪濛

秋江

江樓倚秋色渺渺思無窮今古三千里悲歡幾轉蓬  
鴈分空水碧蓼讓曉楓紅莫負文章宴幽靈借便風

遣興

冉冉春將暮無詩花鳥猜月高山影縮虹斷雨聲來  
何者爲佳士逢時是雋才海棠紅滿徑且共上歌臺

宴芳園

烟景媚芳園芳園更媚晴鶴隈孤竹立鹿載落花行

鼓吹春心蕩簷絲淑氣平  
好天入良夜春在月華明  
幽居

繞屋竹無數開門山有餘  
縱遊隨境去觀妙燕尸居  
曉汲先分鶴晨炊待送魚  
歸來彭澤令興味恐相如

潘心月

浦城

龍山寓舍

春煙藏碧樹碧樹更藏鴉  
浮世難爲客安居即是家  
柔風行柳絮淡月吹池蛙  
無以娛慈母離邊種菊花  
西軒雪夜

枯葉雨聲乾一年冬又殘  
衝風扶海立積雪護山寒  
世事邯鄲枕人情灑灑灘  
灘梅花偏有意開傍小闌干  
冬日山居

一犬吠柴扉牛衣晒短籬  
梅花村巷酒風雪野橋詩  
屋小雲分住家貧鶴奈飢  
莫言霜逕滑世路更嶮崎  
林德暘

漁笛

三弄知何處蒼茫起釣舟  
閑將千古意吹入一江秋  
驚鴈顧殘侶寒風生別洲  
曲終和月臥無夢到涼州

雅后六

十一

趙芝室

自遣

多病相如尚愛文  
心期老去共誰論  
十年燈火客羶  
在半世江湖書眼昏  
竹葉盃中消日月  
梅花枝上識  
乾坤何時去  
作青山隱獨疏  
太玄深閉門

羅梅我

和劉章寔雪

人倚梅花管領春  
烟如玉樹出瑤林  
雖無遠客衝寒  
訪喜有幽人忍凍吟  
一夜溪山俄曉色  
十年宇宙此

初心劉郎情意憑  
誰寫莫遣梁園擅賞香

與林梅格

欲訪梅邊信未通  
我心先在影香中  
不知標格今何  
似但視襟期昔已同  
幾度夢魂隨夜月  
一番消息占  
春風溪魚山藥何妨醉  
後夜扁舟又欲東

雪

漫漫飛絮滿空揚  
獨倚高寒俯八荒  
萬宇如銀冬暴  
富三冬無月夜增光  
欲邀東郭難尋道  
要覓南枝只  
認香說與朱門歌舞者  
還知客有臥袁僵



劉草窓

寄慎教諭

不把軒裳浣却清，隔籬吹過讀書聲。  
童知好客門常動，掃鬢爲工詩藥轉。  
精酒律只緣霜蠹破，杖藜偏傍菊  
花行。清宵論到鍼時處，自剔殘燈坐到明。

訪謝雪田居山

童稚編籬補敗墻，幽禽對語盡相忘。  
雨搖牕竹圖書潤，風落瓶花筆硯香。  
遠聽泉聲鳴却斷，近栽松竹看  
來長。惟應夜讀成何事，引得樵夫到草堂。

張奎翁

和劉草窓待月

夜色沉沉冷似秋，凝眸江迥爲誰留。  
鈎簾舉酒延飛鏡，倚席裁詩看滿樓。  
彥伯少需牛渚會，坡翁且伴羽  
仙遊。素娥笑指娑娑樹，試問西河斲得來。

晚眺

携觴領客共徜徉，歷覽溪山盡日長。  
歸鴈數行雲漠漠，落霞一段水茫茫。  
帆收蓬席嘶山影，簾捲荷花隔  
浦香。極目乾坤斜照處，桑田爲海海爲桑。

李孟陽

建安

呈高琨璞治書

玉輝韞匱留舟山名懸萬里星斗寒忠肝耿耿皦如  
日眸波吟動生微瀾驛駒勤震紫雲曉京華表榮聞  
金鑿一旦筆露沾芸香相臺劔氣橫秋霜說龍圖治  
風雨落涼吹瑤珮鳴鏘鏘歸歟種菊苔逕空書疊明  
月軒當松阿衡未許老耕隱三聘挾道飄崆峒天環  
元運開九重良弼夢久孚宸衷蒼生拭目望經濟八  
絃鼓舞融春風

屈竹

琅玕君子蟠虬龍岩岒獨處懷春風鳳凰飛斷片雲  
曉怪石曲質成天工斜煙露出抱危石巋然一見還  
睥睨苔緘滑破移土深依稀露帶殘陽濕霧篆綠林  
橫玉枯細葉曲雨枝相扶青青礙月折寒影臥浴槐  
暑涵清癯淡如孤山弄霜白橫斜光霽黃昏色古如  
處士冒雪閑暖根盤伏留堅節固知屈已難以舒凌  
霄勁直心自如晴薰拂拂吹菰蒲醉歌淇澳春蒲壺  
涼飄錦籜落新韻欲賦未就仍躊躇倚牕問竹竹不

語但覺細香習習生詩書

寄西澗上人

獵獵鴈秋闌寒輕點鬢班書聲一樓竹詩思兩橋山  
白鶴延翁老青猿逐客閑雪晴樓有信携月度雲關

涂雪坡

樵川

齒藥短歌

姮娥夜墮玉杵白白兔搗碎瓊瑤霜瓊瑤霜凝異香  
丁字橋邊授仙方孫家老人不識此口嚼白石情何  
狂驪山君王惜顏色三十六宮瓠犀白漁陽鞞鼓動

秋風一旦唇亡齒何益君不見殷湯盤銘九字刻此  
藥至今傳不得

題福善王廟

乾山疊疊水泚泚舟迓溫陵太守回躍馬不朝金殿  
去騎鯨飛上碧天來宇文篡位終亡國高祖承休亦  
廢臺惟有王心明日月寒塘蘋藻正花開

涂竹逸

樵川

御茶園

唐殿老臣誇荔子建溪從此亦留名山中昨夜東風

煖百十兒翁唱太平

危布尹

盱江人

糊窻短歌

峨眉影動半輪月巫峽山頭看晴雪只愁夢裏見梨花  
一夜海風吹石裂波浮洞庭光玲瓏玉織剪水描  
秋空丈夫壯志在皎皎俗子羶帳徒重重盤鴉字出  
人未識影不搖紅燈照席三年刻楮正自怜乞巧何  
能逢七夕

十雪題詠

李草窻

韓王堂雪

太祖出幸

警蹕無聲輦路平玉龍密衛至尊臨睡翻一榻風寒  
凜坐暖重茵夜色深門外飛花天地曉爐邊定策帝  
王心玉笙吹徹江南雨人擁羅衾正醉吟

嚴春山

撫州人

韓王堂雪

帝星夜度紫薇宮滕六先驅擁玉驄立處袍生風絮  
白坐間裊煖地爐紅宋家數百年天下普第兩三五

酒中榻外有人方，鼾睡夢回花月小。樓東

葉水村 龍泉人

伊川門雪 游楊侍立

戶屨天寒侍講惟，先生瞑目坐如尸。丈函立久已潛  
悟尺瑞積深渾，不知白室虛生初。見頃紅爐點化且  
休時，一家教法清和異。伯子春風更可師

袁安道

袁安洛雪 高臥洛陽

世界瓊瑤別一般，出門半步即風寒。飛花上下山河

異臥榻中間，天地寬無過客來。行迹少作干人態，此  
時難立身大節。當然耳豈意清高却得官

陳應江

李愬淮雪 龍襄平蔡柵

玉 戰罷舞殘鱗，常侍乘虛夜。進兵槽馬疾，騰乘殺  
氣池鵝亂。擊雜軍聲文，城風急嚴師。律洄曲雲低，壓  
賊營。士女迎門笑，相語曉來春。滿蔡州城

王劔川

王猷溪雪 訪戴安道

心事微茫剗曲流夜寒風定六花收山川一色天如  
晝上下交光月在舟自醉自吟懷渺渺興來興去水  
悠悠歸歟怕折堂前竹首問平安如昨不

李蒙齋

李及郊雪

訪林和靖

漠漠長堤濕絮漫使君來扣隱君閑天寒誰信五馬  
出湖凜惟隨一鶴還林麓清無羣從混梅花冷伴二  
翁閑他時白集歸舟月別去先生不汗顏

陳天霽

蘇武羝雪

北海守節

海上艱閑十九年孤臣凍死不呼天忍將膝與羊俱  
跪誓托心同節共堅衰鬢霜飛耳臥塞剛腸水透只  
餐旃當時不爲求芻牧千古高飛更凜然

鄭溥

鄭縻驢雪

灞橋吟思

長憶飄然灞水涯此時此景客那知風前策蹇蕭蕭  
遠橋外衝寒去去遲飛絮一鞍披野服落梅雙鬢染  
吟髭思情如許寧無句定恐當年有逸詩

雅后六

十八

孫平齋

孫康書雪

夜映讀書

偷光不肯學康衝千古先生以介名造物怜人共清  
白夜牕無月亦光明恍疑藜杖吹煙照誰信銀河剪  
水成他日烏臺霜凜凜依然氣槩老書生

劉南金

歐陽詩雪

禁体題詩

鹽絮紛紛語濫觴如何說馬到驪黃北方明禁千餘  
字條令昭垂六乙堂穎士筆矛成束手坡翁戰鉄可

爭光采薇只把霏霏說剛後多安床上床

十臺懷古

友人來自杭遞示濟南王十臺懷古詩  
讀之感慨不已夫江山故宮歌舞遺跡  
二載之上英雄游焉千載之下狐兔行  
焉俛仰廢興孰能無情而詩人尤甚發  
為詠歌詞雖不同而意氣脗合若物之  
鳴以類而應余安得妄言哉余生好游

嘗聞馬子長杜拾遺覽觀四方山川之  
勝以壯其文心切慕之異時浮江淮沂  
沅湘上巴峽過秦漢故都歷燕趙齊魯  
之場所見如十臺尚多訪遺老詢故實  
舉觴三酌之足以發一時之興快宿昔  
之願歸而讀馬杜之詩文以證其所得  
焉耳

姑蘇臺

百花洲上姑蘇臺吳王宴時花正開半空畫燭西子

醉三更鉄甲東門來吳波渺渺吳山簇不見嬌顰倚  
闌曲丹楓落月怨啼鳥碧草東風驚走鹿闔廬丘墓  
相連處應恨夫差迷不悟斷指千年血未乾游魂夜  
哭臺前路

章華臺

靈王傾國崇臺宇按劔章華睨中土弁裳伏地走諸  
侯鍾鼓凌空震三楚騁驕不顧伍子謀落成乞與吳  
丘游孤舟竟走江上路塊土獨枕山中愁十年伯氣  
終蕭瑟回首華容歸不得飢魂漂泊啼秋煙細腰却



舞新王前

朝陽臺

神娥縹緲高唐上楚宮樓閣森相向丹楓蒼桂涌孤  
闕錦石清江簇連嶂行雲冥冥飛雨寒孤猿咽咽千  
花間翠旂龍駕杳何處斷魂殘夢愁空山微臣宋玉  
誇此賦當日襄王豈真遇千古秋風恨未平高泉飛  
落三巴怒

黃金臺

昭王銳志夷青社築土懸金奉賢者四方劍佩集強

燕千里強燕空駿馬郭君自舉先群豪樂生獨步超  
凡曹酬恩一雪伯國恥建功並倚雲天高君臣意氣  
千年少落日荒墟沒秋草黃金買貴滿長安惆悵英  
雄布衣老

戲馬臺

項王戰馬從東來意氣蹴踏全秦摧入關不並沛公  
轡還鄉却上彭城臺重瞳按劍風雲靡萬足騰空煙  
霧起淒涼垓下泣名騅零落江濱餘數騎寄奴千載  
心爭雄登高把酒臨秋風詐移晉鼎非男子君看百

戰東城死

歌風臺

沛公置酒君王歸酒酣思慘風雲飛兒童環臺和擊  
筇父老蒲座同沾衣一歌豐沛白日動再歌淮楚長  
波湧龍鬣氣拂半空寒虎士心馳四方勇山河蕭瑟  
長陵荒野中怒響猶飛揚歌臺未傾風未息故鄉之  
恨那有極

望思臺

銅人氣迫前星黯思子宮城歲華晚高臺有懷碧草

新大野無蹤金犢遠一朝弄兵兒罪輕百年鍾愛天  
倫深淚園魂魄夜寂寂胡城風雨秋陰陰漢宮樓觀  
連天起方士熏香召仙鬼望思望思終不歸茂陵老  
淚如傾水

銅雀臺

半空高棟翔金雀玉宸總帷塵漠漠西陵老樹暝色  
寒建安殘妓春情薄曲終紅袖辭尊前簷傾斷甍飛  
人間分香淚老恨不滅秋風吹入桃花班漢家一片  
如膏土肯爲奸雄載歌舞銷盡曹瞞萬古魂落日漳

河咽寒雨

鳳凰臺

金陵王氣飛祥雲  
鳳凰臺上聲和鳴  
鳳來春風花冥冥  
冥鳳去秋風荒草生  
嬌娥舞散高城暮  
青山迴隔丹丘路  
斜陽門巷語烏衣  
細雨汀洲飛白鷺  
江空天闊鳳影遙  
謫仙吟斷誰能招  
六朝宮闕煙蕭蕭  
月明夜半人吹簫

陵鼓臺

大明天子游南國  
紅粉三千臺百尺  
歌鍾激浪楚日

白簾攏凝樹湘雲碧  
凌虛高宴金輿來  
侍臣狎笑朱顏開  
臺城宮扉銷花柳  
寄奴土障生塵埃  
昏昏醉夢春風几  
不顧江東數千里  
酒罷歌闌帝業銷  
青山空映當塗水

秋懷

江南木葉飛江北  
百草黃花煙澹莽  
蒼悵望川途長  
寒魚聚其群  
鴻鴈忽成行  
俛仰念時物  
索居耿淒涼  
昔我二三友  
敦好攻文章  
漂零轉相失  
尺素不得將  
人生四方志  
企爾揚聲光  
登山豈無車  
涉水亦有航

真誠諒不隔離別庸何傷

忽忽意不懌獨步登高丘群山紛虺螭前當大河流  
八月草木凋萬里風雲愁寒晶蕩白日孤鴻去悠悠  
鴻飛不可極其下禹九州古來英雄士百戰橫戈矛  
念我當壯年弗獲茲地游豈無干時略欲往誰見收  
若看天馬駒失足羞釐牛

我居雖塵中無營澹昏晨出門少朋徒入室誰與言  
揚揚夸毗子短衣踞高軒憑時笑蹇拙詎識我所存  
冥心玩群動大化爭飛奔西風振槁木白露零芳蓀

榮悴倏仰間物理豈待論勗哉栖遲士毋為怨衡門

和黃潛卿客杭見寄

一從君客江城去詩思淒涼酒盞空天末倚樓孤岫  
雨春深閉戶落花風半生政恐才名誤萬里誰怜意  
氣同坐憶王孫詠招隱萋萋草色何人濃

書問蕭條已半年知君近賣過湖船江花日暮吹紅  
雪店樹春晴起綠烟客裏光陰遽如許人間岐路正  
茫然離羣得似游從樂紙貴錢塘日萬篇

翰林學士巴西彥天祿儒臣漢世雄一笑吟邊餘故

老並游方外亦清風  
吳天有象星應聚  
驥馬成群眼已空  
十載神交未相識  
臥淹幽谷恨羈窮

皇元風雅卷之六



國家圖書館, NATIONAL CENTRAL LIBRARY, TAIWAN, R.O.C.